




R R

d



$\frac{N}{a.9}$

The Library of the  
Wellcome Institute for  
the History of Medicine

MEDICAL SOCIETY  
OF  
LONDON  
DEPOSIT

Accession Number

Press Mark

SANDRI, G.

657651A



JACOBI de SANDRIS,

Phil. & Med. Doct. in Universit. Bononiensi  
Anat. & Chirurg. Prof.

DE

*Naturali & Præternaturali*

SANGUINIS

STATU

*Specimina Medica;*

CUM TRACTATU

DE

VENTRICULO

ET

EMETICIS.

*Accessit Prefatio*

JOH. HELFFRICI JUNCKEN,

Med. Doct. Physici Francof. in Collegio  
Curiosor. Germanor. dicti  
APOLLONII.

•••••

FRANCOFURTI AD MOENUM,

Apud JOH. PHILIPPUM ANDREÆ.

---

M DCC XII.

SOCIETY OF LONDON MEMBERS

JOH. HELFRIED JUNKER

Med. Doc. Physici Praesens in Collegio  
Christoph. Garmann 1841

ALTOLOX

FRANCOPOLITAN AD. MOENIAM  
Apud JOH. PHILIPPUM ANDREAE

M DCC XII

# PRÆFATIO

JO. HELFFRICI JUNCKEN,

Physici Francofurtensis in Collegio Curio-  
forum Germanorum dicti

APOLLONII &c.

**I**ndustrios Medicos si  
quis quærit extra Germa-  
niam, *Italiam nunc adeat*,  
ubi inveniet Viros qui in  
enodandis rerum natura-  
lium, atq; extricandis Mor-  
borum intricatis causis, ex  
principiis mechanicis dedu-  
ctis, Germanis plurimis, &  
aliis, jam palmam dispu-  
tant: ut nonnullorū saltem  
notissimorum faciam men-  
tionem, exemplum nobis  
suppeditant Curiosissimus

*Malpighius, Lancisius, Ramassinus, Baglivius &c.* qui nobis saltem innotuerunt, ex eorundem operibus fanè doctis: & quot sunt alii quorum res gestæ, vel scripta nobis adhucdum sunt ignota, quæ, ni curiosus forte in itinere ex improvise reperit, incognita manent.

Communicationem hujus opusculi nobis fecit *Illust.* quidam Medicus Italus, Vir verè eruditissimus & curiosissimus, cujus præsentiam & conversationem amicissimam diutius optassem; quam ex improvise Princi-



pis fui itinere versus Italiam, uno momento quasi perdididi, cui fausta omnia! Ille inter cætera referebat, quod *Dominus de Sandis Profess. Bononiensis* hunc suum laborem *de Sanguinis Statu Naturali & Præternaturali* jam divulgatū propria pecunia redimere & mundo Medico subtrahere rursus cœpisset; adeò ut in paucorum manibus vix unum alterumque exemplum relictum fuerit.

Ne igitur tam salutare scriptum penitus obliteretur, exemplar quod secum



habebat, Bononiæ impres-  
sum, suasu, Viri alicujus iti-  
dem Illustrissimi & de re li-  
teria meritissimi, Bibliopo-  
læ reliquit, ut ejus copiam,  
nova impressione, Medicis  
Germanis sisteret.

In eo verò omnis est Cla-  
rissimus hic Author, ut cum  
omni ratione Sanguinis  
tam Naturalem, quam Præ-  
ternaturalem enodaret sta-  
tum adeò intricatum; quâ  
ratione videlicet, corporis  
humani partes fluidæ tam  
sanitatis quam morborum  
ferè omnium existant Au-  
thores; *contra Baglivium,*  
qui

qui omnes corporeæ Machi-  
næ effectus & affectus, tam  
in sano, quàm Præternatu-  
rali statu occurrentes, solidis  
potissimum corporis nostri  
partibus adscribit; & cre-  
dit Vires partium solidarũ  
longè præcellere fluidarum  
viribus; Imò morbos ple-  
rosq; originem trahere à so-  
lidis vitiosis, innocuo fluido  
quocunque: Ut hanc suam  
thesin stabiliret; imaginatur  
sibi Meningis five duræ  
matris pulsum vel motum  
systalticum, præsidem esse  
& motorem, à quo omne  
liquidum nerveum propel-  
latur,

latur, & per totam corporis  
machinam distribuatur, ad-  
eò ut quicquid vel agat vel  
patiatur compages nervea  
unicè motui huic systaltico  
ritè vel malè disposito de-  
beatur : *hæc est illa thesis*  
*imaginaria Baglivii*, quam  
ipse hinc inde adstruit &  
destruit.

*Borellus* etiam in transi-  
tu quasi agit de canalium re-  
nixu in fluida animalia ; Et  
*Bellinus* de hoc argumento  
scripsit in suo libro, *de villo*  
*contractili* : Sed quâ ratione  
solida viribus magis supe-  
rent fluida, propterea non-  
dum

dum probatum extat: neque imaginarius ille duræ meningis Pulsus rem expedit, & argumentum est, quod solida viribus magis superent fluida: Cum etiam nulla pars foetus ab alia originem trahat, sed totius foetus stamina in ovo foemineo, ab Opifice Naturæ maximo, ante conceptum fabricata existant; & à fluidis saltem animari, nutriri & augeri opus habeant, cur solidis adscribendum primariò, quod fluidis debetur?

Solide satis hoc negotium explicat Clarissimus hic

Author, ubi in priorē parte  
Fluidarum partium natu-  
ram & dispositiones, varias  
activitates & motus natu-  
rales pro dispositione vari-  
antes: in Altera verò parte  
earundem partium fluida-  
rum Præternaturalem &  
morboſum ſtatum, cum  
ſuis diverſis & innumeris ef-  
fectibus latius pertractat,  
ut propterea ſuperfluum  
omninò foret, ſi Authoris  
mentem plurimis ſuper-  
fluis explicationibus in  
præfatione obſcurare veli-  
mus, quas ipſe ſatis clariſ ex-  
preſſionibus ob oculos po-  
nit. Vale, B. L.



# PRÆFATIO AD LECTOREM.

**H**Æc, quæ tuo libentissimè  
judicio submittimus, Le-  
ctor Benevole, specimina  
quedam sunt, quæ natura fluido-  
rum, quibus ad vitam conser-  
vandam, & ad mirabiles actio-  
nes obeundas mirificè hominis  
anima utitur, nostræ menti inter  
speculandum suggessit. Eadem  
nunc in epitomen colligimus, &  
vitiis, quibus ipsorum evertitur  
ordo, comparamus, ut medicæ theo-  
riæ necessitas manifestetur, atque  
ut palam fiat ab ipsis cujuslibet  
morbi ætiologiam, & remedium  
derivari posse, dummodo magnum  
illud ratiocinii auxilium non ne-  
gligamus; hinc hujusmodi cogi-  
tata totam facultatem medicam  
com-

component, siquidem evidens est  
morbum aliud non esse nisi  
Symptomatum Syndromen, &  
Symptomata partium operantium  
læsiones, ad quas omnes sanguis  
concurrit, aut naturalem structu-  
ram immutando, aut ejus fun-  
ctionibus refragando, ut dubitan-  
dum non sit præstantissimi hujus  
fluidi vitia omnium malorum  
fontes meritò existimari. Quocir-  
cà in re medica omne punctum at-  
tigisse fatendum est, qui sanguinis  
cognitioni adlaboravit, & in ejus  
operationes sedula studia impen-  
dit, ad quæ singula eruenda subti-  
lissimam, & comparatam Anato-  
men plurimum conferre apertissi-  
me demonstramus. Hoc ordine  
quilibet tantopere poterit progredi,  
ut perfectiorem illam Medicinam  
inveniat, quam summo Con-  
dito-

ditori hominibus placuit largiri, qui uti in alias certitudinem noluit permittere, ita in Medicis intra dubietatis limites nos reliquit.

Aliqua dicimus, quæ difficile sanguinis examen reddunt, non ut Medicos à tam utili studio deterreamus, sed ut apertissime ostendamus nudas observationes sine mentis consilio omnino inutiles esse.

De universalibus tantum remediis, quorum usus frequentior est, cogitata per modum speciminis proferimus ad manifestandum rationis necessitatem in morborum curatione, non ad integram Pharmaceuticam componendam: Tantam remediorum copiam apud Auctores reperimus, ut remedia exquirentes calido eorum desiderio plenè valeant satisfacere; Veremur tamen, an copia mentem,

tem, aut nullatenus, aut non rectè  
ratiocinantem magis confundat,  
quàm illustret.

Unusquisque tamen suæ opinio-  
ni adhæreat, & quam velit metho-  
dum amplectatur, non enim infi-  
cias imus, itinere etiam diverso  
ad eandem metam, morborum sci-  
licet curationem, perveniri posse.  
Nos præsentem eligimus, cujus ope  
ex cognitione naturalis sangui-  
nis, & ejusdem depravati, ac ex  
notitiâ remedium, & eorum in  
operando rationis possimus elicere,  
quæ ad sanguinem conservan-  
dum, & restituendum sufficiant.

Physicam, & Mechanicam  
doctrinam hominis, & cæterorum  
animalium structuræ compara-  
mus, inde obiter indigitamus  
omnes, quas mens invenit artes,  
nostrarum partium, & actionum  
imi-

imitationes esse, & exempla, hac ve-  
ratione recentiorum Philosophiam  
tantopere artium augmento con-  
tulisse. Nostri corporis partes, quæ  
rationalis, & immortalis animæ  
aptissima sunt organa ad omnes  
functiones exerendas perpendun-  
tur, ut instrumenta statica, hy-  
draulica, pneumatica &c. quo-  
rum hypomoclia, & vectes sunt  
ossa, Antlia projiciens, & impel-  
lens cor, & pulmones, canales, va-  
sa, in quibus humores cursum cir-  
cularem absolvunt &c. propter  
quæ etiam Aristoteles humani cor-  
poris fabricam automatis aptis-  
sima similitudine distinxit, & si  
Platoni credendum, Deus ipse  
immortalis in corporis efformatio-  
ne geometrizarvit.

Phrasibus, & Scholarum voca-  
bulis plerumq; utimur; imò non-  
nullis



*nullis chymicorum nominibus, v. g. acidi, austeri &c. pro certis actionibus, ad sensum gustus non spectantibus, explicandis, quia quilibet à nostro systemate poterit colligere ad quam ideam significandam debeant applicari, sciens nomina rebus non propter ipsas res, sed tantum ad nostras cogitationes aliis explicandas fuisse instituta; nomina ab hominibus diu recepta non de facili mutari queunt, ut monuit Boyleus in Philosophia experimentalì, ubi hujus rei causam reddit. Facile videbitis quo sensu phrasibus quibusdam vulgaribus usu communi auctoritate quadam valentibus utar, absque quarum subsidio vix quidquam circà subjecta Physiologica exprimere citrà frequentem, & tædiosam circumscriptiorem novimus.*

DE

DE NATVRALI  
SANGVINIS  
STATV  
CAPVT PRIMVM.

*De partibus continen-  
tibus.*

CVM fuisset mos liberatos  
morbis in templo Deorum scri-  
bere quæ auxiliata essent, ut post-  
eà similitudo proficeret, exscri-  
psisse ea traditur Hippocrates, atque jam  
templo cremato instituisse Medicinam, quæ  
Clinica vocatur. Templorumque foribus  
apponendum erat illud Chylonis Lacedæ-  
monij *Nosce temet*, quoniam se ipsum tan-  
tùm cognoscenti inscriptiones, læsionum  
cognitiones, & præsidiorum genera assequi  
concedebatur. Hac dissertatione istud insi-  
gne lumen antè vestros oculos præferendi  
totis viribus animus est, quod si obtineri non  
poterit, idolum saltem hominis partium, &  
functionum exemplar componere, & vestræ  
menti subijcere satagemus. Dum vero sum-  
mum rei præstantissimæ exprimimus conce-

A

ptum,

prum, si animo ingenita foret rerum omnium cognitio, ut Plato credidit, quæ studio excitata, per varios reminiscentiæ gradus, pristinum lumen recuperaret; ut divinæ veritatis imaginem, nostros sensus reciperetis: Henricus enim fatetur *quod veritas continet in se ideas, & regulas aternas, ac expressivas omnium rerum similitudines, quas imprimit mentis conceptibus, per quos sigillat, & caracterizat ipsam mentem imagine sua expressiva, sicuti annullus ceram, qua figura, aut imago non migrando, sed imprimendo transfertur.*

Exponentes ergo quam hominis imaginem nobis Deus immortalis ingeneraverit, asserimus canalibus secundum omnem dimensionem, aliamque conditionem varijs, & fluidis juxta plures velocitates diuersis, quibus tamen sint fluminum, & fluidorum motus, prodigiosa hominum corpora facta fuisse; atque Staticæ, Hydrostaticæ, & Hydraulicæ leges mirabili compendio intra ipsosmet fuisse restrictas.

In hominem, cuius cadaver anatomico studio sæpè nostra exponit infelicitas, statim ac anatomicum cultrum imponimus, exeuntis sanguinis riuuli vasa continentia testantur. Implicantur ad externam nostri corporis superficiem, ac invicem intertexuntur

innu-

innumeræ vasorum extremitates, quæ, dum in foetu ab ambientibus fluidis, & in edito à comprimente aere constringuntur, impedito vsque ad vltimos eorum fines fluidorum motu, in tenue folium exsiccantur, cuius generationem, & faciendi modum tantis laboribus percunctati sunt veteres Anatomici, qui Cuticulam distinctam partem à cæteris decreuerunt; licèt potuissent pro ipsa non tantoperè stare; vt tanti non fecerunt vasa cætera, dum ab officio cessant, puta vmbilicalia, oualem ductum, canaliculum, extremas hypogastricarum radices in vetulis, quæ nec nouum nomen, nec aliam naturam induere perhibuerunt.

Cutim, quæ hac lege primum corporis integumentum est, ità copiosis vasis structurauit mirabilis rerum natura, vt eam inter conglomeratas glandulas ponendam esse censuerint Vvartonius, & Nuckius; à quibus non dissentit Malpighius cum innumeras papillares fistulas, plures glandularum folliculos, totidem excretorios ductus, & alia diuersorum generum vasa cutim esse dicat; Et Veteres alios non paucos Anatomicos vasorum aggregatum cutem fecisse perspectum est.

Si verò separata cute Pinguedinem spectemus, excurrunt vasa mirabili artificio

## DE NATURALI

membranarum areas ; illorum extremitatibus copiosi appenduntur vesiculares loculi oleosa materia turgidi ; & dum huiusmodi vasa , & folliculorum strata cum alijs adiposis vasis in retis formam per ipsos propagatis invicem superponuntur , tota pinguedinis massa in singulis partibus apprimè structuratur.

Ne de Glandulis , aliisque notis vasis quidquam loquamur , quæ in fistularum species contrahenda esse omnes consentiunt , vti videre poteritis apud Malpighium , Har-derum, Peyerum, Vvepferum, Cesalpinum, Thauury, aliosque innumeros, qui glandulas, vel cellulas , vel vasorum gloinos, vel membranas latiusculas esse euulgarunt.

Si quæ dubietas afferri posset de vniformi sinuosa corporis structura , ea equidem in membranis, & nervis versaretur, in quibus nec cauitatem nec contentum Succum vsque adhuc demonstrauit obseruatio ; Sed ex fistulosis fibris componi nihil clarius patefacere potest ; quàm membranas quandoquè in osseam mutari substantiam, fluido intra illorum canales in solidam constitutionem concrecente , & ossa ex pluribus fistulis fieri Virorum Illustrium inspectione inferiùs patebit. Plures autem membranas scyphunculorum , & folliculorum orizonta-  
les



les series esse edocuit Malpighius insignis : & Leuuenhockius membranas interiùs pluribus cauitatibus hærentes, puta, ventriculo, intestinis, cysti, & aliis, deorsum propendentes vasorum ordines esse vidit, quæ se inuicem variè contorquendo, & decussando Vvillisianam Crustam præseferunt: Idem de Amnio, membranisque fœtus testatur Stalpartius: Nec dissimile quid solido tradidit fundamento Rei Anatomicae benemeritus Blancardus.

Interea scitis quomodo Virorum Viscera structurauerit mirabilis rerum ordo? Vel vasa diuisit in plures ramos, qui iterum in propagines innumeras, atque iterum subdivisit, quo usque extremis radicibus terminentur, seu potius ampliuntur in distinctos folliculos; Vel innumeros globulos compo-  
git, quibus totidem appendit Scyphones, prout antè visceris ingressum, aut ad ejus interiora fluidum mutare, sive separare satagit; indè ergo clariùs meridiana luce, Partes viuientium præcipuas, atque extremè necessarias vasis fabrefieri quotidie experimur.

Idem non inficiandum de musculis: mole augentur in actione, quod nisi à fluido, tenuia musculorum filamenta subeunte, obtineri posset: & exeuntem succum sen-

fibus obijciunt carnearum fibrarum sectiones ; ab eo quod à V. C. Rohaulto , Mayouu , Peraulto editum fuit , musculos fistulosas fibras existere clarè admonetur , & vasorum fasciculos apertissimè indicant nunquam satis laudatus Borellus , nuperimè Insignis Thauri , & Bontekoe.

Quæ verò à musculorum tendinibus , non nisi duritie paulatim crescente , differt solidissima ossium substantia , expositum vsque adhuc euidentissimè confirmat Systema ; Nam ossa sunt perforatorum filorum congeries , recondentium in interstitijs suis longum vesicularum tractum , inter se patularum ; siquè vitiat tubulorum ordines præterlabentis humoris motum impediunt , is coagulatur , & inæqualitatem ossis peripheriæ inducit , vt in callosa ossium constitutione ; imò talem extraordinariam nutrimenti appositionem nouas in ossibus produxisse articulationes vidimus. Et Clarus Hauers diligentissimus ossium obseruator , Periostia ex fibris rectis prouenientibus à cerebri membranis , ex obliquis à musculis , & tendinibus juxta horum directionem edocuit componi ; & ossa constare chordis parallelis , quæ laminas faciant , ita parallelæ ad ossium extrema reuoluantur ; tandem versus interiora parallelismum deferentes

inui-

inuicem conjunctæ in plures cellulas, & cancellos disponantur. Ab his non dissentiunt clara Malpighij celeberrimi monumenta de ligamentis, & vnguibus, animalium penis, cornubus, aliisque appendicibus, pilis, & huiusmodi, cui subscripsit paulò antè Galiardus.

Imò ipsa ossibus inclusa substantia aliud non præ se fert, quam vtriculos, & lobulos membranosos cauernularum formâ; & vbi ampla non est ossis capacitas folliculi inuicem respondent, & pluribus rotundis vesiculis structurantur: Ex his verò operorum, mutuò sinus iungentium, liquorem patet transfundi, quibus ad congruam distensionem repletis, lobuli sese contrahendo fibrarum ad instar, vt in vesica, ac similibus membranosis cavitatibus, oleum suum mutuo illorum commercio, velut è spongia pressa diffluens, distribuitur versus ossium parietes, & capita. Si quæ autem his cellulis includitur oleosa materies elabatur, aut super ignem liquatam effluere patiaris, exsiccata spongiæ figuram exhibet.

Postquam methodo descendentes analytica Vasatam hominis edisseruerimus Structuram, vt evidentissimæ huius veritatis argumentum habeatis, Synthesi priora relegendo.

gendo eadem mechanica sinuum conformatio tutissima, ac infallibili ratione probabitur.

Homo, qui communi Urbium fato per bellum, & suarum legum inuiolabilem Reuerentiam in tantam corporis magnitudinem exurgit; principio infrà oculorum aciem exiguus, exordia in ductus, & vesiculas explicat, quæ Carinam, & Cerebrum incipiunt; inde punctum saliens fit quoddam incuruatum vas, cui exterius carneæ fibræ, veluti tot digiti, apponuntur, & comprimunt, & cor emergit, quibus quotidie ampliatis, & cæteris ductibus, cæteras sensim omnes partes; fluido intus incluso perenniter operante augeri experientia confirmat, & ossa ipsa, quæ oculo primis diebus sub schemate fibrarum abbreviatarum apparent, post aliquot hebdomadas à membranis, & tendinibus distinguuntur.

In hoc statu nutritionis, augmentationis, motus, & reliquarum functionum munia exercentur, & dum taliter disposita vasa dimensiones, & resistentias varias acquirunt, ac inuicem uniuntur, & componuntur, euadunt immortalis animæ aptissima organa; ut enim cum Haüuerso congruè censeamus esse fluida necessaria pro implendis fistulis, & canaliculis, alijsque notis vasis,



sis, è quibus uniuersam corporis machinam constare compertum est, ne sjs quidem partibus exceptis, quas pro meris parenchymatis habuerunt: & nutritionem existere perenne fluidorum supplementum in vasis; diuersam ab augmentatione, in qua particulæ gelatinosæ à rotatione alicuius impellentis impulsæ, proijciuntur, & vrgentur intrà partium lateralia spatia.

Arterias excipiunt venæ, quæ tunicas, capacitatem, crassitiem, & numerum variant, quibus impetus consistentia, & aliqua transeuntis fluidi conditio immutatur; huiusmodi verò metamorphoses intrà perennes regulas, & exactas proportiones coercentur: Borellus venarum diametrum cum diametro arteriarum in quadruplici statuit differentia. Vt exacta illa vasorum structura seruetur, præter vniuersalem tunicam muscularem, frequentia nervorum vincula, non pauci alij transuersi cauitatem subtenentes ponuntur muscoli, quos valuulas alij dixerunt Anatomici, sic excurrenti fluido determinatus motionis gradus impartitur. Incipiunt ab arterijs lymphatica, quorum initia ab extremis arteriarum finibus elabuntur, ac aliquam tunicarum deferendo, aliquam fibrarum depositione tenuiorem reddendo, in illum diaphanum scyphonem

transformantur, qui angustus heterogeneas excludendo particulas lymphæ tantum transitum admittit. Id ostendunt iniectiones, inflationes, & similia, quibus materia ex arterijs in lymphatica permeare conspicitur. Inter vasorum extremitates aliquando folliculus, aliquando nihil intercedit ad variam fluidæ substantiæ novandæ exigentiam, nam fluidum, & comprimentis, & continentis vi aliam mixtionem induens, nouam in dies adipiscitur faciem.

Nostri fauet cogitaris Præstantissimus Nuckius, qui dictum pluriès testatum reliquit in vasis Hominis, Apri, Bovis, & Leonis ad pulmones, ad lienem, testes, aliasque tales partes. Glandulæ mammarum sunt vasorum ordines, quæ cum ipsarum excretorijs canaliculis ductus componunt continuos: idem fit in salivarijs, biliarijs, & nouis Nuckii lymphaticis à carotidibus, & spermaticis arterijs emergentibus. Exoriuntur ab arterijs renales tubuli, quod eius peculiaris mercurij iniectione asserit obseruasse Nuckius. In ouariis autem variæ occurrunt arteriarum intorsiones, capreolorum instar vitium complicatæ, quæ ità disponuntur, vt non nisi certum aliquod particularum genus admittant, partibus crassioribus per venas regredientibus, & particulæ

culæ in oui formam ibi coniungantur. Sunt etiam scyphones, quibus sequitur intestibus feminis generatio: cum nisi cruoris tenues moleculæ permeare possint minimos testium tubulos, componitur humor, qui feminis naturam, & nomen acquirit. Nobiscum hîc idem sentit insignis Anatomicus exemplo arteriæ spermaticæ, quæ non modò in brutis, sed etiam in homine in similes cincinnos, vt particulas potissimùm feminales detineat, reliquis in venas refluentibus, contorquetur. Fluidorum motus propter differentes vasorum dimensiones variatus pluribus in locis cruoris immutat conditionem, quod evidentissimè conspicitur in liene, vbi cum succus quidam tartareus, & ponderosus confici debeat, vasa dilatantur in amplas cellulas, vt fluidum suo motu retardaretur; Ac in finem non diuersum in pluribus corporis partibus cernitur vasa in rete implicari, vt sanguinis reuolutionibus impetus modificetur; ideo Auctor citatus admonet serpentinam vasorum intorsionem secretionis peragenda gratia fieri defectu glandularum, ita in oculis, alibiue. Maximi vero pependisse fluidorum circulantium modificationes inuariabilem rerum ordinem indicio sunt nostri corporis vasa præcipua, axillares, aorta, caua, emulgentes, porta, sple-

splenica, lymphatica, choledoci, aliaque, quæ pluribus in locis nervis deuinciuntur, qui hac ratione existunt incitamenta, aut remoræ, siuè mavis fluidorum habenæ, ut modo tardius, modo velocius influant, cum in superiore, tum in inferiore circuitus illius regione; Hinc in nostros sensus trahitur C. Vieusens nervos mesenterij notans omne à chylo inutile expellere, lactearum venarum motum immutando; ac nerveas fibras per viscerum membranas, & substantiam propagari in musculorum conditionem, ut veluti totidem digiti singulis plectri chordis appositi, vasorum actiones moderentur, determinent, separent, succum vehant, & chylicent, quæ omnia in nervorum convulsionibus vitari, nouerca iubente natura, experimur. Et si quis inexplebili cæcitate adhuc rem clariorem exposceret istius hydraulicæ, præter carnearum fibrarum densissima reticula, carneas membranas, musculos formales; insignem musculum sortiuntur viscerum vasa, veluti mirabilem, & prouidam fluidorum habenam; qui vasa omnino amplectitur cum eis diuiditur, quamlibet minimam vsque propagationem sequitur: eundem Capsulam dixerunt Anatomici, quam poteritis clare in epate, liene, renibus, & secundum Doctores, quorum inmeminerunt



nerunt Ephemerides Lipsien., in visceribus singulis; inde non malè dixerat Tozcius in aphorismis, Vitam esse sanguinis motum progressiūm, qui per circulationem, aliumque motum à corde habetur. Hinc colligitur vnam tantum posse dici Viuentium partem, quæ differat, quia canales partes constituentes varij sint secundum quamlibet dimensionem, rectitudinem, obliquitatem, comprimentia, resistentias, tunicas, aliaue, vt humores pluribus modis modificentur ad omnes functiones peragendas.

Vt vero argumenta, & rationes iam habita, vltior experientia confirmet: exponatur nunc quomodò Vegetabilia, in quorum etiam vitijs est prodigijs locus Plinio referente, obtineant cortices exterius, vtriculos, fibras ligneas, seu ductus succiferos; interius tracheas, quæ vasa opinione præstantissimi Raij inuicem anastomizantur. Succiferi Scyphones alij lympham, alij lacteum succum, & peculiare fluidum alij vehunt. Succiferis ductibus innumeri immiscentur vtriculi, quibus mirabile inest fibrarum rete; ingens etenim tenuium filamentorum copia inuicem complicatur, & glomifili instar vnum alteri superimponitur stratum, ita quod fibræ aliud non videantur; nisi fasciculi ex transuersis filis compositi.

positi. Interior corticis substantia ex linearum fibrarum inuolucris structuratur, quæ in plexus retiformes se disponunt, quorum spatia replent subrotundi quidam sacculi horizontaliter radiorum instar directi, quibus interponuntur vasa humorem peculiarem vehentia. In utriculos è ligneis fibris transit succus, ubi fermento miscetur, & apta arborum euadit materies. Plantarum lignum easdem nanciscitur partes, innumeras tracheas, ac inter ligneas fibras anastomosis intercedit. Vasa peculiare, & essentialiale fluidum spondis detinentia in tot areas, & circulos disponuntur, quot annui incrementi à cortice ad medullam interfunt inuolucra; eademmet corticalia existunt, quæ à cortice quot annis abscedunt, & ligno se se applicant: Vasa huiusmodi à radice in truncum progrediuntur, caulem, & ramos, ac in folijs, dum implicantur in retia, incuruantur. Medulla Cerebro, & Cordi analogà plures continet utriculorum ordines, qui à cortice per lignea fila producti ad ipsam terminantur, illorum circularem ambiunt marginem vasa succum peculiarem vehentia primo tempore, nam succedenti ipsum non admittentia exsuccæ pelliculæ remanent: nec medulla alijs destituitur utriculis, inter quos vasa succifera excurrunt.

runt; & insectis quibusdam certo analogismo natura laminam squamosis fistulis compactam vice tracheæ fabrefecit, quæ contractionem in vehementibus flexuris, ac in elastico aeris motu pati posset. Tria autem vasorum genera totidem fluida continent, lympham, aerem, & succum proprium, veluti resinam in abiete, gummi in ceraso, lac in titimalo; succus is instar sanguinis in singulas partes fertur, ac ut ros gratissimus partibus affusus ipsas ad concretionem, & debitam magnitudinem perducit. Aer Plantarum tracheas ad summè necessariam respirationem ingreditur, intrà radices præcipuè, quæ illarum ingentem numerum exhibent, dum à succis, in aqua, & terra existentibus separatur. Ne tamen arbitremini aeris etiam particulas non excipere alios exteriores vegetabilium poros, huncque aerem, à spiralibus vasis receptum, vtriculos in succiferos ductus non deriuare. Edunt suos fœtus Plantæ, quos quot annis æstate, & autumno pariunt, squamosis tegumentis veluti secundinis obuolutos, in quibus per totum hyemem latitant, vere tandem novos in surculos explicari incipiunt. Gemma, quæ est compendium Surculi, media, & profunda substantia tenellum lignum refert, quod suo cortice circum-

datur,

datur, & fibris ligneis, vtriculisque contextitur medullaribus; ambiunt gemmam candidi pili; hinc inde rumpunt folia squamatim locata, in quorum vtriculis ipsorum, & aliorum succus excoquitur, & longa per hiemem quiete digeritur, donec exaltatus spermatico illo spiritu ope ambientis aeris in gemmæ carinam reuehatur. Flores efformantur ex eisdem penitus partibus pro vario vegetabilium genere, quorum constituentia sunt calyx perianthium, folia, seu petala, stamina, & stylus: fructibus protegendis adhærent, tenui, & halituofo turgent succo, ob cuius ductilitatem vtriculorum ordines extendunt. Florum usus est; veluti emunctoria impurum, & acreum magis à semine secernere, ut oleosum, & aptius euadat, qua propter C. Præceptor: *Fortasse non incongruè deriuato nomine menstruæ purgationis, quæ in mulieribus conceptionis tempora antecedunt, flores dicuntur, nam ut in plantis determinata succi portio per stamina, & floris petala excernitur, ita in viuiparis, quæ conceptus particulas quomodo inficere possunt singulo mense cribrata per uterum foras protruduntur, & reliquum defæcati sanguinis in utero stagnantis facilius vi seminis fecundatur, & in animalis naturam dirigitur.* In prima parte Anatomes

Planta-

*Plantarum in tract. de Floribus.* Stylus vero floris, qui fructui, & flori semper cohæret vasculum est seminale, ac eius appendices analogæ vterinis tubis, semenque intra proprium sinum fouet. Docet Greuius Pollinem, quo apices prægnantes sunt, quemue per maturitatem effundunt, spermatis masculini instar, semina fœcundare, indeque maximam plantarum partem vtriusque sexus participem esse. Addidit vltcrius, & Animal, & Plantam initia propriæ originis à lacte nancisci, nam destillationibus vtriusque succi in similem abeunt diaphanam substantiam, quæ aqueam speciem exhibet. Inseruiunt folia alimentorum coctioni, nutritij enim succi portio, quæ radices subingreditur, & in appensas transversales striae deriuatur, postremò à ligneis fistulis in folia exoneratur, & in transversalibus vtriculis moram trahens antiquo succo immiscetur, & fermentatur; succus vero idem ascendit, & descendit per easdem vias teste Malpighio. Hinc colligere iure meritò possumus in quibusdam plantarum ductibus, varioque fluido, respirationis, concoctionis, nutritionis, augmentationis, plurium separationum, generandi fœtum instrumenta inuenisse; ac infimam viuens speciem plurima nostrarum functionum



specimina dedisse, ut vere enuntiari queat, (quo res plus participant lucis facilius in tenebris apparent) si nos primò vita Stirpis viuimus, eisdem partibus easdem exercere functiones. Quantopere plantarum integritia, animalium vitæ organis conueniant, plures cum Veteres, tum Recentiores tradidisse Physiologos, Eruditum neminem latet; ut quibusdam sensituiis, & mimosis non denegauerint sensus, & motus instrumenta; Nam quando Plantæ percelluntur, vel speciem suam contrahunt, ubi anima sentit, & patitur; vel dilatant, ubi mouetur, & agit, statim ac obiecti sensibilis impressio huic radiosæ contexturæ infertur, folia nutant, & retrahuntur, ac resiliunt in sensationibus; ex opposito quando umbratilis hæc Larua incitatur se explicat, & veluti vibratione quadam virtutem suam exerit, motumque acquirit, & D. id conceperat Plato, cuius meminit Galenus lib. de naturalibus facultatibus. *Re-  
cte mihi dicere videtur Plato stirpes esse sensu præditas cognatorum videlicet, atque exter-  
norum, eatenusque animalia dici non incon-  
gruè potuisse, cum id quoque accedat, ut nec interno priuatæ sint motu. Et Campanella,  
Plantas vero præstantiori vigere sensu simili sensui carnis. De sens. rerum.*

Nisi huic veritati consentitis, tam paucis, & simplicibus organis vegetabilia sensu, motuque gaudere, ac in animalium speciem transire; audiatis insignem Redium, summe mirabilem vnus animalis marini historiam describentem, cuius pars exterior durioris scopuli formam refert, concreti ex congerie saxorum, corallorum, aliarumque marinarum congelationum, quæ dum in colles, & montes variæ magnitudinis ex vna parte assurgunt, valles, & campos efficiunt ex altera, in quibus vegetant herbæ, arbusculi speciem siluarum, pratorumque efformantes: inter huius animalis gramina, arborumque dumeta abitant conchilia, lumbrici, scolopendræ, vermiculi, & huiusmodi, quorum vnum quodque suæ testæ, veluti domicilio inest naturali industriâ ab ipso ædificato. Magni huius continentis animalis figura oblonga existit, & bifurca; anteriùs vtrinque foramen habet rotundum in membrana, quæ intra saxum latet apertum, per ea duo foramina, quæ pro libitu animalis aperiuntur, aquam haurit, & si diutiùs manibus contractetur, eam expuit: per omnem internam cavitatem huius Microcosmi marini animati expanduntur tenellæ membranæ, canales alimentorum, ac fluidorum. Intra

sinus alicuius saxi fluidum excurrento efficit meatus, qui miram portentosi animalis structuram componunt. Lumbricorum, & vermium, qui intra animalia degunt, duas præcipuè ostendunt partes, alimentorum ductus fusci coloris, & generationis candidi. Et Leuuenhokius microscopijs Anatomicorum stupor innumera in semine, lymphæ, sero, pure, alijsque fluidis detexit huius conditionis animalia.

Insignis Tyso coniecit hydatides, vesiculas nempe partibus membranosis hærentes aqua turgidas vermibus sobolem nancisci; habent tunicam externam, quæ facillimè separatur à verme, qui folliculus est collum promens, cuius initio apparet os, seu fissura quædam, quâ cibum ebibit: pluribus annulis circumdatur, qui quo magis fini accedunt breuiores euadunt, & graciliores; ab eius collo duæ elongantur pyramidales fibrillæ intra hydropicum ventrem, quæ aqueum humorem nutritioni parare censentur. In infantibus quandoque succus determinatus putridus extenditur per quædam implicata vasa, & Crinones, & Comedones, & alia harum specierum animalia fieri humana infelicitas experitur, quæ per cutis poros, pilorum instar, egrediuntur, hæcque infantum miserijs, quarum meminit

Augu-

Augustinus, superaddi possent. Hinc patet nihil aliud ad corporis animalis generis requiri, quam determinatum humorem, qui dum hydrostaticè operatur vasa sibi ædificat, & omnes animalis functiones exercet.

Tempus deficeret antequam tractatui finis imponeretur, si singulorum animalium hystoriographias à Iansonio, Mulino, Peclino, Vilugbeo, Leuuenhokio, Tyfone, & mille alijs traditas referre non desineremus, quæ ad euidentiã retegunt, plura animalia ductibus, & fluidis tantum præter nutritionem, augmentationem, generationem, & separationes; sensum, motumque acquisuisse. Vt fileamus mirabiles imaginandi solertias, quas infimis animalium speciebus, licet tam paucis, & distinctis organis, grandi spectantium prodigio mirabilis rerum Creator indidit. Et Plinius. *Quod maximè mirum est, mores habent. Præterea cum non sint neque mansueti generis, neque feri; tamen tanta est natura rerum, ut propè ex umbra minimi animalis, incomparabile effecerit quiddam. Quos efficacia, industriaque tanta comparemus nervos? quas vires? quos rationi medius fidius viros? hæc certe præstantioribus, quo nihil novere nisi commune; Non sit de anima questio, constet & de sanguine quantum tamen esse in*  
tantulis

*tantulis potest. Æstimemus postea ingenium.*  
*Natur. hist. lib. 11. cap. 5.*

Sed iam videmur susceptum munus impleuisse, nisi omiserimus documenta quædam Regiæ disciplinarum, quæ viuentium hominum difficilima momenta pensat, omni functionis generi imperat, atque ipsis legibus legem imponit; cum pateat clariùs Solis luce hominis vitam tam exactè rationibus Mathematicæ regi, vt incerto sit, an Mathematica ad humani corporis exemplum, an hoc ad exemplum Mathematicæ factum sit. Aperit Mathesis fluidorum velocitatem variatam secundum quamlibet canalium differentem dimensionem, obliquitatem, & tortuositatem miros, & innumerabiles Hydraulicæ, & Hydrostaticæ effectus producere, vt tradiderunt Galileus, & Torricellus: Et effectus huiusmodi, perennes leges, & proportionες cum respectu impellentium, tum respectu capacitatum, ac aliorum intrà animalium corpora sequuntur: In animali vasa maiora in minores ramos diuiduntur, & suarum diametrorum reciprocam seruant proportionem; vltèrius eadem copia liquidi per inæquales sectiones æquali tempore transit, & sectiones sunt reciprocæ, vt velocitates &c. at si tales vasorum, & fluidorum mutantur



tentur proportiones, eorum turbantur motus, præcipitantur miscenda, & excernenda commiscentur, & naturalis mixtio mille modis immutatur; Inde sequuntur palpitationes, nimix pulsationes, aneurysmata, syncopes, pulsum intermittentiæ, & alia horum generum vitia.

Non est abs re ergo hîc præcipuas canalium, & fluidorum intus excurrentium leges, & proportiones referre, quæ intrâ nosmetipsos observantur, & sequentibus propositionibus in epitomen complecti. Primò: Vis canalem fluido plenum constringens ad resistantiam liquidi per fistulam ei annexam expulsi proportionem habet, quam amplitudo canalis ad amplitudinem fistulæ. Secundo si intrâ fistulam fluidum continentem nouum fluidum è maiori tubo embolo impellatur, impellens ad resistantiam præexistentis fluidi, & de nouo impulsus intrâ fistulam, proportionem habebit, quam amplitudo tubi ad amplitudinem fistulæ, siuè fluidum in situ erecto resistat, siuè in plano mole sua inerti. Plures huius rationis in Cordis vasis, & fluidis experimur proportiones, quæ, si immutantur, plures læsiones fieri compertum est; Nam si vis impellens augeatur, aut minuat, & vasa dimensiones mutant, naturalis

sanguinis circulatio vitiatur. Tertiò. Fluida è fistulis æquè latis, & perpendiculariter ad orizontem erectis fluunt velocitatibus in subduplicata proportionem longitudinum fistularum. Cuiuscunque generis sint fluida omnia hanc proportionem servant, & æqualiter descendunt, quia considerantur altitudines, secundum quas fluidorum partes velocitates acquirunt, procedendo secundum numeros impares, & seriem numerorum quadratorum, ita quod pars fluidi superior inferiorem impellere nequeat. Quartò. E canalibus verò inæqualiter amplis, & æquè altis, quorum infima ostiola orizontalia æqualia sint, æquè velociter fluidi moles æquales fluunt. Quam rem in certis finibus fieri censemus, dum descendentes æquali orificio, licèt diuersam habeant amplitudinem, intrà iugulares insinuantur. Quintò. Eisdem in fistulis inæqualiter ad orizontem inclinatis velocitates humoris fluentis subduplicatam proportionem habent non longitudinum, sed sublimitatum perpendicularium earum. Hinc patet spermaticarum, iliacarum, &c. arteriarum non longitudinem, sed sublimitatem sanguinis velocitatem determinare. Sextò. Ex eisdem fistulis temporibus æqualibus fluunt moles fluidi habentes subduplicatam proportionem

portionem altitudinum earum. Septimò demum. Si duæ fistulæ inæqualiter altæ habuerint orificia æqualia, atque ex eis egrediantur moles æquales vnius fluidi, tempora excursuum habebunt subduplicatam proportionem altitudinum.

Hanc eandem mechanicam in nobis seruari ostendunt primò plura Canaliū genera; quæ vasa recensita omnimodè repræsentant. Vtrius structuram in Corde habemus, quod ab externis fibris constrictum sanguinem in arterias impellit: Ductus maioris in minorem definentis fabricam in singulis arterijs inspicimus, quarum maiores tubos minimi, & capillares excipiunt. Fistulas differentis longitudinis exhibent charotides, celiaca, splenica, intercostales, spermaticæ, emulgentes, cæteræ omnes per longum aortæ excurrentes, cum sinistræ dextris breuiores sint. Vasa verò, quæ sensim restricta in parte angustiore ab externa potentia vrgentur in epate obtineamus, cum minores venæ portæ propagines ab ingenti illius mole validè comprimentur. Vltimum genus vasa ossium cauitates excurrentia repræsentant, quæ veluti totidem solidissimæ fistulæ debent existimari: Secundo tres potentia, quæ fluidorum in animalium vasis motus promouent,

vis scilicet instar emboli impulsiva, quam exercent plures cordis partes valvulæ venas subtendentes, quæ, dum in conicam superficiem eriguntur emboli vices gerunt: Virtus comprimens, qualis est ingentium viscerum superincumbentium, & vastissimorum muscutorum pressio; & Potentia funium instar constringens, qualem innnumera fibrarum strata, validissimas fascias æmulantia componunt.

Fistulæ tantæ tenuitatis efformari possunt, ut licet succum incessanter exsugant, ab eisdem nisi post plures horas, ad aliquas guttas effluat. P. Lana de motu penetrat lib. 1. c. 2. prop. 23. scribit: Ad lampadis ignem vitream fistulam efformasse, quæ tenuissimæ aranæ filo assimilaretur; hæc in sphyphonem recurvata aquam continuò admitterebat ascendentem, licet exeuntem nisi post quatuor horas ad unius guttæ mensuram dimitteret. Huiusmodi mechanismus non modicùm iuvare poterit succi pancreatici, bilis, & aliarum glandularum succos derivationem; liquidorum alia tenuissima corporis filamenta penetrantium, quæ inde nisi lentissimo fluxu assignatas sibi permeant cavitates.

Si animalium vasa has leges, & proportionem servant, quantoperè iuvaret ad cognitionem

tionem nostri exactam structuram, differentes ad inuicem habitudines vasorum capitis, præcordiorum, abdominis, artuum, singularum partium non ignorare; itaque intelligeremus, vt innumeris modis, & gradibus vitientur fluida excurrentia, organaue solida; Quoniam vero ardua res est, nec omnibus conceditur illos perennes respectus inuenire, qui à mirabili rerum ordine inter potentias fluida mouentes, & ipsorum resistentias statuti sunt, ideo arduum est morbos cognoscere, & quod peius est, eisdem mederi.

---

## CAPVT SECVNDVM.

### *De Fluidorum Natura.*

**F**Luidorum genus meditabimur, priusquam examinentur peculiaria illa, quæ Hominum constitutioni fuerunt data, & nostro instituto respondent. In limine discursus statim id contingit verificari, cuius ab Aristotele 2. Elenchi admonemur. *Principium esse maximum difficultium omnium:* Ignoamus etenim quomodo horum corporum præstantia eo excellentiæ deuenerit,



vt ab antiquissimis Scriptoribus in Deorum numerum meruerint poni. Tullius. *Quod si nubes in Deos retuleris, referenda certè erunt Tempestates, quæ publicè rei ritibus consecratae sunt; Ergo imbres, nimbi, procellae, turbines sunt Dei putandi? Nostri quidem Duces Mare ingredientibus immolare hostiam fluctibus consueverunt: Ergo & Flumina, & Fontes; Itaque & Fontis Delubrum Marso ex Corsica dedicauit, & in Augurum precatatione Thyberinum, Spinonem, Anienem, Nodinum, atque propinquorum Fluminum Nomina videmus. Fortasse id factum est, quia inexplibilis humani generis avaritia summis curis propria utilitate negotietur? aut quia rerum cæca caligine Homines torqueantur? quare quæ naturæ desideria satiare poterant, in Deorum extollerent numerum, in quem etiam eodem fine plures Homines locatos esse apud Oratorem legimus. Atque in plerisque Ciuitatibus intelligi potest, augenda virtutis gratia, quo libentius Reipublicæ causa periculum adiret optimus quisque fortium memoriam honore Deorum immortalium esse consecratam. Fluida in Hominum commodum, & abundantiam insignes afferunt opportunitates, ac alias alijs in locis: Nilus Ægyptum irrigat, cumque totam æstatem terram obruerit, & oppletam*

tenue-

tenuerit, inde retrahitur, ut molitos, ac oblimatos agros ad ferendum relinquat. Euphrates fertiliorē Mesopotamiam efficit, agros quasi singulis annis in vbertatem renouatos; quidni maximum illud Flumen Indus campos frugiferis aquis laticat, sed eosdem etiam conferit, magnam seminum vim tritici, aliorumque frugum secum reportat; nec nobis plurima hinc addenda Flumina deessent, quæ fertiles agros omnium fructuum genere abundantes reddunt, ex quibus apertè cognoscamus, quanta sit præstantissimæ naturæ benignitas, quæ medijs fluidis tam multa ad vescendum, tam varia, & iucunda gignit, & ea non vno anni tempore, sed varijs, quòd si copia, & nouitate delectemur, nostræ auiditati satisfaciamus. Multa præterimus, nunc enim est impossibile omnes aquarum utilitates enumerare. Quid non prosunt æstus marini accedentes, & recedentes, salium dum tantam copiam parant? Quid non prosunt aquæ illæ thermæ, quæ salutaria medicamenta nobis incessanter exhibent? Quid non prosunt omnia fluida, dum artes innumerabiles promouent ad victum, & Hominum vitam necessarias: Omnes exorientes à tera venti Ethesiæ leni flatu nimios temperant calores, maritimos

cursus

curfus celeres, & certos dirigunt: Homines aeris aspiratione fustinentur: idem ipse aer nobiscum videt, nobiscum sonat, nobiscum audit, videtur quasi, dum mouemur, locum dare, vitium, & aliorum arborum in nostros vsus, nutritionem, & vegetationem promouet. Ignem aliud fluidum ita humanarum rerum egestati occurrere, veteres Philosophi tradiderunt, vt scripserint cum naturam ipsam existere, quæ cuncta gigneret, imò mentem etiam, & sensus.

Liquida necessarijs vsibus parata amplissimum in Vniuerso obtinuerunt spatium, ne tamen tantoperè extensa necessarias corporum motiones impedirent, eadem permeabilia summus Conditor effecit, & hæc permeabilitas rerum ordini ità adæquatè respondet, vt successiua actione partes connectat ad conatus sibi inuicem communicandos, & eadem seiungat ad mobilis transcurrentis aditum permittendum; idcirco id fuerat finis, propter quem mobile semper in medio fluido moueri fuit constitutum. Marsenus scripsit. *Fluida Vniuersi cum sint diuersæ directionis, & ponderis in Medio constitutus Sol partes materia vicinas rarefacit, & calefacit, vt Planeta, & Tellus secundum proportionem suarum densitatum magis, aut minus ad solem accedant; eo modo quo varij*

globuli in phiala diuersis liquoribus plena, varia loca pro suis densitatibus occupant; v. g. si quinque liquores sint, ut primus sit grauior, ut est oleum tartari, alij vero se inuicem ordine sequantur, & quinque globuli parentur, quorum singuli liquoribus singulis innatant, at si illos liquores turbaueris, & vi ad fundum detruseris, vel adduxeris ad superficiem aque globulos, ad pristina loca restituentur, ad quem etiam ordinem mundi partes redirent, si postquam susque deque immersæ essent, sibi relinquerentur, & Keplerus definiuerat grauitatem detrusiōem ad centrum minus solidorum innatantium intra fluidum aliquod, ex partibus subtilioribus constans, in gyrum actum, & à centro recedere tentans.

Tam late extenduntur fluida, quòd si cum non nullis Philosophis vis quædam dicatur natura sine ratione ciens motus in corporibus necessarios, & motus istos nisi à fluidis corporibus haberi posse cum alijs censeamus, non ne illam in his locatam esse aptè fatebimur? Et si cum alijs eadem dicatur seminum vis, quæ quamuis exigua, si inciderint in concipientem matricem, & nacta sint materiam aptam, quæ ali, & augeri possit, fingunt, & foetum efficiunt in suo genere, qui aut per stirpes alitur suas, aut mouetur, sentit, appetit, & ex  
se

se se similia sui gignit; aptissimam hanc vim seminibus liquida tribuunt, undè non malè existimaretur Creatorem omnes eos casus, & circumstantias, quæ Medicis, & Philosophis fingendæ naturæ ansam præbuerunt, præuidisse, ac eisdem in prima Mundi fabrica prospexisse, ità ut fluida hoc, aut illo modo ordinata in his, aut illis circumstantiis omnia præstent, quæ Medici omniscia fere naturæ suæ adscribunt, & si quid agant prorsus ignorent, nec aliter, quam secundum motus leges operentur; Si ergo fluidis dictam considerationem justè non denegabimus apertè plurimum materiæ Physiologicis speculationibus exhibere, & nisi totius Philosophiæ, maioris saltem ejus partis aptissimum obiectum evadere, ac in istud, sedula studia impendentes, præstantissimæ scientiæ augmentum maximoperè promouere.

Fluida hinc definiamus, seu ijs describamus circumstantiis, quibus intellectis pro alio accipi nequeant. Plures apud Auctores inuenimus definitiones. Aliqui etenim fluidum dixerunt quod suæ diuisioni non resistit, & cuius partes intra ipsum reuolui, locumque mutare sine corporis corruptione possunt. Alij fluidum voluerunt, cuius partium æquè ponderantium potest vna moueri



moueri immotis reliquis, vel diuerso modo agitat, quàm competit corporibus solidis. Alij corpora asseruerunt fluida, quæ componuntur ex moleculis quantis, duris, figuratis, & angulosis, quæ simplici contactu vniuntur, quiescentibus, vel aliter motis collateralibus. Alij demum quorum partium natura est mollis, & diuersis motibus agitata, vt circa propria centra reuolutio fiat, fluida appellarunt. Nos præ cæteris primam seligimus definitionem; siquidem quæ magis ad conditiones in ea assignatas accedunt, & fluiditati proximiora sunt, quæue perfectiùs ea sortiuntur attributa, perfectiorem sortiuntur fluiditatem, vt ex dicendis patebit.

Diuiduntur fluida in compressibilia, & incompressibilia. Prima sunt omnia aerea, & quæ de illis plurimum participant. Secunda aquea, & alia ad horum indolem accedentia. Fluida rursum subdiuiduntur in naturalia, artificialia, & mixta. Naturalia illa dicimus, quæ habent in se totum id, quod est necessarium ad fluendum, cuius rationis sunt aqua, aer, & ignis. Artificialia sunt, quæ in se id quod est necessarium ad fluendum non habent, huius rationis sunt omnia fluida fusa, & soluta. Et mixta illa dicuntur, quæ partim habent in se, partim

ab alio id, quod est necessarium ad fluendum, & huius conditionis sanguinem, & cætera fluida excogitamus.

Quænam verò sit fluidorum figura, particulas paruo contactu, & minima cohæsiōe vniens, licet impossibile sit certè determinare, illam tamen excogitamus Polyedricam fore statuendam: Et talem figuram in quibusdā fluidis confici ex pluribus planis, seu faciebus inæqualibus, in alijs ad octaedrum accedere, in alijs figuram alterius ex quinque regularibus corporibus, aliàs Platoniceis sortiri.

Si Polyedra inæqualium sint facierum, ea fluiditatem seruabunt, quousque minores facieculæ super alias similes minores excurrerint: Fluiditatem amittent, quando, per reiteratas reuolutiones, latiores aliquarum particularum facies ad aliarum particularum latiores applicabuntur. Ita diuersa fluida faciliùs, aut difficiliùs fluiditatem retinere, aut amittere poterint, prout facilis, aut difficilis erit latiorum huiusmodi superficierum occurſus, scilicet si difficilis fuerit, liquida suam fluiditatem plurimùm conseruabunt, & ex aduerso, si facilis fluiditatem illa deperdere obseruabimus. Figura regularis, & vniformis ad motum simplicem facit, & vniformem; immò

in facierum æqualitate lateratæ figuræ, præsertim si hæc vniformi materiæ inexistat, centrum grauitatis, & molis in corporis medio constituitur, quod corpus ad vniformem illum motum dirigit. His accedit æqualitatem facierum causare æqualitatem contactus, adhæisionis, & resistentiæ; idcirco quacunque voluantur horum fluidorum particulæ, æqualem obtinebunt contactum, æqualem ad excurrendum promptitudinem, & consequenter eandem fluiditatem: propterea liquida minus composita, v. g. aqua, & huic similia illam regularem figuram habere cum statuamus, ideo illam vniformem motum sortiri necessarium est, qua de re nisi summa violentia, & de raro à naturali, & ordinario fluiditatis statu ad soliditatem declinant, cum quemcunque horum fluidorum particulæ recipiant à quouis alio intermixto corpore impetum, siue obliquum, siue directum, semper eundem seruabunt centri grauitatis situm, eundem contactum, & motum, nec ad latiorum basium contactum vnquam voluentur; vnde fluiditatem amittere non poterunt, nisi corpora quædam, puta nitrum, aut aliud Sal in cunei formam in assignatarum figurarum interstitia insinuentur, veluti in congelationis statu putamus contingere.

Hanc motus ergo vniformitatem in fluidis primæ speciei auferri recte intelligimus, dum certa corpora immiscentur, & interposita fluidi motum impediunt. In alterius vero conditionis liquidis, dum insinuatæ particulæ fluidi corpusculis nouum impetum imprimunt, quæ in aliud latus reuoluta faciebus latioribus in latiores aliorum corpusculorum incurrunt, & maiorem, ac validiorem contactum acquirunt, qui maiori vnione illis firmitatem inducit. Primo modo videmus glaciem, corpus nitrosis particulis saturatum, si aquæ applicemus, intrâ ipsius poros insinuari, & fluiditatem destruere. Secundo modo si lacti limonum succum imposuerimus, iste alium lactis particulis impulsus imprimens Polyedra ad plana latiora conuoluet, atque id ipsum coagulabit.

Impulsus simplicem, quo alicuius corporis particulæ versus partem aliquam directè feruntur, fluidi systasim componere, apertè ostendit experimentum, quo roris marini fumus ore exceptus, & phialæ insufflatus ad horizontalem libellam statim disponitur, quia illius particulæ regulares figuras sortitæ, facilè hanc motus directionem, & circa se ipsas reuolutionem suscipiunt. Assignatam etiam probant diuersæ mixtiones  
hypo-

hypothefin , dum corpora commifcentur ad fluiditatem deftruendam , aut recuperandam. Primo liquidi particulæ propter structuræ inæqualitatem, & diuerfum centri grauitatis fitum , certo modo moueri poffunt , & impelli , quæ ordinariam non feruant directionem , latiores inueniant fuperficies , quæ ita inuicem hæreant , vt omninò quiefcant , vnde fluidum coagulabitur. Secundo fi corpora commixta habentia alium motum verfus aliquam aliam partem, propter centri grauitatis fitum, particulas fluidi impellant verfus aliam directionem , reuoluentur eadem , vt excurrant fupra ftrictiores facieculas , vel fupra angulos, & fluidum ad fufionem adiget.

Ex his rectam colligimus rationem, cur cruoris ferum à fpiritu vini nullatenus coaguletur , licèt id cum oui albumine , alijsque multis immediatè fuccedat : cur humanum calculum fpiritus nitri diffoluat, quem menftrua alia plura non diffoluunt. Nec illud eft inexplicabile de alabaftri puluere , qui fupra ferream laminam ignitus vifciditatem , quam fluida in guttis , alijsque adhæfionibus oftendunt, exhibet , & fluiditatem, ac fufionem nobis imponit ; fiquè puluis rurfus in chartam projiciatur , folidus cinis euadit : vtique actiuiffimæ ignis particulæ



inter alabaſtri corpuscula inſinuata eorum ſuperficiebus apponuntur, & anguloſas, ac acutas figuras componunt, quæ modicum ſe contingentes facilem fortiuntur excuſum, donec auolatis ignis atomis, maiori baſi adhærentes inuicem iterum pulueris formam acquirant; & Borellus tradidit ijs puluerofis ramentis idem igniculos præſtare, ac vnctuoſa corpora curruum rotarum cylindris, ſcilicet vnus ſupra alterum facilem excuſum.

Itaque euidentiffimè elicitur, dum ſenſim augentur ſuperficies, maiorem ſemper contactum ſequi, & fluiditatem, eius veſtigia deferendo, ſucceſſiuè deperdi, & ſeruata proportione ſemper magis à naturali fluidi ſtatu recedere (A fluido immediatè recedunt alabaſtri particulæ, magis diſtante vitri, & arenæ minima granula, & magis adhuc milij, tritici, ordeï, &c. grana) quoniam particulæ maiori vi inſimul adhærentes proprio liquidorum excuſui reſiſtunt; quod apertiffimè oſtendunt laminæ inuicem vnitæ, quæ ſecundum eam, quâ præditæ ſunt, extensionem, proportionaliter vnionem, & excuſum componunt.

Fluida ſubtiliſſima, v. g. ſpiritus, ignis, quæ alijs corporibus inſignem motum imprimunt, componuntur ex regularium facie-

facierum moleculis, utpotè quæ faciliorem  
 reuolutionem, actiuiores, & perennem  
 motum corporibus conciliant: Sicuti ab  
 opposito liquida coagulantia ex inæqua-  
 lium planorum particulis fiunt, aut ita à  
 proprio grauitatis centro disponuntur, ut  
 corpuscula, quibus immiscentur, iuxta  
 talem voluant directionem, quòd se inui-  
 cem secundum latiora plana occurrant.  
 Cum à grauitatis centro quodlibet mobile  
 suam directionem accipere siuè rectam,  
 siuè curuam apud omnes in confesso sit,  
 inde conijcimus, quandoquè etiam graui-  
 tatis centrum in facierum inæqualium cor-  
 poribus talem situm obtinere, ne illa di-  
 rectè, sed transuersè ad aliquam lateralem  
 partem procedant, aut ab aliorum cir-  
 cumstantium corporum impressione circu-  
 lariter circa se ipsa voluantur. Ad quos  
 motus siue circulares, siuè laterales inæ-  
 qualium planorum contactus plurimum  
 conferre patet. Hisce cogitationibus duos  
 fluidis motus assignamus, vnum ordina-  
 tum, & alium agitationis, qui parum dif-  
 fert ab eo, quem in liquoribus fermentes-  
 cibilibus fermentationis dicunt; propterea  
 fiat, si quandoquè spiritus, aut alia actiuiora  
 fluida certis mixtis imponamus, dum eo-  
 rum particulas in motus perpendiculares,

laterales, circulares, &c. adigunt, notabiles fermentationes promouere.

Fluidis assignatam figuram inesse, sales argumento nos suadent solidiori; isti lateratam habent structuram, ut pluribus observationibus aperuit diligentissimus Lyster *de Fontibus Angliæ Medicatis*, & eidem solutione facillimè fluidam adipiscuntur naturam, & non nulli in certorum corporum liquatione suam trahunt originem. Nec aliquod diuersum arguit, salium, & aliorum corporum solutionem sequi, cum illorum particulæ intrà aquæ poros recipiuntur, uti excogitari deberet, si præter aquam cum non nullis vix aliud fluidum admitteremus, & eandem oleum si sulfureis particulis saturatam, si salinis, aut alterius generis alio nomine appellaremus. Meatus recipientes necessario fierent ab vnione particularum assignatas figuras obtinentium, quæ quia diuerso modo vniri possunt, ideo & varia relinquunt interstitia, quam non obtineremus varietatem, si fluida figuris curuis componerentur, quorum particularum interstitia triangularia, & quadrangularia semper conspiciamus, ut clara inde hauriatur ratio, cur diuersi sales differentium figurarum in aquam immissi solum ad certam mensuram soluantur, quod iam diù Gassendus

dus experimentabatur. *Vt paruis dicam, ostendit quam varia insensibilia licet, loculamenta contineret aqua, Physic. sec. 1. lib. 2. cap. 3. &*  
 D. Monconys pluribus experimentis confirmavit. Intrâ duas aquæ stillatæ vncias nouem drachmas salis decrepitati, quem solum aqua dissoluere potuit, immisit, eandem filtrauit, inde ponderauit, & pondus fuit duarum vnciarum, octo drachmarum, & nouem granorum: eidem aquæ addidit salis petrae sexdecim drachmas, quas tantum poterat soluere, eodem modo operatione facta, pondus adinuenit vnciarum 2. drachmarum 20. & granorum 6. Addidit insuper armoniaci salis 12. drachmas, & pondus fuit vnciarum 3. drachmarum 5. & duorum granorum. Postea imposuit 2. aluminis drachmas, quæ statim post solutionem ad fundum, luti instar, præcipitatæ sunt; Vitriolum vero nullo modo dissolutum fuit, nisi tamen quoad aliquas minimas eius particulas, quæ viridem colorem aquæ impartierunt; Et saccharum candidum immissum per plures dies soluebatur; sed interea aqua nimis inspissata aliud corpus non potuit excipere. In istis dissolutionibus plures vegetationes brassicas, & fungos repræsentantes conspiciebantur. Minime autem Salis particulæ pulueres aliorum corporum, &c.

in aqua suspenduntur ob facierum contactus, è quibus visciditatis rationem etiam deducimus, excogitantes oleum, mel, &c. aqua, spiritu vini, & oleo petreoli viscidiora esse, quia maioribus facieculis, maiores subeant contactus, atque inde etiam difficilius moueri, & diuelli à superficie, cui inhærent.

Præter lateratam figuram addenda sunt non nulla fila in fluidis compressibilibus, quæ à puncto quodam in medio summæ vnius particulæ incipiunt, & totam particulam in spiræ formam circumcingendo, ad alterius medium extremi terminantur; quælibet autem fluidi molecula ab huiusmodi spirâ circumambitur, & spiræ inuicem singulæ connectuntur, quæ dum ab aliqua externa comprimuntur potentia in multò angustiores situm constriunguntur, inde postea spontè resilientes virtutem illam exercent, quam Neoterici Elasticam dicunt.

Fortasse dubitari poterit, an ad fluiditatis mutationem atomorum figuræ alterentur, quandoque etiam omninò varientur, ex quo repentina fluiditatis ad soliditatis statum sequatur metamorphosis, puta cum variæ fiunt miscellæ, v. g. spiritus urinæ cum spiritu vini, vitrioli cum spiritu salis

armo-



armoniacci, quando sal vrinæ crySTALLINUS in fluidum sola digestionē vertitur, quod etiam in alijs pluribus mixtis omninò succedit: albumen oui, dum vel quassatur, vel eius texturam intrant igniculi, aut aeræ spiræ: ex Mercurij cum salibus mixturis fit Mercurius dulcis: oleum tartari, & alia quæ destillatione solidissimum calcem exhibent: cibus omnis liquidus redditur, indè in osium, & aliorum solidorum firmam texturam transit: aqua in animalium, vegetabilium, fossilium, & mineralium durissimam substantiam abit.

Potest aliquando figurarum mutatio admitti; ast in tali mutatione credendum particularum alias cum faciebus maioribus alias cum minoribus structurari analogis ijs, quas superiùs assignauimus, quæ variè reuolutæ, nunc fluidæ, nunc firmæ appareant, cum censendum sit naturam semper mechanismo eodem, & vniformiter operari; vt ad euidentiam demonstrauit insignis Vallemontius *in physica occulta*; immò nihil probabilius, quàm in figurarum mutatione per mixtionem angulos frangi, & variæ latitudinis facies efformari. Quibus missis modo ad præcipuas fluidorum proprietates exquirendas accedimus.

Prima proprietas est fluor, à quo suum nomen fluida receperunt, quæ nisi exteriùs impediuntur continuò excurrunt, nunquam quiete veluti inertì somno detinentur, sed perennes eorum labores incessanter renouant, & quò magis ab otio remouentur, eò fortiùs ingeneratæ roborantur vires. In hoc fœliciores sortem acquisuerunt, quàm animalia ipsa, quæ diei, noctisque conseruat vicissitudo tribuens aliud agendi tempus, aliud quiescendi.

Assignata proprietate liquida effluunt quacunque decliuitatem inueniunt, quia superiores partes premunt inferiores, quæ præ fluxilitate sese subducendo, exiliunt, vt in decliui loco partes inferiores à superioribus pressæ loco cedant in decliuorem partem procedendo, quæ nullam reperiunt resistantiam; decliuitas Planitie patentior decurtatorum perpendiculorum series est, ac propterea liquidum per decliuem locum fluens ad perpendiculum magis decurtatum semper transit, atque terræ centro magis accedit. Ex quibus primò colligimus omnem fontem, cuius aqua in mare exoneratur, maiori perpendiculo à terræ centro distare, quàm mare ipsum, & in toto aquæ excursu perpendicula vsque ad mare continuò breuiora fieri: Secundò  
maris

maris aquam vbique eandem altitudinem sortiri; quamuis Varenus in *Geographia generali* pluribus obseruationibus, & auctori-  
tatibus oppositum suadeat: Tertiò aquas recipi, tanquam in propria vasa, in loca terræ centro proximiora.

Altera proprietas est mollities, quam per facilem in quamlibet partem motionem explicamus; Siquidem experimur ad digiti immersionem fluidi particulas vndequaque moueri, & digiti superficiei omnimodè adaptari, secus ac in duris, & consistentibus corporibus euenit, quæ submersioni resistunt, nec aliqua pars moueri potest, quin totum corpus iunctim moueatur.

Fluida ad planum orizontale disponuntur, & perfectissimè explanantur, quod manifesto indicat eorum extremas, & superficiales omnes partes æqualiter à centro terræ distare, ideoque eandem exercere grauitatem, ope cuius fluidi particulae æquali vi deorsum nituntur, & æquatis momentis in singulis partibus æquilibrium componunt, & æqualiter ad orizontem disponuntur; Quamobrem si grauitas huiusmodi, seu motiua potentia in fluidis deficeret, & singulae partes æquali nixu non descenderent, pars vna superemineret, alia deprimeretur, & plures nostris oculis exhiberent

ina-

inæqualitates. A dicto fluidorum æquilibrio fit, quòd vastissimæ navium, & aliorum corporum moles ipsis innatantes minima vi dimoveri possint.

Vt fluidum præcipuam illam passionem habeat, quam fluorem vocamus, primò eius componentes particulæ omninò diuisæ esse debent, vt vna particula tracta alia non sequatur ( minima illa diuisio æqualem nostris oculis, qui ad minima interstitia percipienda non attingunt, repræsentat superficiem : ) Secundò particulæ leuigatæ, & nullatenus scabrosæ, sed figuræ, qua faciliè una supra alteram excurrere, & fluere possit: Tertiò minimo contactu se inuicem excipientes.

Apertissima enim signa, quibus certis vestigijs particularum diuisionem percipimus, sunt motus, & componentium quies; Porro si aliquas inspiciamus particulas moueri, dum aliæ quiescunt, dicamus illas ab his diuisas esse: Si autem certæ vnus fluidi particulæ motu directo ferantur, harum tamen vna per digiti vnus spatium fluat, dum alia per spatium semis descendit, & ita itinera non sint æquidistantia, istæ erunt necessario diuisæ: Si verò vna particula duplici velocitatis gradu moueatur, dum alia vno tantum gradu fluit, & è contra, istæ itidem erunt seiunctæ; Eos tamen motus circulares exci-

pias,

pias, quibus particulæ semper maiori velocitate mouentur, quo magis à centro recedunt, in his etenim talis connexio esse potest, qualem in solidæ rotæ particulis videmus: Quando ergo particulæ, quo magis à centro distant eo velocius non mouentur, sed potius tardiùs, & tales particulæ erunt aliæ ab aliis separatæ, vti diuisæ sunt illæ, quæ relictis rotæ circulis currunt per aliquam tangentem, aut per spiralem è circulo recedentem: Aut si maius, seu minus spatium conficiant, cum reliquæ eiusdem circuli particulæ unam circumuolutionem fecerint. Tales anomalias quotidie obseruamus in continentis alicuius aqua, quæ tota directè, aut æquali motu mouetur, nec convertitur vna cum interna portione translata, aut circumducta; sed dissitæ partes omnino quiescunt, dum intermedia excurrunt, & pernicissimo motu rotantur; nunquam probamus autem in aqua turbida, aut in turbido aere particulas maxima velocitate moueri vsque ad quiescentem aerem, aut aquam, quæ vices laterum vasis habeat, sed potius ordinato decremento à partibus fluidi motu directo aut circulari velocissime actis, transiri ad particulas tardiori motu, agitas, vsque ad dissitas immotas.

Hic monemus in fluidis artificialibus,  
 qualia



qualia sunt metalla, & salia, quæ fusione, & solutione fluida fiunt, maiorem particularum diuisionem fieri, si eadem fusa, quàm si soluta fuerint, propter quam causam facilimè aurum, argentum, nitrum &c. modulis adhærere, & adaptari; idque semper verificari, siue solutiones fiant per menstrua, siue per deliquium; sic quando metalla tritramus, eadem soluimus, & oleum Glaciale componimus; quando à mixtione salis metallini, vitrioli scilicet levissimo aeris calore spectabile liquidum obtinemus.

In alia autem conditione particulæ leues existere debent, nam si scabrosæ forent, rugæ, anguli, aliæque inæqualitates, ipsarum excursum impedirent; immò protuberantiis inter se iunctis, & intertextis, arctissimè connecterentur, atque agglutinerentur, inde duritiem, & firmitudinem procrearent: secus si moleculæ omni scabritiè destituantur, & omnes ejusdem gravitatis sint, quamvis quiescerent, non adhuc aggregatum aliquod solidum durum, & consistens efformarent, quod in cumulum sustineri posset; duri etenim, & solidi corporis particulæ, aliquorum opinione, non solum quiescere, sed agglutinari debent, propterea videmus in pulvere, in globulis vitri &c. quod figuræ leues excursum, & descen-

sum

sum grauium partium nequeunt impedire, inde omnes necessario in horizontalem planitiem ruunt; ideo si aliquod corpus consistens intra dictum puluerem immergatur, & maiorem grauitatem, & consequenter maiorem compositionem efficiat, pulueris particulæ plurimum diuisæ supra illius libellam facile impelli, & eleuari poterunt, & propter leuitatem excurrere circa corpus demersum, eundem vndequaue contingere, ac ad eius figuram aptari.

Ita enim verum est paruum particularum contactum illam constitui in fluidis conditionem, quam dicimus, vt istud manifestò euincant corporum partes, quæ si planæ ampliorisque sint superficiei, effectus fluiditati penitus oppositos inducant; nam corpora tunc, vt superius innuebamus, latiori contactu mutuo se amplexantia, arctius connectuntur, iuxta se quiescunt, solidam præferunt naturam, & fluiditas deperit; quod superius adductæ observationes, & experimenta vsque adhuc satis manifestarunt.

Fluida in suo esse constituta grauitate ubique pollent, quod ex Iob. 33, 5. etiam habemus. *Qui facit ventis pondus, & aquas appendit in mensura.* Nec ignis ipse eadem detrahitur, cuius ope, aliorum liquidorum instar, permeat, & concreta dissoluit;

D

immo

immò in locis sibi connaturalibus illam exerceret, id pluribus experimentis aperientibus. Si vasi aqua pleno scypho oleum rebinthinæ continens immergatur, quò magis demergetur, eò magis oleum superius ascendet; idemque videas sequi, si aquæ scypho immittatur vtrinque apertus, noua aqua superaddita, ea in scyphone ad maiorem altitudinem eleuatur. Bullam construunt. eiusdem specificæ grauitatis cum aqua, ita vt vbicunque ponatur, ibi subsistat, at quando nouus superaffunditur liquor, bulla magis pressa fundum petit. Pariter colli ponderosi ampullam scyphoni imponunt, quæ quo magis in fluido descendit, eo plus aer inclusus condensatur, & additum fluidum semper talem adauget compressionem, hinc aere extreme condensato, ampulla omninò submergitur; hæc in aqua sequuntur, quæ pro aliorum fluidorum norma summitur. Euincitur manifestò etiam talis in aere grauidatio; dum vesica eo repleta, & ferreo circumdata circulo, ad montis sublimitatem fertur, vbi minor est aeris externi grauidatio, & interni expansio vinculum summè stringitur, quod ad planitiem laxum hærebat, vbi externi aeris pondus propter maiorem eius profunditatem proportionaliter excellebat.

Inde

Inde experimenta ratio confirmet. Aliquis liquidus cylindrus in plures laminas diuidatur, si vna supra alteram non grauidaret, inferior lamina non minus premeret, ac superior, quod vtrique, & facto, & menti non respondet; istud quilibet experiri potest, si manum vasis fluido pleni perforato fundo apponat; aut leuissimam pilam ad foramen eiusdem vasis mercurio pleni collocet; Quin immò corpora aquis submersa minus ponderant corporibus intra aerem degentibus; & huius non alia est ratio, nisi quoniam moles aquæ corpori demerso æqualis, veluti pondere contrapósito alterius ponderi resistit, hocque non contingeret, nisi interiores aquæ partes grauidationem exercerent; quod ipsum ostendunt famosa illa duo Archimed. theoremata. *Grauiora humido demissa in humidum ferrentur deorsum, donec descendant, & erunt leuiora in humido tantum, quantum habet grauitas humidi habentis tantam molem, quanta est moles solidæ magnitudinis. Solidarum magnitudinum quacunque fuerit leuior humido demissa in humidum, in tantum demergetur, vt tanta moles humidi, quanta est moles demersa habeat æqualem grauitatem cum tota magnitudine.*

At non satis est ostendisse inferiores æquiponderantium liquidorum partes à superioribus grauari, sed superiores etiam minus grauium fluidorum partes proportionato momento inferiores premere probabitur, cuius rei euidentia sunt experimenta. Primò. Si tubus ille, quo ad euincendum vacuum vulgò vtuntur, aqua, siue mercurio repletus sit, & aeris portio ad tubi summitatem penetret, statim contentum fluidum deprimit. Secundò. Si vasi oleo, aut aqua pleno scypho aquam continens immergatur, nouo oleo superiùs addito, aqua scyphone contenta sursum eleuabitur.

Admonearis insuper dictam pressionem ad latera quælibet quaquauersum exerceri, ita vt inferiores fluidorum partes ab omnium sibi incumbentium pondere inflectantur, & per certam resilientiam pressio vrgeat, & eleuatio. Cogita quamdam libram (inuersam licet) efformari; si perpendas tres aquæ columnas duas scilicet laterales perpendiculares, & vnâ inferiorem orienti parallelam; si altera perpendicularem præponderet inflectitur deorsum orientalis, & alia ex opposito perpendicularis sursum eleuatur momento, quod est æquale differentiæ ponderis columnarum, & talis eleuatio semper sequitur, quouique

æqui-



æquilibrantur. Existimes itidem euenire id ipsum, dum aliquod solidum mobile in fluido descendit, videlicet libræ leges sequi, qua vni lanci mobile impositum imaginamur, & alteri fluidum, semperque in demersione resistantiam augeri, quia oppositæ lanci maior fluidi copia incumbit; qua de re mirari non debemus, faciliorem descensum obseruari per rariores, quàm per densiores humores, & inæqualiter grauium inæqualitates clariùs in densitate, quàm in raritate manifestari.

Leuissimo labore ex recensitis colligendum est, quomodo diuersæ grauitatis specificæ liquida, si inuicem commisceas, sponte secedant, vt inspicimus quandò spiritus vini cum oleo amygdalarum dulcium, aqua, & oleo tartari, in quatuor distinctas disponuntur regiones grauioribus demersis, alijs superiùs innatantibus; & quando fluida vtrinam componentia in quatuor distinctas partes separantur.

Nec pigeat fluida vltiori examini nos subijcere, maximam, vt diximus, occupant mundi partem, ita vt nullum mobile possit moueri, si fluida è proprijs locis non depellat, in quorum expulsionem certa reactio sequitur, quam resistantiam mechanicus appellat, quæ successiue exercetur,

dum mobile iugi contactu liquidum allidit, & eo maiorem, cum à superficie, cui mobile inhæret, difficiliùs diuellitur; ideo corpus sphericum, cum secundum punctum superficiei inhæreat cæteris corporibus faciliùs mouetur: attamen corpora minora difficiliùs, cum maiorem superficiem, & molem in proportionem acquirant; hac eadem lege explicamus, cur ad principium descensus pluma duplo plus retardetur, quàm plumbea pila, & hæc duplo celerius idem spatium conficiat.

Itaque in resistentijs duo scire decet. Primò: Licet gradus motus corporis per fluidum descendens augeatur, vniformiter tamen non excrescunt; imo istæ differentiæ in velocitatis augmento tandem motum acceleratum, æquabilem, & vniformem reddunt, vt ad finem mobile, æquali tempore æqualia spatia conficiat. Secundò: Eiusdem corporis velocitates in duobus medijs fluidis nequaquam sunt eorundem resistentijs reciprocè proportionales; cum huiusmodi velocitates in iis medijs maiorem, minorem, & æqualem proportionem habere possint, quàm resistentiæ, seu mediorum crassities; & sciamus quod duobus horæ minutis centum, & plus aquæ cubitos transit, Mercurij quadraginta

draginta tantum pertransit, licet aqua decies minus crassitie acquisuerit. Si hæc palmaria sunt, sequitur primò mobilia semper successiue moueri, etiamsi nullam reperirent resistantiam, & si medium, quod percurrunt penitus annihilaretur: secundò omnia corpora æqualiter descendere, sed cum à medio resistente tantum vigor imminuatur, quantum medium relatè ad corpus descendens grauius est, hinc descensus enascitur inæqualitas, viz. si descendant duæ moles grauitate inæquales, vna ferri, altera ligni; si ferri pondus ad aerem sit vt 100. ad vnum, & lignum ut 50. duplo plus retardabitur lignum, quàm ferrum.

Fluida adhuc alias proprietates nanciſcuntur, & quasdam sequuntur leges: quam rem vt explicemus, & eius causam reddamus, plura iam traditis addenda veniunt. Supponimus fluidorum massam globulorum polyedrorum congeriem esse, & huiusmodi globulos inuicem appositos certos ordines, & fluidi columnas particularum efformare, & talium ordinum, & columnarum vnum aggregatum fieri, quod totam aquæ molem componat. Istud clariùs quis intelliget, si ipsi vas aqua plenum mente diuidere placuerit per innumeros canaliculos,

& per eos clarè sibi certos ordines, & columnas repræsentare; & si talem diuisionem secundum omnem dimensionem considerauerit, nempe latitudinem, longitudinem, atque altitudinem, istarum columnarum strata in latitudine, longitudine, & altitudine innumerabilia facilè concipiet. Particulæ verò in tales columnas dispositæ deorsum, & ad latera premunt, & earum quælibet ita premit, & premitur, vt certa connexio, ac veluti catena resultet momenti istius pressionis, quæ omnes fluidi particulas, quando eadem orizontalis libella seruatur, in æquilibrio, & immobiles reddit; quare si v. g. vas haberetur, quod quatuor ex istis ordinibus repleretur, & in ordine quolibet essent particulæ numero æquales: primus ordo vnum momentum fortietur proximum è loco sibi proprio depellendi, & ordo hic proximus æqualem vim habebit priori resistendi, dum in utroque æqualis particularum numerus reperitur; hinc æquali momento ordines immoti persistent: idem dici potest de secundo ordine respectu tertij, & progressus ad omnes similes extendi, in quibus eadem ratio obseruabitur.

Ex hac æquali vnus strati pressione, & æquali alterius resistentia deducimus causam,

am, quâ in scyphonibus inuersis inæquatum brachiorum, fluidum ampliori brachio contentum, æquibretur cum fluido angustioris brachij; inibi etiam similia sunt strata, quorum nisi vnum sibi vicinum premere valet, quod pari momento eidem resistit, ita redduntur immobilia; nec aliquid facit, quod particularum numerus in vno strato maior sit quàm in alio; cum vasis latera maiorem suppleant pressionem. Et hæc est lex, quam inuariatè omnia totius scyphonis strata sequuntur.

Propterea cohærenter ad hæc conijcere non dedecet partes aquæ, cum sint aliæ ab alijs solutæ, in proximam tantum seriem agere secundum altitudinem ei adhærentem, & sibi similem. Et à recensita pressione adhuc elicitur ratio illius famigeratissimi experimenti, quo vni Catino immerguntur decem, aut plures fistulæ, & in vnam aqua infusa, statim in singulas ad idem æquilibrium pertransit; & si vnus summitatî vesica alligetur, cui pondus aliquod superponatur, propter aerem intus compressum, liquorem intrâ dictam fistulam descendere conspiciemus, & talis pressionis causâ, sursum per alios canaliculos ascendere.

Id quod de duobus stratis pronuntiaui-  
mus in ordine ad mutuam pressionem, &



resistentiam, & de pluribus etiam inuicem comparatis verificatur, ostendit vim, & pressionis momentum hoc modo totius fluidi posse colligi. Si vna porrò particula sex stratis subicēteretur, sex particularum vim sentiet, & ea in inferiores quaquaversum, veluti è centro alicuius sphaeræ ad illius circumferentiam septem stratorum momento grauidabit: siquidem illæ series ità inuicem communicant, vt globulus vnus subiectum, & lateralem premat, & pressio hæc sic mixta in inferiores influat. Attamen ex huiusmodi confusione impossibile est eruere, quales sint illæ determinatæ particulæ, à quibus grauidatio resulter; licèt hoc certò sciamus à singulis deriuari. minimam pressionis portionem, quæ integram grauidationis summam conficit.

Si autem alio modo priori tamen consentaneo, vlteriùs manifestari exquiratur, cur in scyphone fluidum ampliori brachio contentum cum fluido angustioris brachij æquilibretur. Censetur quod latioris brachij particulæ taliter sint connexæ, vt tantò difficiliùs, & tardiùs ascendant, quantò angustioris brachij particulæ difficiliùs descendunt, ea reciproca proportionem, quæ est inter capacitatem brachiorum fluidum conti-

continentium; & hæc sit causa æquilibrij, non diuerso modo, ac contingit, in radio- rum inæqualium libra, in qua quæ propor- tio est inter pondus maius, & pondus mi- nus, eadem est inter distantiam à centro ra- dij maioris ad distantiam ab eodem radij minoris, & motum radij maioris, ad mo- tum minoris radij secundum doctrinam me- chanicam. Quin immò si illa duo brachia imaginaria mouerentur easdem altitudines proportionales describerent, nempe quâlis proportio esset inter pondus maius, & pon- dus minus, eadem esset, inter altitudinem, quæ describitur à maiori latere, & altitudi- nem quæ à minori latere conficitur. Per- pendantur verò siue celeritas, siue altitudo, seu fluidi stratorum nixus, omnia phæno- mena huiusmodi stratis competentia palam fient, quia æquilibrium illud rationem li- bræ, siue hæc tria velocitatem scilicet, alti- tudinem, & nixum complectitur.

Si hæc minus verisimilia videantur, quia laterales liquorum partes circa vnum pun- ctum momentum non exerçant, vt acci- dit in solidis, cogitetur particularem flui- di connexionem, & veluti vicissitudina- riæ pressionis catenam posse idem præsta- re, ac solidæ partes circa hyppomoclium connexæ.

Nec

Nec solum huiusmodi doctrina in fluidis homogeneis verificatur, sed & in heterogeneis: Ità tamen, si ponantur duo diuersæ speciei fluida in scyphone inuerso, illorum æquilibrium secundum grauitatis specificæ diuersitatem continget, quod semper magis assignatum confirmat fieri æquilibrium penes stratorum numerum talium liquorum particularum, viz. quia Mercurius quatuordecies grauior aqua existit, quatuordecim aquæ strata cum vno Mercurio strato æquilibrantur.

Demum dictas leges etiam in irregularibus vasis sequi meritò possumus affirmare, (licet altitudines obseruari nequeant propter vasorum continentium superficierum curuitatem:) quia vasis irregularis latera ità contentum fluidum resistentiâ vident, ac in idem agerent fluidi particule, quæ supplementum æqualis cylindri fluidi vas regulare implentis componerent; nam pari momento liquidi particule pressione circumquaque nituntur, quàm si immobiles forent; Quod vt manifestetur, supponamus aquæ molem, vasi irregulari æqualem, intrà aquæ molem in vase regulari positam, & aquam aliam aquam ambientem immobilem reddi, indurescere, & congelari, illa cuiusdam irregularis vasis lateris

teris speciem geret, & veluti vas istud  
formabit, quod contentam aquam eo-  
dem modo vrgebit, quo aliæ eiusdem flui-  
di particulæ, antequam congelarentur sub-  
iectam aquam premebant; signum eui-  
dens resistantiam, & renixum particula-  
rum fluidi continentis æquiualere resisten-  
tiæ fluidi congelati, seu laterum vasis con-  
tinentis. Si ergo laterum alicuius vasis, aut  
fluidi continentis congelati resistantia; ac  
pressio, & renixus particularum fluidi ci-  
lindrum vasis regularis explentis idem mo-  
mentum componunt, sequitur eandem  
lebere pressionis legem haberi in fluidis  
vasis irregularibus contentis, ac in alijs  
habebatur.

Tradita fluidorum doctrina sanguini,  
& cæteris fluidis animalium vitam confer-  
rantibus comparari debet, & manifestari  
alterius assignatas Hydrostaticæ, & hy-  
draulicæ leges in eisdem exerceri; pro qua  
e memoria reuocandum est, in fluidis duas  
haberi mixtionis species; primam homo-  
genearum particularum, quæ ita inuicem  
confunduntur, vt vnâ ab alia nunquam  
discernas, & omnes communem sortian-  
tur actionem, vti videre est in aqua: Alte-  
ram heterogenearum, quæ licet comple-  
xione quadam in vnum consortium con-  
spirent,

spirent, earum tamen plures propriam naturam retinent, & distinctum à cæteris exerunt effectum; hanc rem apertè ostendunt lucis corpuscula, quæ, & si cum aeris, & aliorum corporum particulis mixta, in oculo tamen propria actione obiectorum imagines imprimunt. Tres diuersorum colorum candelæ ultrà interpositi corporis foramen tres diuersos vibrant colores. Si magnetem, corpus electricum, & moscum accipiamus: & corium in medio perforatum ad certam eorum distantiam ponamus, experiemur effluuia per foramen penetrantia diuersos effectus parere, scilicet magnetica mouere acum, electrica paleam, & odorosa mosci gratum naribus sensum exhibere: quidni apud Diemerbroekium legimus in lib. 4. de peste venefica corpuscula octo Menses licèt aliis commixta malignam qualitatem retinuisse. *Mirum tamen est hoc contagium tantopere potuisse subsistere, utpotè quod tota hyeme, ventis, & pluuiis, nivibus, & frigori expositum fuisset.*

Hujus secundæ speciei sunt animalium humorum mixtiones: plures enim continent particulas, quæ differentes producant effectus; immò aliæ directè, aliæ transuersè, aliæ sursum, aliæ deorsum, & aliæ circulariter mouentur, quibus diuersis motibus

certa



certa animalium vitæ necessaria conserua-  
tur agitatio, nisi naturæ limites excedat,  
quia tunc circularem sanguinis motum im-  
mediando mixtiones, & separationes turba-  
et, ac præternaturali componentium con-  
fusione animal ad interitum vrgeret. Cujus  
mixtionis specimen aquæ thermæ exhibent,  
quæ ferri, vitrioli, aluminis, cupri, &c.  
à terræ visceribus ebibentes moleculas,  
mixta componunt, à quorum diuersis par-  
ticulis varij motus excitantur, & alij diuersi  
emanant effectus: hinc est quod sæpè hu-  
mani corporis alterata liquida corrigunt, &  
quandoque totalem eorundem defectum re-  
arciunt: Est enim rationabile thermalium  
alias certis animalium liquidis assimilari, &  
eisdem particulis saturari: alias illa corpu-  
cula continere, quibus succus deprauatus  
restituitur: & alias debitè fluidorum systasi  
ulio modo conducere.

Particulæ etiamsi minutissimæ intrâ hæc  
fluida legibus hydrostaticis mouentur. Quæ  
per rectam lineam tendunt, si in alias ob-  
staculum facientes incidant, ab hac linea  
declinant, & declinationis angulum obsta-  
culo proportionatum faciunt. Si porro  
quæ motu rotatorio circa proprium axem  
mouentur in particulas incidant, quæ ab  
impetu medii fluidi feruntur; dum reuol-  
uuntur

uuntur orizontali vertigine circa proprium centrum , contra fluidi motus directionem nequeunt excurrere. Particulæ à contactus resistantia non impeditæ , & à cæteris diuulsæ , si grauiores sint , descendunt , & æqualium radiorum libram constituunt, cuius grauitatis centrum continenter descendit , cum eleuat fluidum leuius collaterale , semperque renouatur orizontalis libra: si autem particulæ leuiores sint, ascendant , & collaterale fluidum eisdem legibus descendit.

---

## CAPVT TERTIVM.

### *De Sanguinis generatione.*

**Q**uantùm exerceat Virorum ingenia Sanguinis contemplatio , quilibet facile sciet , si seriò perpenderit quot in illius historia illustranda fuerint occupati , etiam si tam difficilis materia singulorum studia vsque nunc inania reddiderit ; vtique licèt antè aliquos menses & nos Sanguinis scrutinio insudauerimus , nostra vota implere non potuimus , nec tales obseruationes congerere , quæ vobis communicari mererentur ; quin potius cum Plinio hist. nat. lib. 7.

cap.

ap. i. ingeminauerimus. *Natura verò vis,  
 & que maiestas in omnibus momentis fide caret:*  
 Non nullas tamen meditationes, quæ inter  
 philosophandum menti occurrerunt pla-  
 et publico iuri committere, vt saltem in  
 tanti momenti aliorum studia sollicitu-  
 us. Sanguinis dignitatem explorantes  
 multa in Sacris Paginis legimus, quæ ma-  
 imam ipsi venerationem conciliant; illi-  
 tum enim fuit cuiquam Sanguine vesci:  
*Dominos vos feci omnium tam terrestrium,  
 quam natatiliū, & eorum quæ per subli-  
 re feruntur, absque Sanguine; Nam in hoc  
 anima inest.* Antiquit. Iudaic. lib. i. cap. 4.,  
 quod confirmatur in Leuit. xi. xiv. xvii.,  
 & alibi. *Quia anima carnis in Sanguine est:*  
 in tanta alimentorum varietate, in qua  
 Deus nostræ gulæ indulgit Sanguinem, qui  
 est vehiculum animæ præcipuæ animalium  
 artis, excepit, quo vesci perinde bar-  
 arum, & crudele foret, atque animam  
 osam comedere; idque tanto maiorem  
 arguit excellentiam, quòd SS. PP. ferè sin-  
 gulis temporibus huius religiosi mandati  
 neminerint, vt eruditissimus scripsit Cur-  
 cellæus; ac in Constitut. 58. Leonis Im-  
 peratoris inuenimus. *Simul olim Legis-la-  
 ori Mosi Sanguine vescendum non esse  
 mandauit Deus: Simul ab istiusmodi cibo*  
 E *absti-*

abstinere debere à præconibus gratia est constitutum, & quamquam tum veteris, tum nouæ gratia tempore illa res vilis habita sit, & nefaria; eò tamen contumacia, immò uacordia homines processere, ut neutri legi aurem præstent: at contra alij lucri, alij gulæ causa, summa cum impudentia mandatum contemnunt in escamque, qua uesci vetitum est, Sanguinem conuertunt . . . . . Quod tolerari non debet imperatoria nostra maiestas rata, neque tam impio soli gula inhiantium hominum inuento, nunc præcepta Diuina, nunc reipublicæ nostræ dedecore affici sustinens, iubet nequis in scelus neque ad usum, neque ut emptores detestando cibo contaminentur, exercere audeat. Præstantissimi istius fluidi cultum ostenderunt Critias, & Empedocles, qui animæ naturam eidem concesserunt, nisi ipsi fecissent ut Pythagoras, qui facilius discipulos suos a esu carniū auertere amans, reciprocæ animarum ex hominum corporibus in brutorum corpora, finxit; ne (ut falsè ait Terullianus) bubulam de aliquo proauo quiliquam obsonaret: de quo locutus est Seneca: Si vera sunt ista abstinuisse animalibus innocentia est: si falsa frugalitas est.

Vt autem solidum Sanguinis examen nobis præstetur, rem à principio arcessimus. Duo sunt Sanguinis fontes, vnus in

femine

mine: alter in chylo. Circà primos dies  
 ceipit colliquamenti limbus exili quadam  
 nea rubescere, in cuius centro aliquod  
 unctum, iam priùs album colorem mutat,  
 magis emicat, & saliens fit, quod veluti li-  
 uidum aliquod imbiberet effulget, & in  
 iastolem dilatatur: inde veluti idem di-  
 mitteret, confertim subsidens systole con-  
 ringitur, & delitescit, quæ alterna con-  
 rictio, & dilatatio cordis indicia præbet,  
 cèt sanguinis portiunculæ speciem primò  
 tuentium oculis exhibeat.

Sanguis primò sub colliquamenti specie  
 certis riuulis versus fœtum per vasa de-  
 lucitur, postea particularum ordine varia-  
 to in subuitulinum, & æruginosum flui-  
 dum immutatur, ac demum purpurascens  
 it; interea Cor successiuas subit meta-  
 morphoses, eius particulæ carneis villis im-  
 plicantur, ac paulò post pulsar, & nostris  
 oculis manifestatur. Colliquamentum va-  
 rias naturas, & colores induens, ac in pro-  
 prio sinu singulorum generum solida conti-  
 nens animalis partium motui, & augmen-  
 to adlaborat.

A Chylo continua sanguinis dispendia  
 reparantur, ad cuius elaborationem diuersa  
 fluida concurrunt, quæ huic muneri non  
 sufficiunt, nisi priùs varijs diuisionibus, &



subactionibus in vniuersali circulatione, & corporis visceribus nouam acquisiuerint texturam, vt indè alimentis reaffusa primæuanæ Chyli concilient texturam.

Fluidorum, quæ huic actioni conceduntur, primò occurrit saliuæ, quæ sensim licet copiosè tamen vndequaque in ore scaturit, dum à faciei musculorum contractionibus subiectæ glandulæ comprimuntur: atque paulatim extillans, partim euaporat, partim inter musculorum motiones consumitur, ac partim deglutita ad ventriculum descendit. Si in his vijs alimenta repererit, arctos eorum poros ingreditur, substantiam intimiùs permeat, cui non modicam infert laxitatem, & digestionis initium, propterea etsi humor insipidus, & aqueis tantum particulis componi videatur, quoniam effectus producti aquæ activitatem superant; ideo datur occasio Physiologicis plura, & actiuiora saliuæ superaddendi principia. Horum plures enumeravit Siluius, qui lymphæ glutinosa animalibus spiritibus, & portione acidi saliuam fieri autumauit; cui subscripsit Regnerus Graaf, & illam succo pancreatico maximè analogam voluit. Minus compositam esse censuit Vepferus, & aqueas tantum particulas continere: Viridetius aquam, sulfur, salia diuersorum generum

nerum volatilia, & fixa. Siluanus Regis  
 uulò ante obseruasse testatur saliuam ex sa-  
 pus acri, & acido ad prædominium sulfu-  
 s coalescere.

Ast ea saliuæ conditio à tantis mutatur,  
 mod, si ab aliquo animali excepta, chymi-  
 e analysi subiiciatur, uix determinari possit,  
 alis in singulis naturaliter esse debeat; &  
 ymicam ipsam infidum examen exqui-  
 enti præbere, quia ignoratur, an compo-  
 at, an resoluat, manifestò patet; idcirco  
 o assertionibus allatis aliquid cetti eruere,  
 ifida res est; iuxtà id cuius Gaspar Areies  
 os admonet: *Quam plurimi naturæ adyta,  
 r abdita inuestigare conati sunt: quæ nulli  
 antumuis studio occupati inuenire potuerunt.*  
 Camp. Elys. Quæst. iucun. quæst. 53.

Vt autem ab incertis certà distingua-  
 us, & illa ab his veluti face accensà illu-  
 trentur. Saliua, esto plerumque manifeste-  
 ur insipida, summæ actiuitatis est men-  
 truum, siquidem solidissimos cibos, lapides,  
 ossa, ferri fragmenta &c. dissoluere valet,  
 quin imò Mercurium, metallorum Protheum  
 extinguit, cum quo tanta est hostilitas, vt  
 extrà nostrum corpus, veluti catenis deuin-  
 ctum, per tumentes fauces violentissimè ar-  
 cipiat: Talis profectò ingentissima vis cer-  
 tis actiuioribus particulis inest, quæ licèt

intrà aqueum liquorem abscondantur, & sensum effugiant, istius tamen vehiculo dum intrà ingestorum poros se insinuant, ita inuicem augent vires, quòd validissimo solutionis effectus in ipsis producant, eodem modo quo in puluere fulminante, minima salis tartari, nitri, & sulfuris particulæ inuicem commixtæ maxima vi pollent, & quælibet repagula, etiam validissimi æris permeant, & diffingunt.

Non est tamen salua eiusdem energia in singulis animalium speciebus, nec in singulis eiusdem speciei indiuiduis, propterea summus rerum Conditor prospexit, ut Animalia quædam Aquatilia, Terrestria, & Volatilia recensita à Peyero, quæ graminibus, & durioribus alimentis saginantur, ruminarent, videlicet assumptum cibum pluries remanderent, ut facilius solvente liquore in singulas partes perfunderetur; si que ingestorum soliditas menstrui virtutem in certis animalibus eluderet adhuc, naturæ gulam, & stomachum, ad vltiorem illorum triturationem dentibus munivit, ut Molæ Cancris, Astacis, & alijs animalibus fecisse apud Recentiores legimus.

Minimæ autem soluentis moleculæ alimenta permeant vi grauitatis suæ, aerem inibi contentum expellunt, atque alias parti

particulas tantùm iuxta se positas , nec ar-  
 tiori vinculo intertextas facilè diffociant,  
 & dispergunt. Ad soluentis immissionem  
 & aeris expressionem validus particula-  
 rum motus , lucta , & agitatio contingit,  
 quæ aucto impetu arctum nexum , & quam-  
 libet validam vincit resistantiam , ac fa-  
 cilè sursum , & lateralitèr solutas impellit  
 particulas ; vnde fit turbidus ille , & lacte-  
 scens liquor , qui Chylus dicitur. Itaque  
 Alimenti dissolutio grauitantis fluidi effe-  
 ctus censeatur , nec alterius certi motus  
 qui potius grauitatis productum existimari  
 debet : vti grauitati adscribimus salium in  
 aqua dissolutiones ; aqua namque vi pro-  
 prij ponderis ingreditur salis poros , & Ca-  
 naliculos , fortasse exilitate vacuos , aut  
 crassiore aere destitutos , ac velocissimo  
 motu , & adaucto impetu concretum sol-  
 uit , particulas separat , vehementiùs im-  
 pellit , vna cum ambiente aqua , quæ con-  
 sequutiuo motu celerius agitatur ; & ascensu  
 particularum subtilium , & leuiorum , qui-  
 bus tales pori referebantur , mixtum , com-  
 mouetur. Ex quibus equidem inferre pos-  
 sumus grauitantem potentiam , quæ certos  
 motus efficit , sine vlla fermentatione ,  
 salinas particulas vndequaue per totam  
 aquam , ad partes etiam distantes , adi-

gere ; & clarum ciborum solutionis specimen largiri.

Saliva sensim deglutita , quæ alimenta primò dissolvit , & eorum particulas fluidas reddit , alium procreat effectum , quo igni valdè analoga videtur. Lignum ignis adoritur , igneas latentes inibi particulas secum abripit , & agmine factò ignis amnem effingit ; irruit saliva in alimenta , præexistentes particulas secum rapit , & chyli particulae , sic aggestæ , in spectabile flumen , ignis aceruo simile , erumpunt ; nec quis inficietur tanta energia potiri salivam , quanta in igne reperitur ; minima etenim huiusmodi liquidorum corpuscula , & coni ingentem vim habent , si per modum vnius operentur , & eò maiorem etiam , quo minorem habent molem , ut edocuit , & tot experientijs comprobavit eruditissimus Vallemontius in *Physica occulta* cap. 10.

Particulae iam fluidæ redditæ in animalibus , quæ potu utuntur , intrà potulentam materiam vagantur , quæ solidioribus moleculis saturata , violentas earum eruptiones temperat , & irregulares motiones modificat , ut benignioris fiat tinctura conditionis : in alijs animalibus , quæ diù sine potu viuunt , forsan chylus non dilutus , & seuerior ijs indiuiduis idoneus est , & fluidi

Vni-



Vniuersalis faciendi talis debet preparari materies.

Animalium plura vegetabilia, alia animalia, & alia etiam res inanimatas in escam assumunt, seu natura animalibus indidit instinctum ea sibi edulia comparandi, in quibus ad reparandam propriam caducitatem cognata reperirent principia: siuè ad immoderatum appetitum satiandum, præter vitæ necessaria multa alia suggererit luxuries, & si à nostro instituto alienum fuisset, vt nos erudiuit Curcelleus: *Deinde non conueniebat excellentia, in qua conditus fuit homo . . . . . vt animalia mactaret ad vescendum, quasi vitam suam nequiret sustinere, quin alteri eam eriperet, & se illius sanguine pollueret: de esu sanguinis cap. i. & Boetius;*

*Felix nimium prior ætas  
Contenta fidelibus aruis,  
Nec inertī perdita luxu  
Facili, quæ sera solebat  
Ieiunia soluere glande.*

Principia, quæ ex alimentis elicita animalium detrimenta quotidie resarciunt, illa eadem sunt, quæ prius alio ordine, & situ mineralia, fossilia, plantas, & fortasse alia etiam concreta, quibus nondum nomen impositum est, licèt attentam magis mererentur

considerationem, composuerunt; In dictis debuerant prius alterari, antequam facefferent in alimentum; nam cum corporum non nulla constanti, & permanenti mixtione, aut incongruitate texturæ talem antipathiam nanciscantur, vt omnem mixtionem renuant nisi perpetuò agitentur, seu in plantis fossilibus &c. alijs principijs intermisceantur, non possunt in chylum iunctim concurrere; porrò inspicimus certas oleorum species, v. g. tartari, lini, terebinthinæ, & aliorum, ijs analogas, quæ è sanguine destillantur inuicem non commisceri: inspicimus pariter aquam cum igneis, & oleosis particulis societatem non inire: diuersos sales volatiles, & fixos eandem conditionem sortiri; attamen si per vegetabilia, brutorum carnes, aut alia concreta trajiciantur, rectè vniuntur in primum hominis fluidum.

Menstruum aliud alimenta dissoluens in ventriculo reperiri Medici ferè omnes scripserunt; sed in ipsius conditione assignanda tam varias prompserunt opiniones, vt forsitan in alio numquam magis inconstans fuerit Doctorum schola. Veteres plerique è melancholia, quæ per vas breue à liene ad ventriculum proflueret, illud deriuarunt: Aristoteles à calore ventriculi, à Sanguine arte-

arterioso aucto: Galenus à facultate, & idiosyncrasia. Seuerinus huiusmodi soluens deduxit à bile: Chambrius, & Mayouu ab animalibus spiritibus: à reliquijs præcedentis coctionis Riolanus: Higmorus a tartareo, & vitriolico succo. Ex certo spirituofo liquore ab arterijs deciduo, primæ coctionis recrementis mixto, cogitauit prouenire Vuilis: Hogelandus à succo, vinoso spiritui calcantho immixto, simili; Van-Helmont à splenis odore, tot viscera, & membranas vsque ad ventriculum permeante, eo modo, quo sympathicum atramentum, seu extractum Saturni densissimos libros, & parietes transit. Plurimi alij cibaria dissoluendi munus acido spiritui è fulis salibus genito impartunt.

Nequit autem aliquod determinatæ conditionis menstruum decerni, cum summè variet, etiam in eadem animalis specie iuxta diuersas indiuidui exigentias, & differentes omnium fluidorum respectiuitates, quæ in duobus nunquam omnino similes reperiuntur; imò nec aliquando in eodem, si ipsum diuersis temporibus consideres; & id edocuit quoque Curcelleus de esu Sanguinis cap. I. *Ità progressu temporis animalium temperamentum insensibiliter mutatum est, ut tandem alterius naturæ, quam initio erant, visa fuerint.* Imò, determinatum menstruum

struum assignari non posse confirmant alimenta ipsa , quæ solui debent cum in eadem animalis specie quandoque differant, viz. Vrsi non eodem se vbique cibo sustentant; sed in Alpibus, herbis, & pomis sylvestribus contenti sunt, in Groenlandia se carnibus faginant; & animalia alia ab assuetudine, & peculiari locorum, in quibus degunt opportunitate, hoc potius, quàm illo ciborum genere vescuntur: Nec ars huius inuentioni quidquam suffragari potest; in artificialibus etenim solubile æquè mixtum, vt sunt alimenta, non experimur, quare soluens alimentis proportionatum non inueniemus ad soluenda tot corpora edulia componentia, quæ innumeris animalibus concessa sunt, summè compositum, & pluribus, ac variis succis constans exigui menstruum facile conijcimus, at certam diffidimus eius statuere indolem, ad quam eruendam singula animalium esculenta deberemus habere perspecta; cum edoceant chymici quodlibet mixtum proprium forriri soluens, imò si ipsum aliorum mixtione diuersificetur, etiam eius menstruum miscibilium additione differre. Nequè acidum aliquod in scenam vocetur; siquidem acidi, salis; &c. nomina incongruè, ac translato minùs proprio, hîc assumuntur,

tur, vtpotè instituta relatè ad sensum gustus, & non ad eas functiones, quas fluida in reliquo corpore agere periclitamur. Acidum vero istud nostris temporibus tam celebre extitit, non solum in ventriculo, sed vbique, vt ferè omnes sectatores obtinuerit Medicos; at nobis, cum vniuersaliter nimis boni, & mali fiat auctor, omnium malorum reus, singularum functionum rector &c. falsitatis suspicionem affert, cogitantibus naturam ità non aberrasse, vt primis alimentorum præparationibus acido vteretur, cuius compages actiuioribus referta spiculis, dum villosæ tunicæ tubulorum meatulos pertransiret, eosdem profectò laceraret. Innumeras huius loci erosiones acido tribuunt Clinici, quod paulò antè tanti beneficij agens constituerunt. Nec nos latet ad varias acidorum species nonnullos confugere, quibus diuersi imponuntur effectus; sed in his assignandis speciebus valdè laborant, & nimis abstractis, ac obscurissimis ideis propria explicant cogitata. Vnde concludendum est, nequè acidum, neque salsum, nequè alterius notæ rationis menstruum istud posse statui, sed indefinibile, & cui, in præsentem vsque diem, simile nullus artium scrutator inuenerit; & si non irrationabiliter excogitari posset parti-



particulas cuiuslibet alimentorum speciei subtiliores, & actiuiores, quæ per repetitas digestiones, & circulationes à crassiorum consortio liberantur, & in glandulis primarum viarum separantur, tale soluens euadere. Cuius rei duo sunt argumenta. Primum tales moleculas ingestorum poris è quibus euolarunt proportionari. Secundum si cibum ingeramus inassuetum, veluti post diuturnas ægritudines, in mutatione regionis, & fortunæ, in Apepsiam; & abolitam chylicationem incidimus, quæ perseuerat, quousque ex eisdem alimentis proprium dissoluens componitur, & ab immutata, & vigorata secernitur glandularum structura.

Quælibet alimenti portio, statim ac primam subierit fluiditatem, laxato pyloro ad intestina descendit, vbi dum adhuc vltiori dissolutioni, & acquirendæ fluiditati vacat, duos recipit liquores vnum à Pancreate, alterum ab Hepate, qui proximo meatu ad intestini duodeni finem scaturiunt; Interea nonnullæ subtiliores redditæ chyli particule lacteas permeant, vnde velox virium restauratio obtinetur,

Pancreaticum succum, & bilem periodicè tantum in intestina profluere plures scripserunt, & effluxus causam, fermentantis chyli irritationem, & factam à peristaltico

staltico intestinorum motu compressionem voluere, etiam si res hydrostaticè explicaretur per duos syphunculos, vnum minorem, succum in aliquem sinum ducentem, alium maiorem, & recuruum, succum ab eodem sinu exhaurientem, vt in Fontibus Altaconbano, & Puigrossensi statis tantum vicibus decurrentibus contingere docuit Dechales de font. nat. prop. 15.

Pancreatici succi indolem metiti sunt Siluius, & Graaf à proprijs saporibus; & istum testantur quandoquè acidum gratissimum, quandoquè austerum, nonnumquam falsum, sæpe numero acido-falsum, aliquando insipidum, & nullius actiuitatis: diuersos attamen illos sapores varijs corporum sanorum, & ægrorum tribuerunt constitutionibus, existimantes, in animali perfectè sano Pancreatis succum acidum semper reperiri; cuius componentia Viri Clarissimi assignarunt oleum, aquam, terram, & salem acidum ad cæterorum prædominium.

Insidum est sanè experimentum alicuius corporis naturam, & operandi modum ab eius sapore exquirere; cum ab eiusdem saporis fluido contrarios prodire effectus, atque à diuersorum saporum fluidis eundem effectum sequi sæpè obseruauerit Boyleus. Et in diuersis indiuiduis, in perfectissimo  
ctiam

etiam sanitatis statu, secundum conditiones, pancreatis succus variare potest, dummodo illius individui, cuius est, proportionetur liquidis, & materiæ, in quam agere debet; Nec pancreatis succo salem acidum cæteris prædominantem concedimus, nam hoc contrà naturæ institutum videtur, quæ hic validissimo coagulante inceptæ operationi refragari non debet, dum omni conatu intendit fluidorum subtilitatem, diuisionem, & fluiditatem promouere, alioquin crassiora reddita, venarum lactearum poros, aut orificia effugerent.

Quò circa in opinionem venimus eodem volatiles sales, eadem principia actiuiora, quæ saliuam, & ventriculi menstruum componere asseribamus, & succum Pancreaticum efficere; nam similem debet producere effectum; similis est illorum glandularum structura; ac frequens est in animalium corpore, plures partes ad idem munus meliùs assequendum comparare, & eo magis, cum id munus nostræ vitæ tantopere necessarium existat. Demum saliuæ valdè analogum istum succum candidè fatentur Siluius, & Graaf.

Sicuti enim aqua pluuia sales dissoluit, & particularum agitationem promouet, quibus adiuuante aeris pressione, liquida in  
planta-

lantarum radices insinuantur, ità pancrea-  
 is succus aquæ pluuiæ instar sales, & cæteras  
 limentorum particulas dissoluens ab aeris  
 reffione intestina permeantis adiutus, nu-  
 titij liquoris in vasorum lacteorum meatus  
 git ingressus; nisi crederetur humiditas pan-  
 creatici succi moleculas, intrà lactearum  
 enarum meatus iugiter se insinuantes, fa-  
 cilem statim temporibus aduenienti chylo  
 ditum præbere, uti contingit in funibus,  
 gnis, arena, &c. humidis particulis irri-  
 atis, quæ faciliè aduenientis aquæ cursum  
 admittunt.

Omnes summæ necessitatis, & actiui-  
 tatis humorem bilem esse consentiunt; Qui  
 ferunt pancreatico succo opponi, & cum  
 oleo agitari, ebullire, & fermentescere, bi-  
 lem volunt amaram, & compositam multo  
 oleo lixiuio pauca aqua diluto, concurrente,  
 cum ipsis immixto mediocri olei, & volatilis  
 spiritus quantitate: aquæ, cui etiam faciliè  
 immiscetur, suam debere fluiditatem: faciliè  
 corpora quæuis penetrare; immò & flam-  
 mam concipere. Bilis autem componentia  
 tradidit Glissonius scilicet salis copiam, ali-  
 quantum sulfuris, & modicum spiritus:  
 Graaf Sal volatile, & lixiuium cum acidis  
 fermentescens. Et Leeuwenhoekius in bile  
 descripsit obseruasse magnam globulorum

quantitatem, quorum moles longè minor erat, quàm ea, quæ in globulis sanguinis conspicitur: & sales quarum figuræ obseruationem infinitus globulorum numerus impediebat. Nos autem bilem ipsam ad examen reuocantes eandem inuenimus liquorem plura principia continentem, in quibus sulfur, & salia volatilia alkalica dominantur.

Succum pancreaticum, & bilem statuunt nonnulli chymici duos sæuissimos hostes, illum acidum dicunt, hanc alkali, & acidi spicula intrà alkali sinus se insinuare, ac insignem luctam, & fermentationem promouere, atque ab hac sæcum præcipitationem, & chyli dependere perfectionem. Hanc fermentationem Anatomicæ Bibliothecæ Auctores impugnant, asserentes in lymphæ, & sanguinis sero acidos sales, & lixiuiosas particulas sine aliqua lucta, aut fermentatione inuicem commisceri; Vnde potius asserere possumus, bilem proprijs muriaticis salibus, forsan cubicis, cum chyli portionibus intermisceri, easdem diuidere, vnde magis affines inuicem iungantur, cæteris præcipitatis, & subsidentibus, ac alijs leuioribus innatantibus; ità hanc massam partiri in chylum, substantiam quandam intercurrentem, & sæces, quibus non modicum bilis interponitur, quæ irritando vltimam



nam vsque expulsionem vrget; Præcipitationes huiusmodi videmus in salis tartari, & nitrioli solutionibus, in quibus particulæ salinæ homogeneæ se amplexantur, & sulphureæ in libertatem positæ præcipitantur; quod sequitur quoque, si alicuius menstrui sive soluto metallo, aliud metallum, cui illud menstruum magis congruat, addatur; nam menstruum huic alteri metallo iungitur, & primum præcipitatur. Tali ergo diversorum fluidorum commixtione concludimus chylum modificari, eius componenda transponi, ab inutilibus separari, summè attenuari, & in certos, & limitatos motus digi, secùs venarum lactearum diametro non proportionarentur, vt edocuit Lecuenhoekius.

Tali chylosæ substantiæ modificationi succum alium addidit Peyerus, qui ab intestinorum glandulis extillat, ex quodam sanguinis sero, ac nitro aereo neruorum spiritu compositus. *Quamprimum intestina ciborum in ventriculo dissolutorum massa impleantur, glandula intestinorum succo tunc plurimum turgentes se protinus per papillas exonerant, pressæque, ac ad id impulsa fibrarum motu, quem peristalticum communiter cognominant: hoc factò spiritus aereus è vehiculo suo, & compedibus erumpens, alimenti massam*

*permeans, particulas eius sulfureas, & salinas adoritur; Hinc bello veluti indicto, quodam fermentationis motu tandiù pugnatur, donec aquæ portiones in minimas comminutæ, & nonnihil volatiles redditæ, chylum absolutissimum, ipsoque quasi vitalitatis charactere insignitum constituunt.*

Hanc opinionem firmare existimat summa in studijs nutritionis dispendia, siquidem, dum spiritus recensitus cerebri laboribus incumbit, à perficiendo in intestinis chylo feriat, atque tunc aut nullatenus, aut impurus chylus vniuersali fluido ad corporis nutritionem suppeditatur, cui incommodo etiam obnoxij sumus, nisi serum aliquod crassius intestinorum tunicis hæreat, & violentas præcaueat irritationes, quæ nutritium penu aliò diuertunt. Ab efferuescentia inter chylum, & examinatos humores lacteum illius colorem Medici deduxerunt. Censent alij hunc colorem chylum sortiri, quia particulæ ingestorum salinæ cum sulfureis dissolutæ in ventriculo vitriolicis immiscentur, eo modo, quo liquores sale, & sulfure imprægnati affuso limonum succo, aut alio huius conditionis fluido lactescunt; & vt fit si spiritui cornu-cerui, fuliginis, aut lixiui è sale tartari, & floribus sulfuris in aqua parato aliqua ex illis; quæ vulgò cognomi-

nantur

nantur acida immittantur. Attamen huius color chylo perennis non est, cum secundum ciborum varietatem, quibus animalia vescuntur, mutetur, ut videmus in brutis, quæ herbis se saginant, in quibus viridis aliquando, quandoque flauus, & aliquando alterius coloris se manifestat. Quilibet autem fluidi color effectus est peculiaris eius componentium diuisionis, ordinis, & situs, quæ certam texturam componentia hunc, aut alium colorem occasionant.

Intestinorum lacteas chylus ingreditur, quæ alium, etsi subtilissimum liquorem instar spiritus vini, non admittunt; ad huiusmodi autem chylum facilius excipiendum ingens intestinorum longitudo comparata est, à quorum peristaltica contractione interius comprimitur, & relaxatione exsugitur. Chymus ab intestinorum lacteis, ad lacteas mesenterij, quæ secundi ordinis appellantur progreditur, hinc ad receptaculum, vbi alio fluido, quod ratione propriæ tenuitatis, & diaphaneitatis lympham dicimus, attemperatur. Lympha, quæ Larvæ instar sub tantæ claritatis specie infinitam obscuritatem præsefert, indiscriminatum per propria vasa, & lacteas venas, si ibi chymum non inueniat, excurrit obseruante Siluio, sed ductus isti, ita variè

confunduntur, vt solertissimis etiam Obseruatoribus facile possint imponere.

Lymphæ examinandæ doctissimi Recentiores seriò incubuerunt, sed eorum labor in hunc vsque diem id non obtinuit, quod gloriosi mererentur sudores. Siluius lympham partitus est in glandulosam, & musculosam (illa à conglobatis glandulis, vna cum lymphaticis, notante etiam Stenone, proficiscitur:) vtramque in refluentem è partibus, vt earum superfluitatem; & refluentem, vt ab ipsis magis elaboratam. Censent à parte sanguinis acidiorē, & animalibus spiritibus, vtrisque aqua dilutis generari; proptereà venis iugularibus addi, dum sanguis spiritibus priuatus à cerebro refluit, & sanguinem, & chylum à coagulatione vindicare, ac ad motus intestinum, & circularem continuandos disponere. Siluanus Regis lymphæ principia sal acidum, & Sulfur volatile in phlegmate censuit esse. Vvillis, & Glissonius qui portionem lymphæ è visceribus, portionem è succo neruorum nutritio deriuant, asserunt vaporosas sanguinis particulas, fluidorum fermentatione exaltatas, in visceribus, & alijs partibus in lympham, remittente calore, condensari. Entius, Carletonus, & ferè tota Anglorum schola autumant nutri-

nutritium neruorum succum post statutum sibi nutritionis munus in lymphæ formam per lymphatica refluere: ita pariter Bartholino, & Blancardo placuit animales spiritus, dum in lymphatica reuehantur, lympham appellari. Lympham adhuc alio modo generari aliqui tradiderunt: Inspicimus etenim arterias cum venis in singulis partibus ita comparari, vt nequeat aliqua excitari feri iactura, cum vero duplum feri vehant arteriæ, quàm venæ reuehant, vt Seuerinus admonuit, quando Sanguis venas ingreditur non modicum feri extrauasabitur, ac ad fibrarum interstitia deponetur, quod nouo vasorum genere ad chyli receptaculum, si in partibus istud contingat inferioribus; si in superioribus ad thoracicum ductum, indè ad cor, semper à circumfèrentia ad centrum deducit, in fines pluries superiùs memoratos, & vt vltiori salum dissolutione, maiorem chyli portionum diuisionem, & nouam eidem, & perfectiorem mixtionem inducat.

Hæc sententia magis rationi congruit, quam existimantium lympham in partibus à sanguine generari, & superfluum esse coctionis serum, à quo liquor alius perfectior fuerit elicitus; siquidem eam aquæ copiam citò in partibus secedere omnino inueris-



mile censetur, & sanguis, qui è corde continuo motu æqualiter per arterias impellitur, antecedentem semper vrget, vt statim, & iugiter per venas, aut per alia vasa, si qua sint, redire debeat. Nec est probabile vapores in lympham condensari, cum talis in corporis partibus non reperiatur caloris differentia, quòd in vna fluidum in vapores attenuetur, in alia in aquam condensetur. Superfluas nutritionis particulas in lympham concurrere est sententia tamdiù in scholis à clarissimis auctoribus agitata, & examinata, ne hic nostro egeat deficiente voto; vnde satius est eam sicco pede præterire, sicut & Siluij opinionem, supra quam aliàs satis ratiocinabamur.

Lymphæ fontem sanguinem ipsum nos etiam cognoscimus, etsi ab allatis in pluribus recedamus arbitantes dictum non esse lymphæ generationis modum, nec talem eiusdem ab arterijs in lymphatica transitum. Sanguis cum ab arterijs in vasa lymphatica transit, propter horum diuersam capacitatem, & tunicarum resistantiam, colorem & consistentiam immutat, & lymphæ speciem nanciscitur; In huiusmodi vasorum transitu plures particulae diuiduntur, aliae restitant, aliaeque propter diuersum motum per varium tunicarum occursum, differen-

tem

tem situm, & ordinem acquirunt, quæ sufficiunt ad nouam texturam inferendam, vt alterius fluidi denominatio insurgat. Huic coniecturæ fauent Leeuuenhoekius, & Nuckius, quibus videtur primo omnia vasa vnum esse continuatum vas; secundo sanguinem non esse æquabilem, ac tenuem humorem, sed factum ex pellucidissimo humore mixto globulis maioribus, & minoribus, qui asserente Leeuuenhoekio, licet colorati non sint, tamen videntur; tertio sanguinem arteriarum cætero ferofiore esse; ex quibus deducimus facili negotio in lympham ipsum commutari.

Chymus per mesenterij glandulas ad vteriore particularum diuisionem, & subtilitatem traiectus, ac ad minima filtratus ad receptaculum circa renes ascendit, vbi copiosæ lymphæ commisceri diximus, vnde fluidior redditus per thoracicum ductum progreditur, in quem à subsequente chymo, pluribus valuulis, & diaphragmatis appendicum constrictione antèrè successiue vrgetur vsque ad sinistram subclauiam propè iugularem, quo loci valuula locatur regredientis fluidi motum impediens; demum ad venam cauam cum refluò sanguine descendit, vt necessaria huius dispendia, & quotidianæ expensæ instaurentur. Chymus

paulò post inalteratus circulatur, & magna ipsius copia in sanguine, aliquo tempore à pastu extracto, obseruatur; & Chymum in narium hæmorrhagia aliquando extillasse tradidit Louerrus.

Quomodo autem thoracicus ductus liquidum capere possit, quod tot lactææ venæ, & lymphatica vasa vehunt, non intelligitur; probabiliter tamen existimari posset velocius per thoracicum fluidum illud percurrere, quàm per lactæas, & lymphaticas, ideo etiam maiori quantitate, cum maior liquidi copia per aliquem canalem fluat, quò velocius mouetur; immò canales illi erunt in reciproca proportionem cum velocitatibus, vt eadem chyli copia per thoracicum fluere queat, quæ à lacteis admittebatur, iuxta principium illud hydrostaticum, quod *eadem copia fluidi per inæquales sectiones transiens facit velocitates sectionibus reciprocas*. Possent etiam plura minima vasa in vnum ductum coire, cuius cavitates longè maior, quàm in ipsis componeretur, vt propterea eadem liquidi copia, quæ per minima vasa fluit, per illum absque villo velocitatis augmento permearet.

Dum liquida huiusmodi mixtura in sanguinis sinu circulatur à volatilibus, & fugitiuis salibus, quibus sanguis abundat incoquitur,

quitur, præexistentes particulæ mutuas co-  
hæsiones deferendo nouas acquirunt, ac cum  
antecedentibus sanguinis particulis transpo-  
nuntur, inde nouo inducto situ, & ordine  
nouam præferunt texturam, & sanguinis  
nomine insigniuntur; Leeuuenhoekius enim  
obseruauit sanguinem in eius vasis confici,  
cum subtilissimæ alimentorum particulæ  
per continuatam stomachi, & intestinorum  
contritionem in aquosam materiam mutan-  
tur, & mittuntur in parua sanguinis vasa,  
vbi statim sunt sanguis. Particularum quæ-  
dam coagulantur in illas paruas particulas,  
quæ sextam cruoris globuli partem efficiunt,  
& horum sex iterum conglobati vnum ma-  
iorem globum constituunt.

Sanguis duas partes primo ostendit, vnā  
diceres consistentem, aliam fluidam, & se-  
rosam. Vtraque eadem principia in specie,  
& numero continet; licet quantitas singulis  
eadem non existat, minus enim olei, & salis  
serum possidet. Totum concretum, quod  
ferè ex æqualibus vtriusque portionibus re-  
sultat aqua grauius est; licet serum aquæ gra-  
uitati cedat.

Si sanguinis componentia perpendamus,  
ea sunt primò omnis generis salia, quibus  
præ cæteris hominis sanguis abundat, &  
salia huiusmodi sunt alkalia, lixiuialia,  
vrino-

vrinosa, non alkalia, volatilia, fixa præsertim de specie communis salis, & vitriolica, & hæc cum animalium substantiis summam ostendunt analogiam: secundo olea empyreumatica, & foetida, & olea sale, & spiritu non spoliuntur. Inter hæc miraberis oleum unum flauum, & aliud rubeum, quæ è sanguine elicita, tunc non amplius agitata, discrimine specificæ grauitatis, costanti, & permanenti mixtione, aut certa texturarum incongruitate sunt ad inuicem omnino immiscibilia; vnum aliud oleum, cuius vna pars phlegmati innatat, alia subsidet. Alij copiosum adderent spiritum, sed hunc à sale volatili non distinguimus, ita ut sal volatile spiritus in forma sicca, & spiritus sal volatilis phlegmate dilutus dici optimè possint; imò sal volatile aqua destillata solutus, destillatione exhibet spiritum, sanguinis spiritui omnino similem. Quamuis istud sal volatile inter alkalia vrinosa sit reponendum, soluit attamen illa, quæ ab acidis dissoluuntur. Quoniam talia corpora vnum fluidum perpetuo circulans componere debent ad nostram vitam sustinendam, ideo sanguini addita fuit non mediocris aquæ quantitas, quæ inter alia principia perflueret. Superest terra damnata, quæ dum calcinatur cineres dat rubros, qui



qui in plurimum salis, & reliquum terræ  
 refoluuntur. Sanguinis verò sales in exa-  
 gonas, & polygonas laminas disponuntur,  
 ac pectinis, aut plumarum instar utrinque  
 dentatas. Ex sero rubri cuiusdam mellis spe-  
 cies elicitur, è quo destillato ascendit ali-  
 quod alkali album, & certus spiritus, quem  
 phlegma igneæ substantiæ vnitum compo-  
 nit; & phlegma istud destillatione exhibet  
 alium spiritum, oleum, & salem.

Dum hæc inquiruntur, non modicum  
 cruoris substantiæ deperditur, vt dubitan-  
 dum sit, an in exacta componentium co-  
 gnitione aliquid certi obtineamus; etiamsi  
 quoad certas sanguinis affectiones statuen-  
 das non inutiliter in his procedatur. Pari-  
 ter difficile sanguinis examen reddunt plu-  
 ra alia principia, quæ sanguinem ingredi-  
 untur, in quorum cognitionem analysis  
 chymica nos non ducit, sed tantum certæ  
 observationes, & quidam emergentes ef-  
 fectus. Primò: Huiusmodi sunt semina,  
 illa, quæ tractu temporis in variolas erum-  
 punt. Secundò. Principia quibus nævi  
 materni, siue maculæ amentiae secundum  
 Helmontium statis temporibus florent, &  
 vegetant. Tertiò. Elementa contagiosa,  
 quæ semel in hominem introducta, nunquam  
 dissipantur, sed talem inferunt dispositionem,

ut qualibet levi occasione eodem morbo corripitur ; id in Fabricio Hildano legimus , qui adhuc iuuenis carbunculo laborans , quotiescunque domum intraret infectam , & carbunculus iterum vigebat ; quod Robertus Boyle etiam obseruauit. *Tunc tamen cum incidunt in homines peculiaris alicuius temperamenti , qui peste quondam correpti , singularem quandam dispositionem nacti sint , qui pestiferorum effluuiorum operationibus facit obnoxios* suspicion. cosmic. circa rem qualit. Huc spectant principia illa , quæ hoc anno in singulis ferè morbis recidivas pariunt , cum sanguinis eum seruent characterem , qui minima aeris , seu alterius externi agentis actiuitate in morbosam diathesim recurrit. Nisi etiam excogitemus aeri tales inesse particulas , quæ naturalem sanguinis principiorum ordinem , nondum roboratum , in præternaturalem mutare possint : quem morbosum effectum etiam parere posse credendum certas sanguinis , & aeris principiorum respectiuitates , licèt in utroque morbosa constitutio non præexiterit. Quartò. Nonnulla effluuia , quæ mirabiles in nobis pariunt sympathiæ effectus , quorum causam inquirens P. Scotus ait : *Causam Sympathia oriri plerumque ex emissionem tenuiorum quarundam exhalationum , quas diffundi*

diffundi à multis corporibus certum est. P. Sco-  
 us Mag. Sympath. part. 4. lib. 4. Et si quis  
 intelligere velit mirabiles sympathiæ effe-  
 ctus, qui omnem captum excedunt. Tullius  
 de diuinatione lib. I. scripsit: Cum duo qui-  
 dam Arcades admodum familiares unà iter fa-  
 cerent, & Megaram venissent, alterum ad cau-  
 ponem diuertisse, ad hospitem alterum, qui ut  
 anati quiescerent concubia nocte visum esse in  
 somnis ei, qui erat in hospitio illum alterum o-  
 rare, ut subueniret, quod sibi à caupone inte-  
 ritus pararetur. Eum primò perterritum so-  
 mnio surrexisse, deindè cum se collegisset, idquè  
 visum pronihilo habendum esse duxisset, recu-  
 buisse. Tum ei dormienti eundem illum visum  
 esse rogare, ut quoniam sibi viuo non subuenisset,  
 mortem suam ne inultam pateretur, se interfe-  
 ctum in plaustrum à caupone esse coniectum,  
 & supra stercus iniectum, petere, ut mane ad  
 portam adesset, priusquam plaustrum ex oppido  
 exiret. Hoc vero somnio commotum manè  
 cum bubulco præsto ad portam fuisse, quasisset  
 ex eo, quid esset in plastro, illum perterri-  
 tum fugisse, mortuum erutum esse, cauponem  
 re patefacta pœnas dedisse. Simile quid habet  
 Cardanus in lib. prop. pag. 5. asserens se in-  
 terius monitum persensisse, quando eius  
 filius, in carcere constitutus, proprium cri-  
 men fatebatur, scilicet vxorem veneno adul-  
 teram

teram interfecisse; fides tamen stet penes Auctores. Id profecto certum est effluvia è sanguine vnius animalis in aerem exeuntia, posse in aliud mille motiones parere, cum intrà idem fluidum tanquam in communi balneo immergantur, vt scripsit P. Lana: *Ut proindè dici possit aerem, quo corpora singula ambiuntur, esse veluti liquorem aliquem, in quo fiat similis omnium corporum infusio, & quo mediante longè delicatiores, & subtiliores tintura, seu spiritus puriores à corporibus omnibus eliciantur à natura chymicam, vt ità dicam, exercente*, Tom. 2. lib. 2. cap. 1.

Incertum iudicium facit sanguinis in diuersis indiuiduis differentia, imo eiùdem varijs temporibus spectati; sanguinem enim mutari ostendunt varia corporis temperamenta, varius genius, varij mores, diuersa faciei lineamenta, diuersa nutritio, quæ sequentibus temporibus longè alia sunt, quàm ab initio fuerint: vt prætereamus illa animalia, quorum cruorem natura peculiari caractere insigniuit, puta Torpedinem, quæ frigidissimo sanguine prædita, manus etiam piscatoris distantes obstupefacit; & Scaliger exercit. 186. narrat certis araneis sanguinem ità venenatum esse, vt calcata per calceorum soleas cuiusdam transmiserint venenum. Sanguinis differentias in pluribus animalibus mani-

manifestant diuersæ transpirantes exhalationes, quarum ope in illorum singulorum cognitionem alia bruta ire, quotidie experimur; quare venatici canes aprum à lepore distinguunt, dominum à seruo, vnum hominem ab alio, & rem ipsam, quam aliquis homo tetigerit, si Vallemontio credimus cap. 8. id scribenti. Vnde colligimus, nisi cuiuslibet indiuidui sanguis nobis præstò sit, non eius componentibus, & crasi aliquid certi non esse eruturos.

In sanguine extracto per infusionem diuersorum corporum plura experimenta tentata sunt. Sero sanguinis potentissimum alkali imposuerunt, oleum tartari scilicet per deliquium paratum, spiritum vini re-ctificatum, solutionem sublimati, & alia, quæ acidorum classi adscribuntur, & idem tunc coagulari obseruauerunt. Secundò. Immiserunt spiritum nitri, spiritum sanguinis, & varias concretiones, ac salium species notarunt produci, ex quibus deduxerunt, si chylum huiusmodi particularum mixtione attemperarent posse sanguinem à non nullis vitijs restituere.

Sed haud rectè inferunt, quia etiam si chylus assignatis constaret corporibus, eadem in sanguine non procrearet producta, cum sit inter ytrumque alia partium respectiuitas



in corpore, quam extrà corpus. Sanorum sanguinem, ab infirmorum sanguine, in quo periclitamur, differte principijs textura, & alijs, experientia clarior meridiana luce demonstrat. Ratio experientiam semper opus est vt dirigat, si rationem ipsam experientia tutam reddere debet. Perpendenda quidem est materia, in quam energetica ista agentia operantur, siquidem pro eius diuersitate oppositi emergunt effectus; certa enim mixta à spiritu coagulantur, alia dissoluuntur, & alia nec coagulantur, nec dissoluuntur, & alia in proprijs particulis parùm diuelluntur: vini spiritus sanguinis oleum magis dissoluit, & eiusdem serum spiritus salis armoniaci, sed an oleum, & serum sint eodem modo in nobis constituta, & mixta, vti sunt illa, quæ nostris experimentis subiiciuntur, valde dubitamus. Soluit certè sanguinis spiritus chalybis limaturam, cuprum, cruoris grumum, & alia concreta, sed in animalibus alijs principijs impeditus eundem effectum non valebit præstare. Hac ratione ijs non fidimus, qui tradiderunt, ad sanguinem conservandum vini spiritum exhibendum esse, quia cruoris serum per plures annos, in vitro repositum, à corruptione defenderit: nec fidimus salis armoniaci tincturam ad spiritum

Spiritum in homine reparandum, & sanguinis spiritum ad hunc à coagulo vindicandum præscribentibus, nisi illius determinati individuui, cuius valetudini adlaboramus, peculiare conditiones, & potissimum primarum viarum liquidorum naturam sedulo æstimaauerint. Quis solaribus radijs ægrota-tem exponeret? & tamen Boyleus notauit sanguinem diù soli expositum fuisse putredine immunem.

Multa sanguinem calefaciunt extractum, & quædam alia eundem cum insigni agitatione, & particularum tumultu refrigerant: primi generis sunt spiritus nitri, oleum vitrioli cum oleo sanguinis, & eiusdem sale: alterius autem acetum, omphacion, limonium succus cum sale sanguinis volatili, spiritus æruginis cum sale volatili urinæ, aqua stillata, dum spiritum, seu volatilem sanguinis salem soluit, & acetum peculiari modo à Boyle paratum, quod frigiditatem glaciem producentem sanguini infert. Ast hæc easdem patiuntur censuras.

Similia illis fortasse imposuerunt, qui flammulam in sanguine ardentem admiserunt, quia sanguinem exsiccatum in carbonem, aut accensam candelam iniectum viderunt in flammam abire; ideo Byolychnium, seu Lampadem vitæ fieri docent, in

qua ità sanguis fingitur præparatus, vt eius, cuius erat, licèt procul diffiti valetudo, ex ipso modo, quo flamma, quam emittit ardet, possit detegi, sicuti mors ex flammæ extinctione. Imposuerunt itidem illis, qui ab humore aliquando ad sensum acido, sanguinem acidum deduxerunt, qui si talis esset, alkalicis, quibus semper copiosè refertur, corrigeretur, nisi acida fluidorum constitutio prius in ventriculo perierit, vt notauit Leeuwenhoekius; in stomacho venena eadem vim deleteriam amittunt. Boyleus edocuit, in animalium liquidis aliud acidum non reperiri, nisi illud succi pancreatis. Et acida iugularibus infusa magnas mutationes in sanguine, & hominis necem efficientia, non euincunt, similem cruoris diathesim ab alimentis, aut alio generari, quæ hosce morbos producat. Primò. Aquam gelidam mortem inferre experimur, si in venis infusam; attamen si in morbis largam eius copiam potemus, salutare nostris visceribus refrigerium conciliat. Secundò. Acida quotidie, etiam in morbis, quos acidæ sanguinis conditioni tribuunt, ingerimus; nec morbos in perniciosum exitum ruere videmus, vti contingeret, siquidem morbofo fomiti aliud pabulum adderemus. Demum imposuerunt illis, qui vermes in sanguine

sanguine extracto inspicientes, sanguinem  
circulantem eorum domicilium cogitaue-  
runt, vt Leeuuenhoekio, & alijs, qui ver-  
mes affirmant vidisse, veluti tot radios circa  
proprium axem globulos rubeos mouentes;  
his refragantur Boylei obseruationes asse-  
rentis, sanguinis serum diù sine vermibus  
seruari, nec hos vinqum reperiri, nisi vbi  
oua deposuerint insecta.

Cui porrò color ille coccineus, qui in  
sanguine hominis obseruatur, debeatur, res  
est scitu difficilis; licèt sanguinis oleum  
sua tinctura rubescat; licèt dentur plures  
tincturæ, v. g. mixtura salis marini cum san-  
guinis spiritu; licèt nitri spiritus oleum in  
sanguinis spiritu absconditum separet, &  
coccineam tincturam producat, è quibus  
quæsitum cruoris colorem nonnulli deri-  
uant. Quamuis sanguinis spiritus propter  
particularum tenuitatem magnam sangui-  
nis copiam, quingenties se ipso maiorem,  
impurpurare possit, & huic cogitato Bohn.  
auctoritas faueat scribentis, rubras particu-  
las gelatinam intercurrentes esse tantum  
duodecimam sanguinis partem; attamen  
adhuc res est incerta. Nos arbitramur ad  
hunc colorem efficiendum requiri plu-  
res globulos plano-ouales certam textu-  
ram componentes, & in quadam agitatione

ab aeris accessu derentos : hinc fit quòd aeris contactu huiusmodi colorem Sanguis acquirat, quo deficiente ipsum amittat.

Vtique rubicunda cruoris massa ex plano-qualibus globulis constat, qui post extravasationem motu vitali destituti, pondere suo subsident, & summitas aeri exposita, quia globuli minus comprimuntur, & figuram suam naturalem retinent, lucis radijs aditum non interrumpit, & reflexiones, ac refractiones pro isto colore admittit; Globuli autem, qui huic strato subiacent, vndique compressi, lucis radios magis excludunt, maiorem radiorum copiam absorbent, quàm transmittant; ideo rutilum cruoris splendorem umbrâ quadam repræsentant; hac ratione si nigricantes sanguinis guttulas in minutissimas moleculas tritura-veris, rubicundum eidem colorem restitues, quatenus plures eius globuli aeri lucido exponuntur; hac ratione sanguis exiguo tubulo exceptus ubique in summitate, & in fundo fulgidam retinet rubedinem, nam pellucidorum globulorum cumulus minus comprimitur, adeoque parùm, aut nihil umbrofi producitur; si vero globuli subsidere permittantur in tubulis, nigricantem rubedinem ex eorundem vnione paulatim, & successiue acquirunt.



Isti autem plano-ouales globuli, à quibus sanguinis rubedo resultat, si seorsim spectentur, omni destituuntur rubedine, cum vero duo, tres, quatuor, &c. secundum eorum superficies vniuntur, color rubeus emergit, & eò intensior, quò plures successiue vniuntur; Quapropter cum in pennatorum musculis, & aliorum animalium cerebro vasa exilissima sint, globulos valdè diuidunt, vnde ibidem sanguis omnem rubedinem perdit. Huc facit quod Leeuuenhoekius obseruauit, scilicet vasa cerebri tantæ exilitatis esse, vt necesse sit diuidere vnum globulum sanguinis plano-oualem in sexaginta quatuor partes, ne dictorum vasorum diametrum excedat; eâdem de causa in oui colliquamento, licet singulæ cruoris proprietates appareant, color tantùm propter vasorum paruitatem, particulas nimis separantem, desideratur. Demùm si manu, aut baculo sanguis nigricans agitetur, inducta globulorum diuisione, color coccineus ipsi restituitur.

Non omnia tamen animalia rubicundo sanguine gaudent; alia etenim viridi, alia nigro, alia albo, alia alterius coloris sunt prædita, & Plinius nat. hist. lib. 11. c. 3. id notauit: *Vt sepia in Mari sanguinis vicem atramentum obtinet; Purpurarum generi insector*

ille succus ; sic & insectis quisquis est vitalis humor, hic erit & sanguis.

---

## CAPVT QVARTVM.

*De Sanguinis motibus, & mutationibus in alia fluida.*

**V**Aletudo, morbus, & vita ipsa sanguinis motibus omninò respondent, qui si secundum naturæ leges fiant, sanguis humanum corpus aptum immortalis animæ domicilium reddit ; sin minus, in carcerem infaustum, aut exanimum cadauer conuertit : quare hoc sensu sanguinem totum hominem arbitramur ab Hipp. dici sect. 3. de natura hominis : Qui vero vnum esse hominum asserunt, ij mihi in hanc opinionem venisse videntur, quod ex ijs, qui epotis medicamentis, per nimias purgationes interiissent, hos quidem bilem, illos pituitam euomere conspicati, horum vnum quodque hominem esse existimarunt, in cuius purgatione eum morientem viderunt. Eadem etiam ratione nituntur, qui sanguinem esse hominem asseuerant, cùm iugulatis hominibus manantem è corpore sanguinem conspicati, eum hominis animum esse existimant. Imò præcipuam hominis proprieta-

prietatem, discursum scilicet, sanguinis motus dirigere, multa inferius recensenda suadent, & Hipp. etiam monuit lib. 2. de morbis sect. 5. Sanguis, qui in homine existit magnam partem ad prudentiam confert, ut quidam vero dicunt, totam. Vbi igitur bilis commota venas, & sanguinem subierit ex solita compage, & motione sanguinem dimouet, & sero diluit, & percalescit: Qui percalescens totum etiam reliquum corpus calefacit, & homini mens alienatur, neque apud se est, propter febris copiam, & sanguinis non consuetam dilutionem, & agitationem.

Motum sanguis à corde recipit, quod Anthliæ vices gerens eum validissima constrictione in arterias impellit; propterea muscularem, & energeticam obtinuit structuram; eius etenim spirales fibræ, quæ mutuò circumuoluuntur, plures ordines, & strata componunt, quæ in solidissimam carnis substantiam abeunt, ut ad sanguinis expressionem validius contrahantur, qui tantâ obstat resistantia, ne talis cordis constrictionis virtus ad eum exprimendum adhuc omninò sufficiat, nisi alteri validiori potentia, vi scilicet percussione coniungatur, quâ liquidorum cunei intrâ cordis filamenta se insinuantes istud viscus fortius constringunt, quod ita roboratum tunc

sanguinem in arterias vrgeret valet, & magna arteriarum, instar tot fasciarum resistentium, impedimenta superare. Cor alternè constringitur, alternè dilatatur; constrictio systole, & dilatatio diastole dicitur; quæ tamen circa pectus cordis vibratio persentitur, eius est systole. Egreditur sanguis è cordis thalamis in systole, & in diastole per arterias excurrit: in systole iterum regreditur per venas, vnde arteriarum systole, & diastole ab alterna cordis constrictione, & dilatatione sanguinem alternè in arterias impellentis proueniunt. Qualibet cordis pulsatione aut integra sanguinis massa, quæ extra ipsum mittitur, aut aliqua eius portio extrà arterias vrgetur; egredientis autem singulis vicibus sanguinis quantitas à nonnullis tres uncias, ab alijs plures, pauciores ab alijs adæquare censetur.

Vim insignem patitur sanguis à ventriculorum compressione, quæ æqualis est eidem virtuti, quâ sanguis alium sanguinem, emboli instar, in arterias impellit, quæ vis pellens, cum valdè hîc inferior sit potentia, quæ exigitur ad alium sanguinem anteriùs adigendum, ideo alterius energiæ subsidio indiget, quod præstant minimi sanguinis particularum cunei, qui intra fibrarum, arterias ambientium; poros impetu se in-

sinuan-

nuantes, illas contrahunt, & arterias  
 onstringunt: vnde momentum resultat,  
 quo sanguis sanguinem alium contrudit,  
 quale momento, quo cor fluidum idem  
 exprimit.

Sanguini cor motum imprimit; & ad  
 alem efficientiam etiam à sanguine ipso pro-  
 mouetur, dum proprio pondere, aut alia  
 ius qualitate ad contractionem exterius  
 lud sollicitat. Motus iste magno veloci-  
 atis momento excitatur, licet idem mo-  
 mentum per arterias non perseueret, sed tan-  
 um eius excessus suprà resistentias, quas  
 arterijs reperit. Velocitas ista ea propor-  
 one, qua sanguis à corde recedit, sensim  
 nervatur, & in minimis omnino debilis est  
 apillaribus; vnde primo impellenti semper  
 nouum obstaculum apponitur, & eius vir-  
 uti detrahitur, vt tandem inter hæc duo  
 nouens, & mobile, cor scilicet, & sangui-  
 nem veluti æquilibrium constituatur; in-  
 ereà remoratus sanguis arteriam dilatat,  
 quæ proprijs fibris violentissimè constringi-  
 tur, & cordis munus renouans vsquè ad  
 extremos fines, quasi cor illuc protrahere-  
 tur, sanguinis motum continuat. Arteriæ  
 motibus, cordis motibus exactè respon-  
 dentibus, alternè dilatantur, alternè con-  
 stringuntur, ac diastole, & systole tam  
 cordis,



cordis , quàm arteriarum synchronicæ statuuntur. Porro cum arteriæ non distrahantur , nisi eo temporis interuallo , quo sanguis immissus intrà easdem continetur , mox instar arcus introrsum tota earum serie , eodem temporis interuallo restituantur , cessante tunc sanguinis nisu quaquaversum per totam arteriarum longitudinem , sequitur distensionis tempus breuissimum esse , cum tale sufficiat , vt moles æqualis sanguini nouiter aduenienti ex summis arterijs in summas venas deriuetur.

A nonnullis censetur , maiorem sanguinis copiam à corde intrà arterias exprimi , quàm quæ ad ipsas replendas sufficiat secundum omnimodam earum dilatationem ; si hoc verum est , necessario ex eis euacuari deberet excessus supra eam quantitatem , quæ spatium dilatabile implere potest : & si arteriæ ab eadem potentia repletæ tantam sanguinis quantitatem eiecerint , concidant , & remaneant æquè moles , at eiusdem magnitudinis , ac priùs , non nisi ab exterioribus comprimimentibus , aut constringentibus , qualia sunt superposita viscera , & ambientes fibræ , euacuabuntur. Si vasa solida forent , veluti sunt illa , quæ per ossium cauitates excurrunt , atque à corde , aut valvulis , quæ emboli vices gerunt , noua

oua fluida immitterentur , exirent ab eorum oscillis moles ijs æquales , quæ fuerunt immiffæ. Si vafa molia , & dilatabilia effent , nec tamen vim fe reſtringendi poſſiderent , qualia à nonnullis cenſentur venæ lacteæ , & vafa lymphatica , ac liquidis implerentur , & organo embolo ſimili nova liquidi moles adderetur , quæ ſufficeret ad replendam totius vafis dilationem , extruderetur liquidum poſtremò infuſum , ſed tardiffimo motu à vaſorum foraminibus.

Sanguinis particulæ in modum alicujus fluminis in arterijs ſe diſponunt , ità ſibi inuicem aptè reſpondent , vt certam vibrationem inſtar tot ſolidarum virgarum recipiant , quæ puncto temporis ab vno extremo ad aliud propagatur , nec ſolum id contingit ſanguini , qui vſque ad circumferentiam mouetur , ſed quia motus iſtè ab alio à circumferentia ad centrum excipitur , ideo vibratio per totum circulum communicatur eodem tempore , quo cor primas ſanguinis particulas impellit ; itaque in tali motus communicatione ſingulæ particularum ſeries conſiderari poſſunt veluti minimæ arteriolæ ſanguine repletæ , & plures huiusmodi ſeries veluti totidem majores : & forſan non incongruè , cum in quibuſdam inſe-

infectis vasa tam minima habeantur, vt minùs distet vna sanguinis globulorum series secundum longitudinem considerata à sanguine in vno vasorum minimo contento quam sanguis idem in capillari vase vnius magni animalis contentus, ab eo quem vas aliquod maius capit. Assignatus autem à corde impressus impetus, qui primis sanguinis particulis in truncis communicatur, successiue per reliquum sanguinem in ramis, & propaginibus iuxta diuersas earum diuisiones per vniuersam earum seriem propagatur.

Quoniam verò sanguis continuò à centro ad peripheriam, & à peripheria ad centrum mouetur, ideo à Medicis præter arterias aliud additur vasorum genus, in quibus sanguis naturaliter ad centrum reuehatur, quod genus venosum appellant. Arterias tamen, & venas idem esse continuatum vas tradidit Leeuuenhoekius, qui illarum tunicas censuit ità esse constitutas, vt nullis, vel minimis sanguinis portionibus transitum præbeant, nisi eæ in tantæ tenuitatis ramos sint diffusæ, quod ternis tantùm globulis sint peruiæ, vbi ob tunicæ tenuitatem tenues cruoris particulæ vndiquè per minimos tunicarum meatus ad vicinarum partium alimentum protruduntur. Nec no-  
bis

is placet, arterias, & venas intrrà duo di-  
 tincta genera locandas esse: non enim arte-  
 riæ solum ad partes vehunt, sed etiam venæ  
 psæ, vti videre est in vena porta, quæ per  
 totam epatis substantiam sanguinem diffun-  
 dit. Quamuis sanguis, & arteriarum tuni-  
 cæ à sanguine, & venarum tunicis aliquam  
 exhibeant differentiam, id non ex naturæ  
 præscripto fieri arbitramur, non tale discri-  
 men in diuersis animalibus v. g. Phocena  
 Castore, Erinaceis Siamensibus, alijs pluri-  
 bus piscibus, & insectis non obseruatur. Si  
 in homine arteriarum sanguis magis cocci-  
 neus est, id sequi probabiliter censemus,  
 quia validiorem à corde recipit impulsum,  
 hinc magis dissolui, unde color coccineus,  
 & consistentia serosior: propterea in mini-  
 nis arterijs, quia à tali impulsu multum re-  
 cedit inde, dictas conditiones valdè deper-  
 dit. Validior impulsus crassiores, & solidio-  
 res arteriarum tunicas etiam producere po-  
 test, ac multiplicatis percussione ietibus lon-  
 gè diuersam structuram, præsertim circà cen-  
 trum eisdem comparare. Hic dubitari pos-  
 set, an ad determinandam venarum diame-  
 trum aliquid faciat sanguinem in arterijs ve-  
 locius fluere ijs velocitatis gradibus, qui-  
 bus eam habent proportionem cum gradibus  
 velocitatis sanguinis per venas circulantis,  
 quam

quàm habet amplitudo venarum ad amplitudinem arteriarum; eadem enim fluidi copia non est, quæ per vtrumque vasorum genus circulatur; imminuitur primò, cum fluit in nutritione, dum per arteriarum tunicas postquàm certam diuisionem subierit, transiens, in partibus nutriendis intercipitur; secundò quia innumeræ particulæ per transpirationem secedunt, vt notauit Pater Mal-lebranchius: *Humores per arteriarum poros plus, quàm per ceteras partes transpirant*: de Verit. in qui. lib. 2. cap. 3.

Postquam de sanguinis motu, & eius specifica velocitate egerimus, ad velocitatis differentias in vasis exquirendas accedimus. Vasa è truncis in ramos diuiduntur, qui iterum in alios subdiuiduntur, atque iterum in minimas vsque, & capillares propagines; trunci ad vnam distantiam ramos vnius magnitudinis emittunt, ad aliam alios alterius, & alterius ad aliam; iuxta verò has diuisiones, & secundum quòd rami maiores, aut minores emittuntur, determinantur certis inuariatis legibus liquidorum velocitates, & velocitatibus istis omnes debemus separationes, mixtiones, concoctiones &c. Hæc annuit celeberrimus Spoletus, qui in Tract. de Secret. Bilis, vbi separationum doctrinam sapientissimè agit, &

pluri-



pluribus mechanicis propositionibus illustrat, scripsit separationes non fieri sola crioratione, sed particulas ope mechanicæ dissolui. Imò pro varia animalium constitutione differunt vasa ratione perimetri, & longitudinis, & propter hoc variam recipiunt fluidi quantitatem, quod proportionata velocitate excurrit, è quibus eorum temperamenta, actiones nunc vegetæ nunc segnior, animi mores, & mille alia dependent. Ex jam dictis patet quàm inutiles sint illationes ab ijs, quæ in vno observantur, ad id, quod in alio sequuturum est: Cum singula erè animalia vasa sortiantur, fluidorum copiam, & velocitatem propriæ conditioni respondententes, quæ varijs ætatibus, temporibus, & morbis differunt.

Ad sanguinis velocitatem immutandam non modicum conducit distantia ab eo principio, vndè fluidum primum motum recepit. Porro certum est illam propter resistentiam occursum semper imminui; si duo dentur vasa, quorum vnum altero magis ab impellente principio distet, liquidum velocitas maior in huius, quàm in illius fine apparebit. Nam quando sanguis in eodem statu permanet, æqualis copia æquali velocitate per omnes illius sectiones fluit, & ex aduerso si talis status varietur, sicuti

nunc contingit ratione recepti impetus, copia, aut velocitas ibidem mutari debet. Vltterius si per vas, quod alteri respondet, Sanguis copiosius, & velocius fluit, per alterum parcius, & lentius perfluit, idque sequitur, siue perpendiculariter, siue orizontaliter vasa inuicem communicent: & eò facilius, si velocius excurrans humor aliquod medium minus resistens permearet, veluti dum in aerem liberum efflueret, in quem liquida semper maiori transeunt velocitate, quò antea copiosius, & velocius per vasa circula-  
labantur: & è contrà.

Si quæ vnquam in animalibus fluidorum motus determinant, & certum immutant statum, sunt externa siue comprimentia, siue resistentia, v. g. quando vasorum aliquod ossibus superextenditur, motus qui versus os propagari nequit, certam fluido velocitatis conditionem tribuit, ad quas conditiones determinandas alia vasa valido viscerum pondere premuntur, alia in profundo densissimæ, & ingenti muscutorum moli substernuntur, alia tantum leuissimis sub externis propagantur integumentis, quæ dum ab ijs, quæ animalia exterius ambiunt vario modo, pro diuersa premuntur constitutione, contenta fluida in varios ducunt characteres; vti cum perpen-  
diculare

diculare momentum eorum, quæ vasis circumponuntur, pulmonum ductibus præsertim contrahitur, (eadem pone externam superficiem circumducuntur) lymphæ, chylo, & sanguini contento motum stabilit ad aliquarum particularum mixtionem, & ad alias in libertatem exerendas.

Ista exterius ambientia siue aer purus, siue pluribus diuersarum specierum particulis immixtus, siue aqua, siue aliud fluidum quodcunque effluuia, quæ iugiter ab animalium circumferentia ad plures libras effluunt, contrario nisu eorum naturali curui intro reflectunt, sic duobus his contrarijs motibus ab inuicem dissoluuntur, ac dissoluta vndatim regrediuntur vsque ad humores, quibus talem dissolutionem communicant, & præexistentem liquidorum immutant diathesim. Insuper sanguis in fluida inspirata incurrens, ita à proprio ordine dimoueri potest, vt insignem patiatur alterationem, etiamsi de inspirati corporis substantia quidquam non absorbeat.

Quando addito chylo, aut lymphæ sanguis augetur, quantitas sanguinis fluentis ad quantitatem pristinam habet compositam rationem ex ratione velocitatis, & sanguinis intumescentiæ.

Si duæ arteriarum propagines æquali tem-

pore æqualem sanguinem tribuant, crit reciprochè vt sectio ad sectionem, ità velocitas ad velocitatem: Ità sanguis fluens per vnā sectionem ad sanguinem fluentem per aliam v. g. in emulgentibus, est in ratione composita ex rationibus sectionis ad sectionem, & velocitatis ad velocitatem.

Sanguis sæpè intumescit non solum ab intestina diuersarum particularum agitatione, sed etiam ab impedita eius naturali velocitate, siquidem materia in aliqua parte stagnans externa aliqua compressio, aut &c. quæ naturalem eius cursum turbant, tumidum reddunt cruoris amnem, quā fit, vt in animalis œconomix functionibus mille peruersiones sequantur.

Quam digitis sentimus repulsionem ab arterijs productam, pulsum dicimus, qui ac valetudinem, & morbum exquirenda tantum est momenti. Repulsionem à certo sanguinis motu arteriarum tunicas dilatante fieri superiùs diximus, qui prout diuersus est plures efficit pulsum differentias: & diuersum reddunt potissimum varia cordis contractio, sanguinis copia, & qualitas, vasorum amplitudo, & soliditas, & aliæ conditiones, quæ cuiuslibet individui ætatem, & temperamentum sequuntur.

Quippe dum cor sanguinem in arterias impellit,

mpellit, si b'reui temporis interuallo constri-  
atur, pulsus causabit frequentem, vti ex  
pposito rarum, si longiori interuallo con-  
ahatur; si maior, aut minor sanguinis co-  
ia ad cerebrum attingat, corticem validè,  
ut languidè premit, è quibus plures, aut  
auciores spiritus in cor exprimuntur, qui  
requentes, aut raras cordis contractiones  
xcitantes, frequentem, aut rarum pulsus  
roducunt; nisi etiam contingeret, san-  
guinem singulis cordis contractionibus in  
ordis thalamos non immitti ab aliqua eius-  
dem quiete, coagulatione, pulmonum ob-  
structione &c.: aut liquidi per nervos cur-  
sus, aut per coronarias impediri, quia tunc  
pulsus raritas adhuc obseruabitur. A valido  
ordis motu sanguinem itidem in arterias  
ogentis validus pulsus, & à debili debilis  
nsurgit: à maiori, aut minori sanguinis  
opia in arterias effluentis magnus fit, aut  
arus; si verò cordis momentum sangui-  
is copiae respondeat, plenus est cum vali-  
o, sin minùs, debili coniungitur, tardus  
ndè ab impedito cruoris transitu, & visci-  
iore eiusdem diathesi: celer è contra à libe-  
lore, & fluidiore sanguinis cursu enascitur;  
urus, & molis arteriae structuram respi-  
iunt. Nisi eiusdem gradus, & inter æqualia  
temporis interualla sint pulsationes, pulsus



producuntur inæquales, qui prout successiue decreſcunt, æqualiter inæquales; si autem neque interualli, neque ictuum aliquem seruent ordinem, inæqualiter inæquales dicuntur. Quando capillares arteriæ obstruuntur, statim ac circulans liquidum ad materiam stagnantem peruenit, reflectitur, per reflexionem porro, & succedentis sanguinis extrusionem in non obstructos canales fit pulsus, & repulsus, scilicet pulsus bis feriens: siquidem sanguis è corde in arterias fluens primam pulsationem facit, vt secundam sanguis idem, qui è summis venis reflectitur, quod videmus in fluctibus, quos profluens aqua in flumine attollit, dum in saxum incurrit; Sanguinem enim coagulari in vasis obseruauit Leeuenhoeckius, *qui in Arcanis natura detectis ait*, in pluribus locis se vidisse eundem fixatum, & inter coagulatas portiones serum pellucidum, quod agitabatur, & excurrentis sanguinis riuulum. Vnde concludimus, præcipuis pulsum differentijs conducere diuersam sanguinis mensuram è cordis ventriculis egredientis, & per arterias circulantis, cui mensuræ parandæ seruiunt motus cordis momentum, traijcientis emissarij diuersitas, ac interualli temporis, quo hæc mensura egredietur.

Quia

Quia autem fluidum in venis è loco angustiori ad ampliorem permeat, veluti à vertice alicuius coni ad eius basim, ideò absque tunicarum extensione dilatari potest, vnde in illis pulsus non observatur: sicuti nec in lacteis, & lymphaticis, quorum tunicas fluida in maius spatium nequeunt adigere propter lentissimum eorundem motum.

Pulsus necessitatem quantitati contenti, & excurrentis fluidi, & vasorum continentium improporioni deberi, aliqui arbitrantur, qui cum cordis thalamos appensis arterijs ampliores censeant, si, vtrisque sanguine repletis, cor sanguinem in arterias impellat, quia in his contineri non potest, & fluidum est, quod nullam patitur compressionem, & quaquaversum nititur, necessario distrahibiles arteriarum tunicas extrorsum vrgebit, & illam causabit vibrationem, quæ potentiaë sentienti applicita pulsus dicitur; tunc verò quia arteriarum tunicæ ab inuicem diducuntur, magnum sanguineis partibus parant spatium, quarum exteriores à cæteris parum diuulsæ ad idem replendum vtrinque obliquantur, dum quæ in medio sunt in eodem contactu persistentes, velociùs, & rectà excurrunt vsque ad extremas corporis partes eodem temporis puncto, quo cor ipsum constringitur.

Talem arteriarum dilatationem, & contractionem naturam instituisse credimus, vt continuam sanguinis circulationem redderet, alioquin alternæ eius è corde protrusiones interruptum cursum redderent. Huic fauent nuperrimæ Leeuwenhoekij obseruationes, qui in pluribus animalibus, cum sanguinis circulationem intueretur, primò asserit, licèt fluidum istud assidue, non æquabiliter tamen è corde moueri, sed citissimis protrusionibus, vt vix incipiat cursus retardari, quin de nouo repentina fiat alterius protrusionis eleuatio, & inde toties à corde sanguinem eodem modo propelli: secundò alteram arteriarum tunicam paulò tenaciorem esse, & tenacitatem ad extensionem, & contractionem comparari. Quoties sanguis è corde in arterias immittitur, toties arteriæ dilatantur, & tunc arteriæ tunicas valdè extendentes per totum pulsum efficiunt, indè debent contrahi, quæ contractio ad alternam sanguinis facit protrusionem, quæ sanguinis cursum non interrupt, quousquè is in vasa veniat, quas venas dicimus: oppositum in venis sequitur, nam vena sanguinem in ea contentum in cor effundere debet, & tunc in ea exeuntis fluidi defectus non suppletur, ideò multum constringitur, & in hunc

hunc finem omnes partes, ex quibus venarum tunicae sunt confectae, iuxta earum tendunt rotunditatem.

Sanguinis circulationis tempus metiti sunt Harueus, Louer, Bartholinus, Leeuwenhoekius, & alij, sed cum dentur eius portiones, quae per determinata vasa circulantur, puta coronarias, intercostales, &c. pluriès ad centrum redeunt, antequam portiones aliae, v. g. quae per iliacas, & crurales fluunt, semel eandem metam attingant, hinc est, quod istud vix determinari potest, nisi dicamus eam sanguinis quantitatem, quâ vnum animal praeditum esse conijcimus, toties vna hora, vno die, &c. ad eundem terminum recurrere; idque obtinebitur, si arteriarum sectiones, & sanguinis à corde exeuntis velocitates sub oculos subiiciemus; cum velocitates ad tempus, & spatium referantur, utique nota sanguinis velocitate, necesse est spatium innotescere, & tempus, quo id ipsum à sanguine percurritur: nota autem sectione facile sanguinis quantitas determinabitur, quae dato tempore à corde effluit, & consequenter totum illud tempus, quod exigitur, ut ea sanguinis quantitas per cor transeat, quae toti humorum massae aequalis sit.

Nunc accedamus ad itinera, quae describunt

H s

circu-

circulantes humores. E vena caua in dextram cordis auriculam fluunt, hinc in dextrum eius ventriculum, è quo facta cordis systole per venam arteriosam in pulmones, vbi veluti prælo comprimuntur intrà vasorum retia, & vsque ad minima diuiduntur. Pulmonum ope veluti naturæ cribro ex aere spiritum, siue puriorem eius portionem eliciunt, quæ irrequieta in fluidis sit metipsis actionum principium, & ea deficiente statim veluti fulmine percussum perit animal. Empedocles ipse hunc vsum agnouisse videtur, dum asseuerat animam perpetuò generari; nos tamen immediatum animæ instrumentum intelligimus. Regrediuntur liquida per venosam arteriam in sinistram auriculam, hinc in sinistrum ventriculum; interea per arterias bronchiales in totam pulmonum substantiam, inde per venas bronchiales in cauam, vti per coronarias arterias in venam, inde in cauam effluunt. In fœtu oualis ductus è dextra auricula in venæ pulmonalis finem aperitur, ac sanguinem in sinistrum cordis ventriculum dextro prorsus insalutato transfundit; secundò arteriosus quidam canalis à vena arteriosa ad aortam pergit, vt via pateat quâ liquidorum circuitus, feriantibus pulmonibus, perficiatur; Clariss. tamen



Mery excogitauit portionem sanguinis in sinistrum cordis ventriculum per venam pulmonum venientis in venam cauam per foramen ouale transfundi, nihil valuula obstante, idque ab observatione in aquatica testudine facta deduxit, in cuius corde tres sinus fluentes, & refluentes humores inspexit recipientes, & valvulas refluxum non impedientes. E sinistro cordis thalamo in arteriam ascendentem, & descendentem mittuntur humores. Ab ascendenti in subclauias, inde per carotides, & vertebrales in vniuersum cerebrum, quæ in corticalibus glandulis aeream sanguinis portionem separari, & per nervos effluere ad certam tensionem pro sensu, & motu inferendam, cum alijs non infimi subsellij excogitamus.

Plures etenim, etsi non graues, possunt dubitationes congeri circa huius fluidi existentiam, quoniam plurimum oculis adhuc obscura fuerit, & nondum satis eluxerit. Talia sunt, quæ dubitandi occasionem præbent, an in cerebro talis succus à sanguine diuersus separetur, & inde per nervos confluens eos tendat, & idoneos reddat, vt animalium functionum apta sint instrumenta. Primò nullus unquam hunc nerveum succum vidisse certò affirmabit, nisi lymphæ,

lymphæ, aut alio sanguinis crassamento, quandoque ex tendinibus, & nerveis partibus extillanti, neruei succi nomen velit imponere; imo è qualibet neruorum sectione aliquis succus non effluit, sicuti ex qualibet eorum ligatura, aut compressione nulla intumescencia apparet. Aliqua non conspicitur in nervis cavitates, per quam liquor, licet tenuissimus, valeat affluere. Demum neruorum structura densior fatis est, & compacta magis, quam sit vterinarum tubarum structura, per quas nihil transire innumeris motibus conatur euincere nuperimus quidam scriptor.

Secundò videtur debitam tensionem in nervis pro communicandis motionum, & sensationum impressionibus posse obtineri, etiamsi nullum succum contineant; in utroque enim extremo partibus alligantur, & per totam longitudinem ijs arctissimè adherent, ac deorsum à musculorum, & viscerum ponderibus validissimè trahuntur; imo absque istius fluidi ministerio sola nervearum partium communione impressiones hinc indè communicari clarum reddunt tremores, qui ab vno in aliud extremum in lignis immensæ magnitudinis propagantur: Concussiones, quæ in ædificiis ad magnam distantiam excurrunt, vt monuit

P. Bar-

P. Bartholus, qui, cum duos scyphos unum aqua, alium mercurio plenum in proprio cubiculo seruaret, ex talium liquorum agitatione nouerat rhedam à longè venientem, priusquam eius strepitum audiret, & si Renato fides præstanda esset, lux ipsa à remotissimis orbis partibus sola particularum contiguitate ad videntis oculum quasi momento consentit; quo circa quando nervi vinciuntur, quia à subjectis partibus separantur, & neruearum particularum aufertur connexio, necessaria tensio, & debita communicatio non obtinetur, vnde nervorum cessat illorum actio eo modo, quo ab interposito pariete lumen extinguatur.

Demum sanguis omne id, quod ab isto neruorum fluido efficeretur, præstare valet. Primò: Succus iste breviores redderet nervos, & venarum constrictione musculorum pareret intumescentiam, & motum. Sanguis, dum ad cerebri corticem intrà vasorum glomos, & circumuolutiones, quibus neruea filamenta alligantur, adaucto motu, & nimia rarefcentia irrui, glomos dilatat, & extendit, sicque appensos villos retrahit, qui breviores redditi venas, quas amplexantur, constringunt, & motus excitatur. Neruea fila in cerebri partibus orizontali-  
ter disponuntur, & quando ad musculos, &  
viscera

viscera descendunt perpendiculariter, hinc in cerebro à maiori copia, & magis rarefacto sanguine ità premi non est irrationabile, & in musculis breuiora reddi: in quem finem amplissimi vasorum alvei arteriarum carotidum, & vertebralium circà decem nervorum paria, & potissimum supra annularem protuberantiam, è qua plures nervi emergunt, positi sunt. Insuper arteriæ istæ per longum oblongatæ medullæ vsque ad anteriorem cerebri proram excurrunt, & in brutis, quæ in validiores motus debebant exerceri, circa cerebri medium rete mirabile locatur, cuius sanguis rarescens, & velociùs circulans potentiùs nervos valet impellere, & breuiores reddere. In partibus cerebri interioribus supra pinealem glandulam plexus corioideus conspicitur, propterea aliquid non infimi subsellij in hoc situ adesse non malè admonuit Renatus. In pia matre densissima vasorum filua apparet, quæ vasa nutritioni, aut obuiò alteri muneri in tanta copia profectò opus non fuissent. Perennis piæ matris systole, & diastole vicissim comprimendo, & relaxando nervorum extrema, nervos vicissim breuiores, & longiores facit, qui alternè constringendo, & aperiendo venas, alternum non nullorum musculorum cordis, diaphrag-

matis,

matris, pectoris, &c. efficiunt motum. Duræ matris sinus plura habent fila transuersim ducta, ac in plures cellulas distinguuntur, vt cruoris regredientis cursum faciliùs remorari possint ad cerebri neruorum compressionem inferendam, quæ musculorum contractiones ad libitum promoueat.

Secundò deberet neruorum fluidum impressiones ab externis obiectis receptas, pro externis sensationibus cerebro communicare, & pro internis neruos mouere, & vibrare, quæ à sanguine obtineri posse nihil est probabilius. Dum nerui (leuiter scilicet, & minus, quàm in motu) comprimuntur, indè suapte natura restituntur, successiuis istis motibus, & tremoribus illæ excitantur species, quæ internas producant sensationes: & cum istarum compressionum modi penè innumeri sint, propterea totidem diuersas species suscitare possunt. Confirmat hanc doctrinam quod in Hipp. legimus, qui libro de Flatibus sect. 3. ita loquitur: *Imprimis autem in animum inducor ex ijs, quæ in corpore insunt, nihil magis ad intelligentiam conferre, quam sanguinem. Is namque ubi consistente habitu persistit, prudentia etiam constat. Permutato vero sanguine simul quoque intelligentia concidit. Cuius rei multa sunt testimonia. Ac primum quidem somnus, qui animantibus*  
*omni-*



omnibus communis est, quæ dicta sunt, confirmat. Is enim ubi corpus corripuerit, tum sanguis refrigeratur, cum suapte natura somnus refrigerare soleat. Perfrigerato autem sanguine tardiores sunt eius transitus. Id vero inde fit manifestum quod corpora gravitate inclinantur (cum gravia omnia ad imum ferri natura soleant) oculi clauduntur, & intelligentia permutatur, opiniones etiam alienæ diutius immorantur, quæ certè insomnia appellantur. Rursus vero per ebrietatem aucto repente sanguine animi functiones, eiusque intellectus concidit, & malorum instantium obliti, futurorum bonorum optimam spem concipiunt. Multa etiam huiusmodi commemorare possem, in quibus sanguinis permutationes intelligentiam immutant. Perturbato igitur in totum sanguine, prorsus quoque intelligentia deperit. Affectus enim & recognitiones inter consuetudines numerantur. Cum vero à solita consuetudine discedimus, intelligentia nobis tollitur. Eiusdem autem rei singulare motuum à præternaturali statu haurimus, qui naturalis est solidissimum status indicium. In delirante sanguis irregulariter movetur, & in eodem irregularia phantasmata producuntur: quis non diceret ab unus perturbatione alterius perturbationem non pendere? Si à sanguine nervorum filia vibrante sensus interni

interni producantur, clarè ratio manifesta-  
 tur, quâ capax, aut iners hominis inge-  
 nium prænoscamus à sanguinis conditione,  
 quæ in viuido, aut obscuro oculorum co-  
 lore, faciei lineamentis palam fit, nam pro-  
 ut sanguis viuidior est, eò promptius ner-  
 uos impellet, & ideas, ac rerum cognitio-  
 nes faciliùs promouebit; sicuti oppositos  
 pariet effectus, si oppositam naturam ac-  
 quisierit; in quem sensum loquebatur Hipp.  
 asserens, animi mores temperamenta sequi,  
 & Celsus lib. 2. *Quibus efficitur, ut ex his  
 motis facile in natura cognitionem deducamur,  
 & pro sanguinis portione æstimemus ingenium.  
 Animalium enim fortiora, quibus sanguis cras-  
 sor, sapientiora, quibus tenuior, tardiora  
 quibus minimus, & quibus nullus, hebetia, qui-  
 bus vero multus, & pinguis, iracunda. Item  
 gracile corpus infirmum, obesum hebes est. Nul-  
 lus inuenitur nervus, qui pluribus sangui-  
 nis vasis non stipetur; hinc nihil faciliùs,  
 quàm sanguinem magis commotum nervos  
 vibrare, & si vibratio conspicua fiat, ad  
 nervorum principium pertingere, & sensum  
 occasionare. Quapropter dum sanguis circa  
 aliquod viscus violentissimè agitur, violentas,  
 & irregulares irritationes in nervis ex-  
 citat, quæ dolorosas quandoque, quandoque  
 anomas alterius conditionis sensationes*

producunt ; sicuti à principiorum nervorum motione viscerum vasa variè constringuntur , & aperiuntur ad modificandos sanguinis motus , ideo cor ipsum , quod istis passionibus præcipuè consentit, vasa, & auriculas habet pluribus nerveis filis circumductas. Ex quibus apertissimè colligimus, quomodo animalium functionum vitia alia per idiopathiam , alia per sympathiam quotidie insurgant ; & clarè quomodo , dum vibratur nervus aliquis, qui cum altero communicat, putà, vagus, qui societatem init cum intercostali, illarum partium passiones, quibus prospiciunt , veluti porrectis manibus mutuò se amplectantur. Et si quis dicat animam sanguinem mouere non posse , is quæso assignet , cur ad animale spiritum, aut nerveum succum mouendum , non ad sanguinem potentiam habeat ; videmus in pudore sanguinem ad externam faciei superficiem impelli , in timore ad intimiora viscera reuocari.

Quamvis hæc hypothesis rei medicæ omninò inadæquata non videatur, attamen ad munia cerebri exequenda necessarium esse credimus aliud fluidum, quod à sanguine intrà cerebrum separetur , & diuersam acquirens in illa separatione texturam, diuerso nomine appellandum sit. Istud autem  
liqui-

liquidum in nervis reperiri, & elasticam naturam habere, Borellus, Vvillis, & Boyleus nuperrimè edocuerunt: quibus & nosmetipsi subscribimus, quamvis alijs heterogeneis particulis plerumque immisceri conijciamus, quæ eidem vnam, aut alteram temperiem tribuere, potissimum adaugendo, aut imminuendo elateris potentiam, valeant. Non inficiamur tamen sanguinis temperiem, & naturam sequi, cum ab eodem tales elasticas particulas, & diuersarum conditionum alias, quæ elasticam modificant, recipiat; Quare prout sanguis insignem latitudinem habet, & ad componendos animi mores, & ad sanitatem, & ægrotudines constituendas, pariter spiritus dispositiones acquirit animales actiones producendi, varietudinem, & morbos, quæ sanguini, ex quo genitus fuit, respondeant.

Subtilissima Anatome, quæ minimas cerebri corticis detexit glandulas, palam fecit, quoddam liquidum in cerebro à sanguine diuersum separari, cuius ope animales functiones, & si naturales conditiones non habeat, læsiones enasci adiudicamus. In propagandis luce, sono, & odore, quæ sunt sensuum externorum obiecta, natura solido corpore in formam fili extenso, aut aliquo lentissimo, & viscido concreto non

vtitur, sed subtilissimis liquidis visum effugientibus, summam raritatem, & maximam motus velocitatem sortientibus; pari modo ratiocinandum est de medijs, quibus voluntatis iussa communicantur pro motibus exequendis, & subiectorum impressione, vt anima sensationes eliciat: nèc per molem, & viscidam neruorum substantiam queunt huiusmodi motus excurrere, aut saltem ea celeritate, quâ respectiuas actiones fieri experimur. Quod autem huius neruorum liquidi nullum signum habeamus, ità falsum est, ut à continuata neruorum compressione non solum nerui inflentur, sed liquidum emittant, Bellinus Præstantissimus scripsit. *In neruis liquidum adesse, quo nerui semper in naturali statu sunt pleni; fluitque per ipsos continuè quidem, sed lentissimo fluxu à cerebro versus partes, & à glandulis cerebri derivatur.* Et Leeuuenhoekius asserit opticos neruos exiguorum vasculorum aggeriem esse, quæ exiguis globulis replentur, analogis ijs, quos in lympa, lacte &c. obseruasse testatur: & globulos aeris portiones esse censemus.

Et si plerumque nerui ligati in tumorem non attollantur, id sequitur, quia huiusmodi fluidum talis est subtilitatis, vt per illos arctatos poros adhuc meare, aut euaporare possit,



possit, cui indicio sunt Leeuuenhoekij observationes, quibus probatur succum ad nervos penè in infinitum dividi, quod idem sequitur de sanguine, dum per vasorum capillaria transit, vt inibi omnem sensibilitatem amittat, & de succis manifestissimos in plantis nutritionis, & vegetationis effectus procreantibus, qui vix vnquam in ligneis ductibus conspiciuntur.

Nec nervorum liquidum sensibus subiceretur, si, vt quondam existimabamus; nervi ex innumeris folliculis inuicem approximatis componerentur, qui in æquilibrio manerent, donec quantum vnus dilataretur, alius resisteret; ac in folliculos, vi vasorum conformationis, & fluidorum motus, aeræ transirent machinulæ, quæ stringi adhibita violentia possent, sed inde spontè ad instar arcus valerent resilire; quando etenim ab externis impulsibus, aut voluntate iubente nervi comprimeretur initium, inclusi fluidi elaterium constringeretur, inde resili-  
ret, & nervum moueret ad actionem: vnde non mirabamur, si sectis nervis succum effluere non videremus; adhuc tamen, sicuti ab eorum constrictione, partium cessarent actiones, quandoque diræ suscitarentur conuulsiones, siquidem folliculorum resistentia immutaretur, & omne æquilibrium

periret. His suffragatur primò Vepferi observatio de Muliere sine cerebro nata, cuius loco natura insignem vesicularum congeriem substituerat; secundò aerem summo elatere, maxima celeritate, & vi penetrandi præditum esse, quæ ad motum, & sensum animalibus impartiendos mirè conducunt. Huc spectat experimentum illud, quo Sturmius, aere certis vesicis contento, ingens pondus eleuare nititur. Ligneum accipit circulum quatuor columnis inhærentem, inter quas saxeam molam ponit, cui annuli plures sunt affixi, vt plures vesicæ per lupos eisdem iungantur, ac illæ per aliud extremum ligneo connectantur circulo, per quem fistulis quibusdam instantis aerem recipiunt, cuius regressum, valvulæ fistularum oscillis appositæ, præpediunt. His paratis vesicæ aere inflatæ molam mouent, & attollunt. Experimentum istud nostris exhibet oculis rem totam, quâ neruorum fluidum validos musculorum motus promouet, immensam ferè non nunquam superans resistantiam: Vesicæ propriam tunicam musculorum nervos regentem repræsentant; fistulæ fibras, arterias, & venas, quibus ista pars componitur; inflans, & eius flatus cerebrum, & spiritus referunt; ex quibus etiam colligimus magnam illam vim, quæ anima-

animalium lacertis inest, dum cogitamus quadringentis musculis illa prædita esse, qui innumeris penè vesiculis, vim in immensum augentibus, componuntur. Insuper quid aere magis aptum censetur ad sensum præstandum? proprio elatere nervis summam tensionem pro communicandis sensationum tremoribus inferre potest: velocissimè mouetur, vt in propagatione soni, & pluribus alijs experimur. Aer, vt animalis spiritus impetum facit, semper auolare nititur, fermentationem, & sanguinis oscillationem promouet; & si externus cum pulmonum interno non æquilibretur, inordinatos, & conuulsiuos motus excitat, vt animalia, quæ in Boylei Antlia immittuntur, apertum faciunt; & innumeras addere possemus observationes, aeris mutationem varios cerebri, & neruorum morbos excitare, patefacientes. De aeris subtilitate non dubitandum, quam maximam esse demonstrarunt Boyleus in apparatu ad hist. sanguinis, & Vanelmont de humoribus c. 9. & nosmetipsi vidimus eundem, dum à mercurio intra recuruam fistulam contento comprimeretur densissima, & duplicata coria permeare. Nec demum nerui ab alio crassiore fluido mouerentur, ad sensationum tremores, & ad musculorum contractiones,

cum ab eius conditionis liquido debita harum actionum velocitas non obtineretur, imo ab eius motionum anomalijs, quæ sæpe adfunt, ferè semper inordinatos sensus, & motus periclitaremur, nec recta animalium functionum æquabilitate frueremur.

Sanguis per arteriarum carotidum ramos ad irrorandam oculorum substantiam progreditur, ubi minimorum structura, inter tunicarum laminas absconditorum, exprimuntur humores illi, qui magno seruiunt visionis negotio, & licèt eorum consistentia multùm differat, & crySTALLINUS in soliditate cæteros multùm excellat, attamen pro diuersa folliculorum structura particulæ cuiuslibet conformationi proportionatæ poterunt separari, & maximè cum aliquod determinatum vas, quod humores illos aliundè vehat, non conspiciatur, & lymphatica, quæ hic loci NUKIUS, & LEEUENHOEKIUS viderunt, lymphæ reducendæ tantum concedantur. Tunicas in plures laminas pluries diuisimus, & inter laminas vasa instar retis excurrentia, quæ proprijs extremitatibus in minimos folliculos absconduntur, oculis microscopio adiutis, conspeximus, & idem LEEUENHOEKIUS *in arcanis naturæ detectis* testatur obseruasse inter pelliculas sanguinem album circulantem, quia ad minima diuisum,

diuifum, & fi vafa strictiora dilatarentur, rubrum cruorem admittere, ficuti fi tunicæ comprimerentur, diaphanum humorem extillare. Hic circà humorem cryftallinum plura Anatomicis aperuit. Cryftallinus duritie fimilis eft nuci aromaticæ, conftat ex particulis squamofis in modum circulorum contortis, fibi inuicem iniacentibus, quæ ex quodam centro originem fuam trahunt, ac omnes cryftallinas fphærulas repræfentant; fingulæ squamulæ ex circularibus particulis iterum fiunt. Affimilantur inſuper squamofæ partes globulo ex tenuibus chartis fibi inuicem incumbẽtibus compoſito, cuiusque fingulæ chartulæ, quæ squamam compingunt, rurfus ex huiusmodi particulis componerentur, & lineas efformarent ex vno polo in alterum tendentes. In Piſcibus cryftallinus figuram habet rotundam. Vitreum vero humorem non aqueam naturam, ſed muſculofam potiùs ſapere, addidit Auctõr diligentiffimus.

E ſubclauijs paritèr circulantur humores per arterias brachij muſculas, & mammarias, quà dum tranſeunt, chylus ſanguini adhuc tantum confuſus in mamis pro lacte ſeparatur.

E cerebro per quatuordecim ſinus nuperimè detectos in iugulares deſcendunt, ab



arterijs brachij in eiusdem venas, è musculis in suas venas, & è mammarijs in mammarias venas. A magno itidem arteriæ trunco in superiores intercostales, è quibus in pleuram, indè per venas intercostales, azigos, & eam ad cor reuertuntur.

Sanguis per truncum arteriæ descendentem progrediens transit per intercostales, indè per venas huius conditionis reuehitur in cauam; inferiùs per phrenicas in diaphragma, & per suas venas pariter in cauam; per cæliacas arterias ad lienem, per ramum venæ portæ splenicum ad iecur; per propaggines alias arteriæ cæliacæ, quæ suis venis respondent, ad ventriculum, & omentum, & Pancreas, quo succus ille exprimitur, quem chylo superaddi afferebamus. Sanguis fluit per venas gastricas, & epiploicas ad ramum splenicum. Vasa breuia arteriosa, & venosa furculi sunt cæliacæ, & vasis splenici, qui, dum gradiuntur, media inter ventriculum, & lienem in duos diuiduntur ramos, quorum vnus ventriculo, alius lieni destinatur, & sanguis adit per hunc ad lienem, per illum ad ventriculum, ac reuehitur per venosos furculos ad truncum vasis breuis. Inferiùs sanguis per arterias in renales glandulas, è quibus per venas progreditur in emulgentes, aliquando in renes.

Quia

Quia succenturiati Renes pluribus sunt præditi ductibus adiposis, ideò pinguedinem separare rationi est consonum; maiorem propterea in fœtu retinent molem, quia eius sanguis à vasorum paruitate nimis diuifus, & nutritioni ineptior redditus, oleosis particulis in his glandulis, vt in cæco, thymo, & alibi debuit succurri. Per arterias mesentericas in intestina, per venas in ramum mesentericum, indè venam portam, & innumeris eius propaginibus per totam epatis substantiam sanguis diffunditur, vbi bilis, cuius superiùs meminimus separatur. Humores per arterias emulgentes descendunt in renes, in quibus vrina separatur.

Serosus ille humor ad ciborum macerationem in ventriculum inductus, eorum tincturam elicit, quam sanguini elargitur; circulatione sales partibus infixos, qui eis officiunt abradit; demum per renes, è cruoris sinu decidens extra corpus depellitur.

Omnis mixtio duplicis est speciei; prima quando miscibiles moleculæ mutuo tantum contactu sibi inuicem adhærent, secunda quando eædem arctiùs glutine, vel implicatione inuicem colligantur. Primam mixtionis speciem aufert vis externa quælibet, cribra, cunci, filtra, &c. operatione solum loco motiua: Alteram tantum validior interna

interna vis , vel agendo , vel impedimenta remouendo , vti videre est in distillationibus , præcipationibus , sublimationibus , in quibus valido ignis impetu diffringuntur , & dissoluuntur vincula , & partes solidæ magis , ac terreæ , vt libertate concessa sulfuris , & spiritosis particulis , eæ auolare queant , ac reliquæ proprijs motibus se mouere.

Vlteriùs cum mechanicis non ignorandum , salis , olei , & huius generis particulas modò intrà aquam innatare , aut quia vis resistantiæ contactus in illis paruis moleculis nullatenus à gravitatis virtute superatur , aut quia olei particulæ salibus coniunctæ æqualem cum ipsa aqua sortiuntur specificam grauitatem. Certum est ad horum miscibilium separationem grauitatem specificam demendam esse vel addendo , vel auferendo aliquod , vel diuidendo , idque præstari posse , & à vi interna , & à vi externa , & inde innatantes partes spontè cadere , & separari.

Quibus perpensis , lotii separationem fieri censemus per validam expressionem à carneis lacertis factam. Ingenti intrant impetu per emulgentes arterias renum glandulas sanguinis particulæ , à quarum poris secantur , diffringuntur , & contunduntur , quo facto feri vrinosa segmenta ab vrinæ tubulis exprimuntur in cauitatem , dum sanguinis  
reli-

reliquum per venas reuehitur emulgentes. Hanc separationem prædisponit sanguinis motus, propterea quod emulgentes ad rectos angulos cum truncis, & renibus collocantur: certo namque experimur iuxta fluidorum motus varietatem diuersæ speciei corporum fieri præcipationem, per alveum decliuem rapidum excurrans flumen, quidquid ei immiscetur detinet, rapiditate decreſcente quodlibet minimum vsque deponit.

Sanguis ab arteriæ descendētis trunco per spermaticas arterias descendit in testes, vbi colliquamentum quoddam spiritosum separatur, quod vi suorum principiorum motus, vel moduli, in quo ſecernitur, in parua animalis effigiem facescit; & nisi id ſequatur, ne nimia abſtinentia corrumpatur, illud lymphatica in sanguinem reportant, ſi Riualizio fides habenda ſit.

Semen vel maris eſt, vel ſceminæ, vel ex utroque mixtum, v. g. plantarum: inter omnia vero ſemina inſignis eſt analogiſmus. In homine, circa quem præſens debet verſari hiſtoria, Teſtes in tubulos multiplices efformati talem componunt ſtructuram, vt ſeminis particulæ ex ſanguine ſecernantur, & vi ſummæ complicatæ ſtructuræ, & vi modificationis impuſſus circumuoluti

crucioris

cruoris per vasorum reuolutiones, quæ ad separationem multum faciunt, fluidi impetum diuersè moderando: Huiusmodi selectæ seminales molculæ cuilibet animalis parti, cuius sunt semen generandæ aptæ sunt; Acta separatione ijs minimis corporibus certus character, & symmetria, aliquorum forsan principiorum vnione, & dosi imprimitur, quæ omnimodam inde partis generandæ retinent naturam, id est dispositionem, vt partium nutrientium additione in extensam tali directione contexantur structuram, & testes sint viuentis huius modulus, & generantis typus.

Et si quis eat inficias tam diuersarum partium præparationem testium structuram valere determinatè moliri: cogitet chylicos ductus, & glandulas materiam digerere tam varijs apponendam partibus, & cerebrum ipsum, cui valdè similes, referente Vvartono, sunt testes, succum vnum separare innumeris muniis, & actionibus, ac juxta Vvillis, Glissonij, & aliorum sensum, partibus singulis nutriendis destinatum. Pariter uniuersis animantibus plura insunt viscera, quæ separant, & perficiunt peculiare fluidum eorum partium singulorum beneficio conducens.

Et si adhuc palmari veritati non adhæret,



ret, Plantas imagnetur, quæ minimorum ductuum structura sibi quotidie conuenientem exsugunt humorem propriæ nutritionis, & augmentationis materiam; à succis, intra proprios contentis ductus, statuto tempore ingentem omnium partium massam in restrictum globum recolligunt pellicula inclusum, quam amnium diceretis, ille à pereolato succo augetur, donec varias acquirens effigies in nouæ Plantæ idolum sistitur; Boyleus totam seminis historiam ita describit: *Creditur, quod sapientissimus naturæ Auctor non tantum materiæ motum introduxerit, sed cum fabricandum Mundum designasset, adeo motum particularum materiæ catholicæ certo ordine digessit, ut maiora earum systemata in classes ijs prestitutas redegerit; quod speciatim materiæ istius quasdam portiunculas in seminalia rudimenta, aut principia discreuerit (quæ in paratis receptaculis tanquam vteris commodè reciperentur) alias autem in corpora plantarum, animaliumque segregavit, quorum contextura in hoc mihi visa est maximè constituisse, quod nonnulla eorum organa ita formata fuerint, ut (presuppositis, & maiorum corporum fabrica, legibusq; in naturæ rerum promulgatis) succosæ, & spiritosæ quedam horum animalium partes aptæ fuerint, quæ in prolifica semina mutarentur, unde, & sibi simile*

gene-

generando potentiam species suas propagandi adsciscerent; adeo ut necessitas quadam in initio impenderit, ut sciens, & providus agens catholicam materiam in mundo distribueret, maximè autem aliquas ejus portiones in seminalia organa, & principia, legesque, ad quarum normam motiones, & actiones partium ejus in se invicem exigerentur, conformaret.

Maris semen singularum partium integratum principiis eandem habentibus naturam, & motus directionem, ac partes sibi eadem servant (aut id à molecularum peculiari compage, & dosi, aut à gravitate, motu, figura, &c. assequantur) in incipiendi hominis ordinatam mixtionem in spermaticis vasis remanet dispositum. In congressu, dum in destinatum eijcitur locum, glutinosis ad certa stadia munitur ichoribus, qui dubiò procul singulas atomos, cum in amplis expatiantur sitibus, propriis in locis detinent distinctas. Ita ad uteri regiones masculine semen cum appulerit, utpotè summè fermentescibiles, & summè activas mobilesque habens vires fæminei seminis minima ovo contenta, segniùs ibi degentia, incurrit, eisdem motus expansionem impertitur, ac versus propriorum situum sedes dirigit. Talis est mouentium lex mobilibus occurrentium, ut quod minimo

virtutis excessu aliud superat, illud versus suum compellat tramitem.

An vero seminales particulas sanguis tantum retribuat, vel sanguis, & nerueus succus simul, cum ingens neruorum copia testibus concedatur, dubitandum. Nos pro prima parte stantes excogitamus sanguinem ex se solo feminalem materiam elargiri; siquidem id aperte indicant omnes, quæ in eo præcontinentur partes, & ipsæ eadem nerueum succum generantes; Id ostendit sanguineorum vasorum insignis ingressus, & per testes propagatio; cui nec refragatur testium structura in innumera complicata vasa, quæ sanguinem in feminis substantiam possint commutare, quo apparatu omnimodè non indignis- set succus nerueus ad paruam eius metamorphosim; & de succo nerueo ipso, an detur, meritò dubitari potest.

Et si quis mihi opponat nerueorum membrorum in congressu summam sequi infirmitatem. Sciat sanguinem ipsum materiam tantopere actiuam neruei succi præcontinere, quæ si vna cum semine disperdatur, nequit in neruearum partium fatiscere reparationem, quæ exindè necessariò fatiscere debent.

Virorum semen sic præparatum summè actiuum, ac spirituosum præcipuum genera-

tionis agens est, vt ad mulierum seminis occursum, tanquam magis corpoream materiam, partium complementum expansionem promoueat, & generationem vegetatione exordietur.

Seminalis foeminarum mixtura, eodem modo, ac in viris præparata in earum testibus in oui formam conglomeratur, quod Anatomicorum oculis sæpenuerò conspicuum est, vt testari possunt Harueus, Graaf, Donnius, Malpighius, Stalpartius, Leeuwenhoekius, & Nuckius; Intrà luteorum corporum sinum includuntur mulierum oua, & lutea corpora, ex pluribus alijs minoribus componuntur, in æqualem externam-efformantibus superficiem, inter cuius inæqualitates omnis generis vasa copiosè disseminantur. Corporis vero glandulosi substantiâ cribratur materia, quæ per vmbilicales ramos (qui primo emergunt in ouis, vt radices in plantis) transmissa in Ouulum, seu peruiam cicatricem, humore contentam, coercetur.

Mulieris igitur ouum aptè-structuratum intùs cicatricem abscondit, quæ à colloquamento ambitur, inde postea nouo adueniente in vterum succo, vtpote irrequieto excitante agente, oui partes mouentur

uentur singulæ, augentur, foetusque pro-  
 uinciam extendit. In huiusmodi autem ci-  
 catrice, quæ carinam, scilicet tres capitis  
 vesiculas cum appensa spinali medulla, cla-  
 rè exhibet, omnes animalis latitant partes,  
 ac actu verè præexistunt, vti se oculis vi-  
 disse nunc in Ranis affirmat Leeuuenhoe-  
 kius *in arcanis naturæ detectis*, vnde optimè  
 asseruit Hipp. *membra simul omnia discer-  
 ni, & augeri non vnum alio priùs, aut po-  
 sterius, tametsi, quæ sunt naturâ maiora  
 priùs appareant, quàm minora, cum nihilo  
 priora sint.*

Omnia viuientia, plantas & ipsas ex ouo  
 generari, Recentiorum, stabili innixum  
 fundamento est, cogitatum, & oua quæ-  
 libet proprium animal, & circumfusam  
 substantiam præcontinere; Nec discrimen  
 essentielle constituit inclusam cicatrice ca-  
 rinam siue peruiam animalis effigiem in  
 ouiparorum ouis omne nutrimentum in di-  
 uersos ichores, concentricis circumiacen-  
 tes circulis, propè se ipsam continere, quod  
 per membranas corion, & amnion ad aug-  
 mentum, & nutritionem exsugit: Planta-  
 rum vero, & viuiparorum cæterorum Cha-  
 racterem seminibus impressum alimentum  
 extrinsecùs excipere, quod vel ab utero pro-  
 prijs secretum vasculis, vel à terraradicibus



imbibitum , animantis partium conforma-  
tionem , & extensionem promoueat.

Possem hic afferre innumera Anato-  
micorum testimonia ad hanc veritatem e-  
uincendam. Paulò ante obseruauit Nuckius  
in cane vteri cornu , quod duo ouula con-  
tinebat , quo ligato , post viginti dies vi-  
dit ibi suprà ligaturam duos fœtus. Hæc  
obseruatio omnem cum aduersarijs litem  
dirimit.

Et vt verum sit viuëntia cuncta ex ouo  
generari , indicio sint animalia , quæ ex pu-  
tri credebantur fieri , ex ouis enasci soler-  
tem cognouisse Recentiorum industriam :  
Ranulas quibus pluerè interdum per æsta-  
tem dicebatur , in aere nullatenus oriri , sed  
generari , quod quæ pluuia tunc decedit,  
commixta habet ouula ex paludibus alijs-  
que locis , quæ ranis abundant , vehementi  
solis calore educta. Et vermes , qui intrà  
fructuum pulpas enascuntur , muscas , apes ,  
& similia floribus insidentia didicimus reli-  
quisse oua , quæ fructibus inclusa , siccescen-  
te , & incalescente substantia , in vermes for-  
mantur : ne paradoxicè diceremus anima-  
lium semina animalia ipsa , & semen muris  
intrà quisquiliis editum æquè coalescere , ac  
intrà corpus muris , dummodo Sol , siue alia  
causa , quæ externa sit , feminis materiam

ouo contentam discutiat, & particulis motum inducat.

At si obijciatis Anguillam, quæ sexus discrimine caret, neque semen, neque oua, neque genitalia vasa continere vnquam deprehensam fuisse Aristotelis auctoritate edocentis, *quod atterit se se scopulis, eaque strigmenta viuificat, nec alia est eius procreatio.* Plinius ait è Purpurarum succis Purpurullas enasci, Cochleas è Cochlearum mucilagine, & Pisces in stagnis ex relicto ante resiccationem mucoso recremento.

Fallimini qui adestis oppositores vigilantissimi; intra mucosam materiam oua obseruarunt naturæ scrutatores, equidem norunt pleraque oua glutinoso succo contineri, & vosmetipsi inspicere potestis varia testibus contenta oua muco ambiri. Prope mulierum oua vesiculæ apponuntur glutinosa substantia plenæ, cuius ope ouum separatur, fouetur, & eijcitur. His suffragatur eruditi viri Illustriss. huius Ciuitatis Archidiaconi obseruatio, de ingenti ouorum Cochlearum numero, ex quibus Cochleæ generabantur,

Quid ni erratum illud cogitantium Viperam maternam exorientem abrumpere aluum, ignorantium foetus esse, qui cum ab ouis, & membranis, quæ ipsos inuoluunt,

excluduntur , tegumentum illud exuunt, quod materni ventris portionem esse cum Plinio nobis imponerent.

Ex quibus seriò potest concludi, quod ouum breui claustro cuiuslibet animantis lineamenta, stamina, & rudimenta occludit, cum ad iustam decreuerit molem in mulieribus ouariæ fibris contractis intrà vteri tubas, quæ item partium connexionē contractæ aperiuntur, decedit. In congressu pars subtilis, & spiritosa masculæ seminis per vaginam immittitur à glutinoso, & terebinthinoso humore Malpighianorum ductuum, ne auolet intercepta, detinetur, quæ ouulo descendenti occurrens, singulis circumiacentibus humoribus, & vesiculis fœcunditatem impertitur (sicuti tota ouiparorum in eorum fœcundatione substantia fœcundatur) cum omnes ouulo adiacentes partes nomine mulierum oui veniant. Ouum inquam fœcundat maris semen, quod cum fermentum summè actiuum sit, partes in ouo contentas ad proprias, & determinatas expansiones dirigit, & in motum non citò desitutum expergiscitur.

Huiusmodi porrò partes in fluidum colliquamentum disponuntur, quod primis diebus punctum saliens in eius medio  
structu-

structurât , indè successiuè omnes illas venas , quæ ab vno trunco propagantur, & per totum colliquamentum pluribus radicum ramificationibus excurrunt , quæ demùm vmbilicalia vasa constituunt , cui rei Leenuenhoekij fauent obseruationes , quibus à tali succo venas efformari vidisse testatur *in Arcanis naturæ detectis.*

Sanguis ab aortæ trunco in lumbares, musculas , iliacas, sacras, pudendas, hypogastricas, & epigastricas progreditur; è quibus mensium secretio vi nonnullorum salium irritantium obtinetur, vt de mensium suppressione monebimus. Demum per crurales omnes, è quibus singulis per similes venas reuehitur ad commune circulationis centrum.

Non casu quodam arteriæ, & venæ ad earum extrema, quæ inuicem communicant in reticulares plexus disponuntur, sed vt contentus sanguis per illas contorsiones pluribus occurrendo resistentijs variè retardetur, & magis glutinosis partibus ad latera vasorum hærentibus, cæteræ subtiliores, & magis spiritosæ ab alijs solutæ per medium fluidi faciliùs excurrant, & foeliciùs quodam suscepto impetu in certos poros impellantur, & deriuentur.

Ideo ad cerebri prouinciam densissimè vertebrales, & carotides arteriæ irretiuntur, & in minimos furculos diuiduntur: in tanta paruitate enim, cum valdè superficies augeatur, crassas omnes particulas, & latiorum faciecularum veluti lambit, & detinet, interim subtilioribus, & aereis magis extensis, & per longum intrà glandularum meatus intrusis.

Ad externam corporis superficiem vasa mirum in modum conglomerantur, vbi à muscularibus fibris ambiuntur, & penè infinitas glandulas miliares componunt, quibus iugiter tenues illi vapores separantur, qui tantam humorum copiam in omni animalium genere euacuant; exeunt præsertim in hominè è manuum, & pedum poris, quæ assiduo vsu sunt affecta. Fœtidæ è pedibus, & partibus cæteris transpirant particulae, aliæquè summè exurentes, & prauæ alterius conditionis in hysteris, & hypochondriacis.

Sudor indolis est salinae, nam sales cum sero per poros exeunt, & quandoquæ volatiles sales sulfureis particulis mixti in musculorum, & sanguinis agitatione soluuntur, & sudorem imprægnant. Si verò Leeuenhoekij obseruationibus fidem daremus; testatur ipse in sudore primò magnam squa-

mula-



mularum copiam, ex illis quæ supremam cutim constituunt; secundò globulos innumeros ad immensum diuisos, eosdem, qui cruoris globulos efformabant; tertio ingentem salium copiam, qui in aqua, cui innatabant, figuram quadrilateram ostendebant, & postea in figuras alias magis compositas erumpebant; sale autem huiusmodi tam molles erant, vt humido aeris superueniente statim soluerentur; quartò inter dictos sales alios minores inueniri, salicis folia repræsentantes, ac alios salis armoniaci figuram, nec non alios pyramidales, & aliterius irregularis figuræ.

Iam itaque exiguum de sanguine tractatum videmur confecisse, quem in pluribus deficere non inficiamur; vtique ad integrum eius examen perfectissimæ Chymicæ, Mechanicæ, Anatomicæ, & aliarum facultatum necessariæ essent cognitiones, quibus assequendis vnus hominis vita nimis brevis, & ingenium nimis angustum. Quare plures ijs facultatibus instructi in præstantissimum istud studium opus esset concurrere: nec eo neglecto practicarum obseruationum, remediorum incessanter euulgare necessitatem, quibus paratis, sine sanguinis, & triplicis Anatomix cognitione, nunquam eadem morbis opportunè poterunt applicari.

Quo in tractatu , sicubi à veterum sententia recesserimus , intelligatur hoc factum esse animo perficiendi , non innouandi , aut migrandi in aliud : opiniones enim nostras vbique rudes , & inermes proposuimus nequè alienæ libertati per confutationes pugnaces præiudicare contendimus. Hîc cum Verulamij verbis rei finem imponimus : *In ijs vero , quibus mihi errare contigit , certus sum nullam à me illatam esse vim veritati per argumenta contentiosa : quorum ea ferè est natura , ut erroribus auctoritatem concilient , rectè inuentis derogent ; siquidem ex dubitatione error honorem acquirit ;*

*Veritas patitur repul-*  
*sam.*



---

PARS ALTERA  
DE  
PRÆTERNATV-  
RALI SANGVI-  
NIS STATV

*Medica Specimina.*

---

CAPVT PRIMVM.

*De vitijs Sanguinis ad Cerebrum  
confluentis.*

**E**A rerum lex est, quæ animalia componunt, vt quo plura in statu naturali largiuntur commoda, eo maiora in præternaturali afferant incommoda. Id in sanguine manifestissimum experimur; cum non sit actio in corpore, quæ in sanitate ipsi non debeatur, sicuti non est læsio, quæ in morbo ab eodem mediatur, aut immediatè non exoriatur. Dum sanguis præternaturaliter constituitur, certas induit affectiones, quæ aut omnes nostri corporis actiones vitiant, & vniuersalia damna præbent,

præbent, aut naturalem alicuius tantum determinatæ partis œconomiam turbant. Primum hîc breuiter agamus, nam de altero inferius speciatiim sermo instituetur. Sanguinis affectiones, quæ singulis nostris partibus infensæ sunt, vel ad deprauatam illius qualitatem, vel quantitatem, vel motum perturbatum spectant. Primæ sunt speciei, si sanguis à naturali indole recesserit, quia ipsi aliquid deficiat, aut aliquid superfluum inexistat (quare dixit Hippocrates lib. de flatib. Medicinam esse adiectionem, & detractiorem; id est, appositionem rerum deficientium corpori, & detractiorem rerum superfluarum) aut partes illius debitos non obtineant situs, nec ritè vniantur.

Quando particulis actiuioribus sanguis depauperatur, particulas chyli, quæ in desperditarum locum succedere deberent, non satis diuidit, nec sibi immiscet, & fit quædam rudis mixtura, quæ membris pro nutritione non hæret, nec in peculiaribus locis, puta, cerebro, hepate, &c. debitos liquores secernibiles deponit; quin potius à partibus proprias particulas abradit, foràs protrudit, aut in diuerticula cogit, aut euaporando absumit; Talis sanguinis constitutio est in melancholicis, cachecticis, caco-chymicis, scorbuticis, &c. cum sales, & aliæ parti-

particulæ solidiores maiorem corporis partem occupantes, alias actiuiores, & fluidiores particulas expellunt, aut compedibus coercendo ipsarum actiuitatem impediunt; propter quam causam nonnullæ sanguinis portiones grauiiores redditæ præcipitantur per vrinam, seu per aluum exeunt; ita aliquando diabetem, aliquando diarrhœam sequi contingit, à quibus semper necessarium nutritionis penu animali subtrahitur, nisi occurrat sanguinis recrementa in aliquam cavitatem deponi; quo casu ægrotantis partes intumescerent, & hydropicæ affectiones enascerentur.

Si sanguis ipse particulis actiuis magis, quam pars sit, scatèat, ac debito activior fiat, subsidiarium fluidum ex toto absumet, aut ita diuidet, vt intra partium poros nullatenus detineatur; sed densissimis effluuijs à corpore incessanter euaporet, ac partes solidæ debita alimonia defraudatæ etiam hac via emarcescant. Imò quando particulæ, quibus sanguis præ cæteris abundat, fluidiores existant, effrænem, irritantem, & stimulantem naturam induunt, reliquum sanguinis dissoluunt, partes singulas diuellunt, & vasa continentia sollicitant; vnde mirum in modum sanguinis motus variatur, particulæ actiuiores magis ab inuicem euelluntur,

& in



& in libertatem efferuntur. Hinc febrilis constitutio insurgit, in qua particulæ inuicem attritæ copiâ euaporant, & sensum ferientes eidem insignem calorem imprimunt. Hanc etiam febrilem ebullitionem causari posse censemus, dum sanguis viscidis, & terreis particulis plurimum refertus, & congestionî aptus continentes partes ita aggruat, vt maximo nixu se restituentes, sanguinis particulas valdè agitent, & depressos igniculos in notabili copia dissoluant. Sanguinis circulantis particulæ propter dictam eius non naturalem diathesim in aliqua parte quandoquè interceptiuntur, & ramosis figuris cum particulis carnis implicantur, inde partis structuram ita vitiant, minimis eius meatibus obstructis, vt reliquus sanguis, qui per arterias velocitate aduincta confluit, per venas non reuehatur, & partem in ingentem magnitudinem adaugeat: Imo sanguinis moles, figura, & grauitas arteriarum momentam superant, & congestio de facili tolli non potest, nisi prius portiones sanguinis interceptæ, maiorem impetum, motum, & fluiditatem acquirentes, talem locum deserint; Hac ratione fiunt diuersi tumores iuxta materiæ stagnantis diuersitatem, quæ si sit ex particulis insignem impetum habentibus, fiunt tumores

res inflammatorij, verbi gratia Phlegmonode, Erysipelas, &c. è contra si sit ex particulis lentis, & ineptis ad motum, & tumores Ædematosi, Scirrholi, &c. concrelescunt.

Si porrò sanguinis partes debitos situs, & ordines non seruent, & fluidæ vix inuicem cohærentes non sint, ac solidæ ita tenues, vt minima vi diuelli possint, tunc in vnâ harmoniam pro actionibus edendis minimè conspirabunt, & auferetur necessaria particularum solidatum cum fluidis interpolitio, particularum vnius conditionis cum particulis alterius determinata adhæsiō, & sanguinis textura omninò corrumperetur, ac eiùdem præternaturalis coagulatio, aut dissolutio haberetur; siuè aliquæ particulæ præ cæteris exaltatæ illam parient humorum consistenriam, quæ humano corpori maximè infesta est, & cuius meminit Hippoc. de prisca medicina his verbis: *Quod in vnoquoque potentius esset, & suprâ naturam humanam, adeò ut superari non posset, id ledere censuerunt, & tollere conati sunt. Est autem valentissimum inter dulcia dulcissimum, inter amara amarissimum, inter acida acidissimum, & quod in re quaque summum est. Hæc enim in homine inesse, cique nocere videbant. In homine namque inest, & amarum, & salsum, & dulce, & acidum, & acer.*

*acerbum, & insipidum, aliaque sexcenta, quæ pro copia, & viribus varias habent facultates. Et hæc quidem mixtione, & mutua inter se con-  
temperatione neque cernuntur, neque quem-  
quam molestia afficiunt; at ubi quidpiam secre-  
tum fuerit, & per se extiterit, tunc & conspi-  
cium fit, & hominem molestia afficit.*

Cum sanguis certa mensura intra omnia vasa debeat detineri; ideò si eandem excesserit, non mediocres læsiones pariet, & vniuersa corporis moles tunc in ruinam inclinans, vix ad perpendicularum restitui, & erigi poterit; quinimò cum pars quælibet sua sanguinis egeat mensura, si per vasorum alterius partis imminutam resistantiam, sanguis copiosius per hanc fluat, in aliam proximam parcius percurreret, & vtramque partem non modicum lædet, & ambæ à suo robore, & consuetò tono valdè declinantes, vna nimio pondere oppressa, alia proprio vigore principio destituta, in totalem hominis perniciem conspirabunt. Si quandoquæ sanguis è corde impulsus ægrè magis, & difficilè per poros, & habitum corporis circuletur, quàm apertam, & liberiores viam inuenerit, copiosè erumpet, & proxima vasa solito suo fluido priuata, & vim, & pulsus plurimum imminuent. Huius rei experimenta ostendunt flumina, quæ in  
duos

duos riuulos diuifa æquali velocitate fluunt: Si vero riuulorum vnus rupto aggere in præcipitem cursum adigatur, alter multum velocitatis amittet, & quasi omninò subsidebit; licèt riuuli inuicem per varias foveas veluti per totidem anastomoses communicent; Quam rem clarè videmus secta brachij sinistri vena, in quam dum sanguis velociùs influit, in arteriam brachij dextri legniùs percurrit; est enim lex omnium fluidorum, vt quà magis liberè possunt fluere, illuc velociùs decurrant. Quandoque insignem venarum dilationem producit sanguinis copia, eiusdem refluendi difficultas, aut compressio; siue hæc contingat vi sanguinis ponderis, siue relaxatæ vasorum structuræ, siue cordis non debito vigore impellentis. Vasorum huiusmodi dilatationem, quam Varicem dicimus, in grauidis sæpè obseruamus; quia à crescente sanguinis copia, vteri mole adaucta, refluendi difficultate; prauo corporis habitu, & languido cordis motu, vena caua, & iliacæ comprimuntur; & tunc sanguis venas distendit, quoniam, in reditu præpeditur, nec sufficienti momento à tergo impellitur; propterea pondere suo, ac mole amplius spacium exigens, vasorum parietes exteriùs adigit, quæ cum longa

L                      consue-

consuetudine fuerint ampliata, non ita facile in pristinum tonum restitui possunt; quin sanguinem à corde, & vena cava diuertendo, circulationis filum, seriemquè valdè perturbent, è quibus, & pulsus deficere, & virium deliria sequi, obtingit.

A mutato circulari sanguinis motu, mille in Animalium œconomia insurgunt subuersiones, quas ab inassueto istius motu dependere ostendunt mutatae arteriarum pulsationes; singulis subuersionibus proportionatae, quarum ope in ipsarum cognitionem Medicus ire solet; quia arteriarum pulsus sanguinis motui respondet, tamquam effectus necessario suæ causæ coniunctus, seu tamquam res impulsæ rei impellenti; ita quilibet gradus sanguinis motus coniunctum habet determinatum pulsus arteriæ gradum; & tot sunt sanguinis motus differentiae, quot sunt differentiae pulsationum in arterijs; quæ leges Galeno occasione fuerunt innumeras ferè pulsuum differentias congerendi; vt constat ex eodem lib. 1. cap. 4. *de differentijs pulsuum*, à quibus totidem indicari humani corporis morbosas constitutiones schola Medica addidicit. Non est actio in Animali, quæ à turbato sanguinis motu non deprauetur; dum velocius circulatur maximam particularum promouet dissolutionem,



tionem, in membranas violenter impellit, eas distendit, stimulat, & diuellit; inde immanes efficiunt dolores; omnes separationes immutat, & toti corpori fatale exitium portendit.

Hæc omnia vitia possunt in sanguine haberi, si viscera, quæ sanguini perficiendo fuerunt concessa, propter aliquam læsionem proprium munus non exequuntur, & sanguinem necessarijs frustrent subsidijs: Cum viscera alia magis, alia minus ad ista munia concurrant; ideò etiam secundum hanc proportionem sanguinis deprauationes producentur. Si ab illorum glandulis, plusquam par sit, particulæ separentur analogæ particulis salis tartari, salis armoniaci, salis volatilis sanguinis, cornu Cerui, salis herbarum fixi, aut aliorum alkalico-rum volatilium, quibus cruor à coagulo vindicatur, & in conuenienti mixtionē seruetur, tunc concresecet, & debitam fluiditatem non retinebit; & si ab aliqua glandula, quæ superflue sunt, & secerni deberent, non secernantur, tunc nimiam solutionem sanguini impartient, & per aliam viam ipsum deprauabunt. Proportionaliter discurrendum est, si aut ab aliqua parte non separentur, aut plus debito secernantur particulæ respondentes particulis aceti

destillati, spiritus vitrioli, salis nitri, &c. quibus sanguis coagulatur, & coccineum colorem amittit. Ne prætereamus multos esse succos, qui licet ante separationem in sanguine nullam causauerint turbationem, in separatione tamen, vitio partis separantis, quandoquæ talem acquirere qualitatem, ut dum ad sanguinem refluunt, maximè eundem deprauent; quod potissimum in nervorum liquido, & lymphæ sequi plures Auctores perhibuerunt.

Utraque hæc fluida, quandoque vitio partis separantis, à proprijs ordinibus dimoventur, & incongrua componentia acquirunt; hinc in proprijs vasis intestino particularum motu nimiam dissolutionem, aut non satis ab inuicem particulis diuulsis, nimiam visciditatem, patiuntur; & ideò dum sanguini reaffunduntur, ex præscripto debitam eidem non conciliant mixturam. Animalis spiritus, si particulas elasticas in nimijs exercitijs amiserit, aut improporcionatas particulas fossilium, mineralium, &c. receperit, sanguinem volatilem non reddet, & alias plures promouebit turbationes. Lymphæ similibus modis præternaturaliter composita, quandoque sanguinem fluidiorem, & nimis dissolutum reddit; quare dum ab extremis arteriarum ad venarum extrema transit, ex-

traua-

trauasatur, & circulationis filum abrumpit; quandoquè viscidiorē, & tunc sanguis naturali cordis momento ad extrema vasorum capillaria non impellitur; vnde in locis, vbi vasa in minimos, & reticulares plexus disponuntur, in varias concrecentes portiones secedit; nec in pulmonibus debitam illam mixtionem recipit, quæ necessaria est, vt corpus illud energeticum, maxima vi motus præditum, ab aere eliciat, cuius ope magis volatilisatur, & propiùs ad sanguinis naturam accedit. His missis, quæ præcipuas sanguinis Passiones, corpori vniuersalia damna inferentes, apertas faciunt, accedimus ad inquirendum, quomodo ad morbos cerebri particulares inducendos constituatur.

**A**N Sanguis, qui ad cerebrum pertingit, eiusdem conditionis sit cum eo, qui è corde effluit, valde dubitandum; Equidem eodem modo constitutus, tam in ascendentem, quàm in descendentem aortæ truncum ab eodem immittitur, sed cum ad ramos subclauios deuenierit, illac crassiores, & ponderosiores eius particulæ, tanquam per patentiorē, & magis decliuem alueum, secedunt, reliquis subtilioribus, & volatilioribus ascendentibus: quam depositionē etiam circa collum, faciem, & proximas partes subit, quousq;

purior tantùm , & maximè sublimata eius pars cerebro accedat. Dein, cum gravitas sanguinis per carotides ascendentis impetum, & velocitatem imminuat, secundùm certas proportionès, quæ vasorum longitudinem, & in obliquis altitudinem perpendicularem respiciunt, sequitur illius mixtionem, & texturam his legibus mutari. Si Sanguis nimis rarefactus, siue adaucta impellentis virtute validius in cerebrum immitatur, necessarias in determinatis locis depositiones, & velocitatis mutationes subire non poterit, inde debitam adipisci texturam: propterea intra cerebri provinciam vasa violenter vrgebit, fluidorum separationes, & dispensationes turbabit, & totam naturalem illius œconomiam confundet. Cerebrum item lædet, si minùs fluidus, siue à alia de causa imbecilliter corde extrudatur, quia differentibus velocitatis proportionibus conscendet, & diuersam mixtionem molietur, quocirca in cerebro volatiles particulæ non separabuntur, nec pro vasorum paruitate, quam penè infinitam testatur Leeuwenhoekius, diuidentur, vt possint à cerebri venis absorberi, aut saltem eâ facilitate, quæ necessaria foret; vnde sequuntur præternaturales compressiones, contusiones, diuulsiones, quæ plures capitis morbos excitabunt.

*Dolor,*

*Dolor, & Vigilia.*

**Q**uamuis hominis Sanguis, siue ponderosioribus particulis, siue acuminatis, & conspicuis, siue violentiori motu præditis, saturatus cerebri membranas compri-  
mendo, extendendo, diuellendo, aut alio modo earum continuum soluendo Capitis dolorem producat; id tamen non præstat, nisi quatenus neruorum liquidum à naturali, & ordinato motu dimouet: nam anomalus iste motus animæ communicatus eandem molestia afficit, inde tali turbatione, veluti summa eius miseria, anima dolet: Hinc patet quantum decipiantur dolorem in Cerebri membranis esse dijudicantes, dum in Anima est propter illa, quæ in corpore præter naturam fiunt, cuius rei plures SS. PP. monuerunt. *Dolores, qui dicuntur carnis, animæ sunt in Carne, & ex Carne.* In irregulares motus, tenuissimum neruorum fluidum facile adiget, si per validiorem compressionem à corticalibus glandulis maior, quàm par sit, eiusdem copia exprimitur, quæ in neruis, dum contineri non poterit, debito velocitatis gradu, nec secundum naturalem directionem fluat, sed vario impetu quaquaversum nitetur, & eadem actione continentis, & contenti constitutio-



nem immutabit. Eundem effectum procreabit etiam, si secantes, pungentes, aut alio modo stimulantés particulas excipiat, aut si ab impedita successiva eius separatione nimis rarefcat, quia tunc particula à certa aliarum compressione non coercita, intra maiorem locum expatiantes, violentos conatus exerunt. Si compressio, diuulsio, &c. excitent quidem continuum fluidi nervorum motum, sed æquabiliter, ut illud alia ratione à naturali motu non recedat, longam, & præternaturalem vigiliam fouebunt, sed eidem nullus dolor coniungetur, uti fieri innuebamus, si causæ potentiùs operantes nervorum liquidum continuò agitent, & incessanter à proprio ordine deturbarent.

### *Delirium, & Mania.*

**A**D rectum hominis discursum necessarium credimus certum cerebri villorum vibrationum ordinem, ita ut una vibratio aliam excitet, inde hæc aliam, & successivè aliam, quousque ad eam perveniat, quæ ideam promouet, quæ nostræ menti repræsentata, determinatæ eius cogitationis obiectum euadit; propterea cum de aliquo cogitare placet à rebus similibus exordium sumimus, inde progredimur usque ad id, cuius inquisitioni adlaboramus.

Si

Si à sanguine nimis rarefacto, & calidis particulis scatente, cuiusmodi est in febribus, tales vibrationum ordines mutantur, inordinatæ species, & incohærentia phantasmata excitantur, & æger de singulis ideis rectè cogitat, sed easdem non congruentes vniens, prauè discurrit, & delirat. Quandoque etiam sanguis actiuus, & volatilioribus particulis spoliatus, vti contingere vidimus nonnunquam post copiosas diuresim, & diaphoresim, mentem turbat, & in ægrotantibus Maniam producit. Dum intra certos tubulorum meatus latiorum, aut alia ratione sibi congruentium istud fluidum insinuatur, eos summè tendit, alijs laxatis, à quorum inæqualitate illa excitantur phantasmata, quæ hunc perniciosum morbum manifestant. Quia crassior materies nervos, ad musculos pertingentes subintrans, fortius comprimit eosdem facilimè breuiiores reddit, eoque modo venas constringit, vt Sanguis restitans musculos tumefaciat; inde est, quòd sequuntur violentissimi illi motus, & validissimæ illæ corporis vires, quæ in maniacis observantur; imo etiam à valida illius fluidi compressione, humorum refluxum impediante, magis lucidam, & minus mobilem oculorum constitutionem possumus deriuare.

*Convulsio.*

**N**aturalis musculorum actio fit, quando voluntatis imperio à nervis, ità venæ constringuntur, vt per arterias sanguis impetuosè delatus stagnando muscolum tumefaciat, cuius tumescentiâ ipse motum, & contractionem patiat. Id suadet frequens sanguineorum vasorum, in partibus præsertim muscularibus, cum nervis intima societas, & celebris illa Stenonis experientia, quâ arteriâ filo constrictâ motus cessat, nam prohibetur, ne sanguis per arterias ad tumorem musculis inferendum conuehatur. Si autem liquidum, quod nervos comprimit, aut eosdem irrigat, in alienam naturam abiuerit, & indolem pulveri fulminanti similem acquisiuerit, non ampliùs voluntati obtemperabit, sed spontè nunc nervos premens, nunc dilatans, & contrahens, sine aliqua lege venas constringet, & inuoluntariam, ac convulsuam musculorum actionem procreabit: Imo fluidum istud irregulariter agitat, huc, & illuc excurrans partium æquilibrium destruet, & tremores, aliasque huiusmodi læsiones continenter suscitabit.

*Somnus, & impotentia vigilandi.*

**S**omnus producit à defectionis sanguinis statu, ex quo incessanter generari nequit

nequit tenuissimum illud fluidum, quod nervos tubulos aptos reddit ad transferendas obiectorum impressiones organis externis illatas; Defectionis status idem non est in omnibus individuis, cum sanguis, qui in vegeto iuvene idoneum liquidum nervis non suppeditaret, in senne forsan istud præstaret, cuius diversæ structuræ vapida illius conditio sufficeret. In somno sanguini in varijs eius circulationibus activa principia à lymphæ, & chyli nouiter adduntur, vel præexistentia in libertatem ponuntur, quæ inde copiosius in nervos immissa dormientem expergefaciunt. Si autem talis sit sanguinis status, ut nec à conaturalibus possit corrigi causis, nec breui tempore præternaturalem somnum inducit, qui quandoque Carus, quandoque Cataphora, quandoque Veternis dicitur, prout magis, aut minus intensus est, prout hæc, aut alia coniuncta habet accidentia. Somnum hunc ab impotentia vigilandi non distinguimus, nec à corticalium cerebri glandularum obstructione fieri censemus. Somnus etiam p. n. à sanguine violenter agitato in certis febribus fieri potest, quia etsi particulis actiuis, & effrænis abundet, propter auctum motum à cæterarum consortio non liberantur, & ita glandulæ quaquaversum comprimuntur, & vrgentur, ne possint subtri-

subtilem hanc materiam pro nervis exprimere, & separare.

### *Vertigo.*

**V**ertiginis causam flaccidam nerveorum villorum constitutionem esse arbitramur, qui in partibus tonicum motum non conseruantes, corpus in directionis linea non sustinent, unde statim ruit. Quoniam laxatio opticis nervis etiam communis est, qui supra protuberantias inæquales concidunt, ideo isti receptas obiectorum impressiones inæqualibus, & interruptis tremoribus animæ participant, quæ hac de causa idem obiectum diuersis locis successiuè respondere, & circumgyrari iudicat, veluti si retina ab axe optico ad varia loca translato variè impelleretur. Assignatam filamentorum laxitatem fluida producunt, si minus debito eis concedantur, aut si debitâ volatilitate, aut &c. prædita non sint, quocirca in hypochondriacis, & hystericeis sæpè scotomiam obseruamus.

### *Apoplexia, & Paralysis.*

**C**ertò scimus sanguinem sive vasorum, sive eius defectu cerebro perenniter non succurrentem Apoplexiam parere. Huiusmodi porrò munus exequi nequibit, præsertim si plurimum fluiditatis amiserit, quia



quia aut nullatenus ad cerebrum pertingeret, aut illuc non accederet idoneus, vt possit materiam elargiri ad alterius tenuioris fluidi generationem, quod animalibus functionibus inseruiat. Alterius huius liquidi defectum sæpè Apoplexiæ causam esse plures edocuerunt, à quibus (supposita illius existentia) non dissentimus, in iis præcipuè casibus, in quibus nullum in cerebro læsionis signum post mortem manifestatur; cum ex aduerso in quibus serum, aut gelatina, aut sanguis extrauasatus, aut pus, aut aliud obseruatur, sanguinis vitio Apoplexiam factã esse existimemus. Eadem causa, quæ apoplexiam producit minus intensa, & corpus vniuersaliter non lædendo Paralytim, Hemiplexiam &c. excitat, & causa huiusmodi virtutem acquirere potest dictas procreandi læsiones in parte affectâ, quæ deprauatis humoribus inquinata principium illud, quod motum præstare debet, dissipet, aliò abigat, aut alia ratione peruertat, & ejus actioni resistat.

### *Epilepsia & Incubus.*

**E**Pileptica accidentia summè complicata sunt, sibiq; inuicem contraria, hinc difficile ad vnã comunem Theoriam rediguntur. Possunt ramen stimulantis naturæ particulæ siuè à lymphâ, siuè à sanguine, siuè ab alio

alio suppeditentur, per corticales glandulas nervorum liquidum ingressæ motum, eiusq; compagem vitare: Hoc vitio irregulariter, & impetu fluidum medijs nervis in musculos propellitur, qui involuntaria contractione tenduntur, & concutiuntur, nec ad ægri libitum laxari, & à motu cessare queunt, donec immixta inquinamenta non dissipentur, vel eorum motus forti mixtione coerceatur. Irritata igitur, & convulsæ cerebri fibræ obiectorum externorum motionibus, & undulationibus per externa sensoria, indequæ per nervos propagitis consentire nequeunt, hinc sensuum externorum sequuntur læsiones, quas sæpe etiam sensibus internis contingere observamus, impeditâ in cerebri villis acquisitâ per exercitium undulatione. Quoniam hisce irregularibus motibus vasa, & glandulæ angustantur, & conuellantur, hinc fiunt perniciosæ humorum subuersiones, qui in urinam, in alui fœces, in oris spumam & alia excrementa erumpunt. Dum vasa, aut auricula sinistri cordis ventriculi constringuntur, agrotantem Incubo corripì posse arbitramur, in hoc etenim statu sanguis in correfluere nequit, vel saltem non ea, qua debet felicitate, vnde pulmones ingenti pondere aggrauat, qui cum huius, & aeris con-

tenti

tenti elasticam superare nequeant, necesse est, vt æger præcordiorum angustiam, vocis priuationem, ferè totius corporis torporem, & alia symptomata, quæ in hoc morbo coniunguntur, patiatur, donec suis conatibus, & validis iactationibus illud remoueat impedimentum, quod felici sanguinis cursui obstitit.

### *Remedia.*

**Q**Vamuis non fidendum sit, remedia in viuientis humoribus eodem modo operari, ac in alijs fluidis, per rationem tamen facilè colligimus, ab iis, quæ in his producant, quid in illis præstare valent, & in quo casu vsurpari debent; hac duce cuilibet humoris depravationi eadem opportunè præscribimus, & sine illa obseruationes remedium non suggerunt.

Phlebotomiam iubemus in capitis morbis, primò ad remouendam & absorbendam materiam incongruam in parte stagnantem: secundò ad prohibendum ne particulæ sanguinem agitantes intrà cerebrum deponantur: tertio ad faciliorem particularum diuulsionem, & maiorem earum attritum impediendum, & consequenter ad calorem mitigandum: quarto ad sanguinis particularum motum secundum vnā

vnā directionem promouendum, ne ipsæ quaquauerſum excurrentes, & in partes continentes violentum impetum, & in totā fluidi maſſam inſignem tumultum concitent. Leges has mechanicas, & hydroſtaticas in ſanguine obſeruari docuit Celeberrimus Bellinus, cui mechanicæ Medicinæ inuentio debetur, quæ fecundam nobis cogitandi materiam præſtitit.

Quantum ad materiam cerebro impaſſam dimouendam cucurbitulæ proſint Medicus cognoſcit, ſi obſeruat carnem, dum cucurbitula comprimitur, ſcarificatur, inde cicatrizatur, validius conſtringi, corrugari, & denſiorem fieri, quocirca inducta ſolidiori ſtructura, & maiori reſiſtentia ſanguinem interius repelli, & ad partem affectam validiori nixu vrgeri experimur. Idem, quod dicitur de Cucurbitulis, etiam affirmamus de veſicantibus, & alijs remedijs reuulſorijs.

Opiata omnibus affectibus capitis primæ ſpeciei, in quibus Medicus ſomnum conciliare intendit, præſcribuntur; nec in iſtis tantum huiusmodi opiata ſunt admit-tenda, ſed etiam aliquando in affectibus ſoporosis debent uſurpari, præſertim ſi diaphoreticis coſmiſceantur, quorum vim tantopere adaugent. Pariter herbam Thè affir-  
mamus,

namus, licet ad impediendum somnum exhibeatur, conuenire etiam contra affectus vigiles. De virtute autem Thè quæ in nostras Regiones transfertur, multum dubitamus, & vtinam dicendum non sit potius animo indulgenda consuetudini, & mori, ad lænocinandum Nobilium genio, quàm studio restituenda valetudinis, concedi. Sæpius Thè ab infirmo assumitur, & morbus vltcrius serpit, & altius radices agit, & ægro patientia, Medicoque fides adimitur.

Est efficacissimum remedium ad Apoplexiam, & alios morbos secundæ speciei sanguinis spiritus, qui inter vrinosos, & Alkalicos præcipuum locum sibi vindicat; idem non incongruè fortasse de spiritu vrinæ, Cornu Cerui, & Fuliginis affirmaretur, qui analogis componentibus constant. Spiritum sanguinis tali energia potiri, vt possit particulas cruorem congelantes diuellere, arguimus, quia sanguinem exsiccatum soluit, colorem eidem rubicundum tribuit, & cum auro principium illud violentissimo motu pollens, quod aurum fulminans appellatur, constituit.



LÆSIONES SENSIV-  
VM EXTERNORVM.*Læsiones Visionis.*

**B**Ruta, quæ palpebris destituuntur cartilagineam corneam oculorum tunicam acquisuerunt, & quæ molliores habent oculos tribus palpebris muniti sunt; imo in volatilibus natura antèriùs velum posuit per quod ipsis videre conceditur; hinc per Anatomem Comparatam deducimus, palpebras oculos ab externis iniurijs, & violentiori luminis occurfu tueri; ac palpebrarum defectum eisdem externis iniurijs obnoxios reddere, & vehementiori lumini subijcere. Secundo cum Aves superiores palpebras immobiles, & inferiores mobiles obtineant, secus ac homines, quorum superiores palpebræ sunt mobiles, & inferiores immobiles; & cum Aves ipsæ, dum volatu eleuantur in aera, in diuerso situ debeant obiecta inspicere, ac videant homines, propterea illorum oculi visiuos radios non eodem modo perpendiculares, & conuergentes admittunt, ac homines recipere solent; Ideo per Anatomem Comparatam inferimus palpebrarum mobilitatem ad variam lucis

lucis receptionem datam esse, & vitiatam illius modi mobilitatem lucis receptionem variè turbare, ex quibus manifestò constat plures, & non spernendas læsiones in oculis fieri, si palpebræ deficient, aut deprauentur, & læsionum species ab Anatome comparata deriuari.

Cum oculus sphæroideam debeat habere figuram, quæ ab extrinseca parte versus neruum opticum exporrigatur; si illam, siuè aliam naturalem amiserit, non recipere poterit radios vndequaque confluentes, nec receptos retinere, vt refracti ad centrum conuergant; quin etiam cum propter assignatam figuram oculus celerrimè inuertatur, vt citissimè multa admittat, & quæ sunt in diuersis locis vno momento percipiat, ideo si impropiam figuram obtinuerit, ad talia munia exequenda erit inidoneus. Oculi Magnitudo corporis molī respondeat: alioquin visio valdè infirmabitur; quod colligimus ab oculis Noctuæ, qui licet Galli oculos in magnitudine excedant, quia Noctua minorem habet corporis molem, per talem impropotionem, & vim minorem videndi acquisiuit, qua eadem causa Talpa pollet visu obtusiore visu muris; cum Talpa, & si corpus magis procerum, oculos tamen minores obtinuerit. Oculus quoque

M 2

depra-

deprauatur, quando naturales eius colores mutantur, & potissimum, si obscurus color quo tunicæ debent interius obsideri, imminuatur, tunc etenim radij lucis dissipabuntur, nec ad imaginem vniri poterunt in oculi fundum imprimendam; & radiorum huiusmodi necessarias esse cognoscimus vniones in oculis Bouis, & Noctuæ &c. quando tunicas vitreum humorem ambientes posterius diffecamus, earum loco oui corticem apponimus, & oculos formini fenestræ cubiculi clausi locamus, quo casu ex radiorum vnione obiectorum imagines licet inuersè, clarè tamen repræsentantur: imo Boyleus in Philosophia experimentalì oculum species visibiles cerebro repræsentantem, tubo optico comparans, eandem rem testatur in oculis Hominis, Tauri, Felis, & præsertim cuniculi albi, cum in hoc ita transparentes existere oculos edoceat, vt radij ab obiectis externis ad organum delati, & crySTALLINUM transgressi in retinam exteriorum rerum ad viuum exhibeant picturas, quæ propter animalium huiusmodi sclerotidis transparentiam apertissimè conspiciuntur, & clariùs etiam lucente Sole, quam accensa face illustrante.

Multa porrò sunt oculorum vitia, ad  
quorum

quorum exactam cognitionem nunquam perueniemus, nisi minimarum nostri corporis particularum penitiorem calleamus Anatomem. Nos latet quomodo humores intra tunicas contenti naturalem conditionem immutent, & visionem corrumpant; cum ignoretur an humores illi continuò fluant, & resiliant per arterias, & venas, aut per peculiare lymphaticum, vt jam crediderat Nuckius, an tales in primordijs generationis ibi fuerint constituti, an certis glandulis intra tunicas ambientes locatis, separentur. Si autem certò sciremus, vti improbabile non est, è certis minimis folliculis oculorum humores sensim separari, non ineptè inde deduceretur, eos deprauari, si loco diaphanæ lymphæ excernatur, aut propter laxitatem structuræ separantis, seu propter impetum humoris separabilis liquidum crassioribus, aut alio modo incongruis particulis imprægnatum, à quo rectus impediatur luminis transitus. Prohibetur etiam lumini aditus, si particularum vice, quæ in corneæ nutritionem naturaliter facessere debent, aliæ improporcionatæ superaddantur, quæ asperam, & inæqualem reddunt illius structuram, ablata debita superficialium adaptatione, & turbata pororum situatione, quibus diaphanum

corpus reddi conspiciamus, vnde cornea, & pupilla opacitatem acquirunt, & visuarum specierum inhibetur ingressus. Si plures in cornea inæquales vniantur superficies, in qualibet lux refrangitur, & refracta vim penetrandi deperdit; id in opaco edocemur quod innumerabiles habens superficies, in eisdem radij ita refranguntur, vt vim penetrandi omnimodè amittant, quo circa in puluere ex crystallo comminuto propter superficierum varietatem, & multiplicitem radij toties refranguntur, vt nihil penetrare possit, hinc corpus opacum euadit.

Quamuis Cornea, Aranea, & tres humores si diaphana non sint, & isti suffusionem patiantur, visionem multum offendant, hanc tamen actionum præstantissimam magis violare indebitam crySTALLINI figuram apud omnes in confesso est, vtpote quæ ad debitas lucis refractiones præcæteris concurrat; id etiam aperiunt Pisces, qui lumen à medio densiori, id est, aqua immediate recipientes, crySTALLINAM lentem magis planam obtinuerunt, vt lumen ab aere transiens in aquam ad perpendicularem refractum, minus in crySTALLINO refrangatur, & ad debitum locum vniatur. Oculi crySTALLINAM lentem naturali planiorem habentes  
apicem



apicem visualis coni ultra retinam excipient, qui res obscuras, atque proximiores repræsentabit. Talis CrySTALLINI figura Omphalopyam infert, quæ Myoptra corrigitur. Oculi vero globosiore crySTALLINO præditi apicem pyramidis citrà retinam recipiunt, qui res etiam debito obscuriores exhibet, & idcirco organa alio morbo, scilicet Myopiâ lædit, quæ Omphaloptra, & perspicillo medio excavato emendatur. Quis crederet naturalem visionem non numquam impediri, si paralyfi afficiantur carnea illa filamenta crySTALLINO superposita, cum hic tunc non possit, neque antè accedere, neque postè recedere, vt ad iustam visualis coni receptionem pro distantijs diuersis aptè disponatur, cuius rei necessitatem, vt aprehenderemus, natura nobis ostendit in certis auibus, quibus oculorum tunicæ inflexibiles, & penè osseæ existunt quædam nigra fila, quibus crySTALLINUS oculi fundo alligatur, vt in ipsis talis humor retrahi, & relaxari possit.

Nec prætereamus, neruorum optico-  
rum obstructions totalem cœcitatem inferre, & si alia oculorum structura naturaliter constituta remanserit; 2. nerueorum villosorum inæquales tensiones, diuersimode ab obiectis accipientes motiones, axium visionis

inclinationes vniformes non seruare, & geminum repræsentare obiectum, ac alijs mille modis tam nobilem sensationem turbare; propterea scripsit Briggs neruorum optimorum filamenta extendi vsque ad eorum thalamos, qui sint veluti chordarum vnisonarum ponticuli, & omnia filamenta superiora vtriusque thalami ad partes vtriusque oculi superiores produci concordia, & homotona; lateralia pariter, & inferiora; inde fibras concordēs ferri ad partes oculi sibi oppositas binas parallelas eundem situm, tensionem, & flexionem obtinentes scilicet duas summas, duas laterales internas, totidem externas, & duas infimas symphoriacas existere concurrente tamen musculorum æquilibrio. Vnde si tales leges non seruent, oculorum harmonia vitiabitur, & innumera visionis insurgent deprauationes.

### *Lesiones Auditus.*

**P**RÆ cæteris organis Auris in diuersis animalibus variat, & huius sensorij differentias institutas esse credimus, vt vno, aut altero modo, maiori, aut minori intensione sonus communicetur. Quadrupedum Auriculis plures muscoli dati sunt, vt ad sonum recipiendum facilius disponderentur;  
Mearus

Meatus acusticus cartilagine munitus est in Vitulo; & in Porco concha crusta obducitur, vt in animalibus istis obtusioribus in solidiori cartilaginea substantia sonoræ species adangerentur; Propterea coniecturæ locus est, quod Auditus in animali hebetescat, si aut musculi Auriculæ ab officio cessauerint, aut cartilaginea substantia fluidis incongruis perfusa naturalem texturam amiserit; prout etiam indicare videntur Aues, quæ ad acusticum meatum, tympanum habentes, perfectiori potiuntur auditu; ideo non cartilagineam Auriculam, sed huius loco paruum tantum cutaneam protuberantiam acquisiuerunt.

Pisces, qui sonoras impressiones in Aure multum augere debent, quia sonus per aquam transiens valdè imminuitur, adepti sunt, vltra cartilagineas substantias, corpora quædam membranosa, quæ supra tympanum instar mediastini perpendiculariter eriguntur; Ex his inferimus membranas in sensu auditus præcipuum locum sibi vendicare, & ab earum læsionibus auditum non parum deprauari, quod etiam nonnulla Insecta ostendunt, quibus non solum duplex tympanum, sed plura antra membranis testæ sunt impartita. Hanc rem defendimus, quia membranas potius quam

neruos acusticos organum auditus alias nobis placuit determinare, cum tale organum nervis magis debeat extendi ad phonicos conos recipiendos, non diuerso modo, ac videmus retinam ad pyramides visivas suscipiendas dilatari. Secundo dum in aliquorum piscium Aure aerem per certos ductus vsque ad piam matrem excurrere observamus; Inde dicimus frequentissimè auditum membranarum mutatam texturam perturbare, licet nervi siue laxiores, siue rigidiores, siue obstructi ad dictum sensum deprauandum, & abolendum quandoquè concurrant.

Nec solum membranarum, sed ossium vitio Auditum lædi arbitramur; si nempe ossicula illa, quæ in diuersis animalibus quoad omnem conditionem differunt, à naturali statu recesserint. Secundo si ossis petrosi præcipuè in labyrintho naturalis structura immutetur, v.g. si gyri in cochlea, & meatus in canalibus semicircularibus in debitas circumvolutiones non disponantur, aut obliterentur. Isti autem morbi curationem non admittunt, & sunt illius conditionis, quibus sanandis subtilissimam Anatomem nihil contulisse regerunt Empirici.

Aurium sonitus, & tinnitus, plerumque tribuitur causis contenta intra labyrinthi cavitatem

tatem turbantibus; quæ causæ censentur liquida, & sanguinis recrementa membranas; & nervosiugiter stimulantia; His addendæ sunt nervorum, & villorum membranarum nimix tensiones, quæ consuetum aeris appulsus non sustinentes tremunt, ac multiplicatum Animæ incessanter repræsentant sonorum obiectum. Cerumen illud flavum, quod in glandulis auditorij meatus separatur existimamus datum esse, ne aer externus in auris membranas nimio impetu irruat; in quem fortasse finem aquam certis receptaculis reconditam in nonnullis piscibus observamus. Si cerumen in talem naturam abierit, ut aerem appulsus non remoretur, sed ipsius motum potius stimulo promoveat, tinnitus producet in aure continuus, quem semper percipiemus, si circa dictum meatus, peccante glutinoso illo succo, vlcus aut vulnus præcesserit. Nisi etiam crederemus concussiones, tremores, & paralyses musculorum auris internorum, aeris variè turbantes motum, ad fastidiosum hunc sonitum efficiendum conferre.

Vitiari auditum, detrufis, non tantum per sanguinea vasa ichoribus in internam aurem, verum etiam si nervi, & membranæ inepta materia imbibantur, Magnus scripsit Hippo.



Hippocrates de locis in homine; nervi namque desinunt ad ossa, & in membranas expansi organum constituunt, quod extra-neo humido grauatum, non æquè benè consentit vndulationibus ab extra, mediante aere, propagatis, nec successiuo spirituum tremore, media nervorum continuatione cerebro communicatis. Membranae aliquando per nouæ materiæ additionem in talem crassitiem excrescunt, vt species sonoras omnino extinguant; Vnde surditas, eo modo, ac si omnes nervi acustici essent paralyti affecti, & si gyri ossibus summa industria insculpti ab erosione, aut alia de causa obliterentur, rudis tantummodo strepitus sensus habebitur, nec aeris sonantis distinctæ modificationes organo poterunt imprimi.

### *Lesiones Gustus.*

**N**umquam tutò recensebimus modum, quò Gustus deprauatur, si ignorauerimus partem, quæ huius sensus adæquatum organum existit. An lingua huic muneri sufficiat, plures hæsitabunt, si ad Anatomicen comparatam paululum attendant. In Acu marino lingua est ossea. In Pico tribus ossibus constat. In alijs Animalibus cartilagineam habet naturam, quæ structuræ ad aliquam sensationum omninò sunt inidoneæ;

imò

imò lingua in diuersis Animalibus instar fili restringitur, vt ad objecta sapida excipienda inepta videatur. Si ergo Gustus hisce Animalibus inest, satius erit ad ipsum aliud organum comparare, & eo magis cum ab Anatome comparata didicerimus linguam factam esse ad vocis articulationem, propterea nonnulli vocis plectrum appellauerunt; quis enim non nouit linguæ Psittaci cum nostra similitudinem; quod ita rei consonum est vt in Animalibus alijs ad proprios cuiuslibet sonos efformandos videatur constituta. Lingua Chamæleontis est fistula intus funiculum continens, qui instar Testudinis chordæ extenditur, & contrahitur. Phoca linguæ aciem bifidam extremè tenuem, & sibilum edentem instar Trusionis obtinuit.

Non asserimus tamen in lingua aliquam particulam non esse, qua objecta sapida percipiantur, vti & aliæ plures in eadem reperiuntur, quæ fluida secernere valent ad alimentorum solutionem facientiâ, quod manifestè experimur in Cygno in quo lingua est vtrinque poris peruia, & innumeras ferè glandulas continet; sed tantia munera ipsi non videntur principalitèr fuisse concessa.

Plures vero in ore sunt partes, gustandi  
vir.

virtute pollentes, scilicet labia, palatum, lingua, pharynx, quæ si naturalem structuram amiserint, eisdem non fit debita obiectorum appositio, & propterea incongruè percelluntur, ac sensus naturaliter non elicitur. Deinde si glandulæ, quæ in partibus istis copiosè continentur, propriam non retineant conformationem, quòcirca loco naturalis lymphæ sale acri, sale acido, & sulphure saturatæ, alium ichorem separent, qui dum ingestis commiscetur, aut virtutem, præternaturalem saporem efficiendi, eisdem conciliat, aut tertiam mixturam producit, è qua indebita saporis efficientia resultat. Pariter si sanguis particulis scateat sulphureis, aut alterius generis naturali eius constitutioni impropportionatis, vt contingit in febricitantibus, lue Venerea infectis &c. illæ in glandulas oris copia, & impetù irruentes ipsas violenter distrahunt, & invalidam expressionem fortius vrgent, vnde succus excernitur, qui aut proprio acore faces adurendo, siccitatis, ardoris & sitis molestissimum sensum producit, aut alio sapore ingrato alimenta inficit, quæ ad nervorum filamentorum contactum amarum, austerum, aut alium saporem huiusmodi occasionant.

*Lesiones Odoratus.*

**O**Doratus læditur, quotiescumque organo aliquid occurrat, quod naturalem eius constitutionem peruertat; & peruertitur, quando aliquid, vel in meatibus externis, vel in membranis, earum glandulis, & ductibus, vel in ossibus ethmoide, & cribriformi, vel in nerueis processibus obuium est, quod odorosi corporis naturalem prohibeat impressionem. Veteres arbitrati sunt impressiones illas potissimum copiosos ichores impedire Hippocratis auctoritate freti, qui libro de Carnibus asserit ad odores recte percipiendos siccas, non vinctas nares requiri. Cuius tamen rei falsitatem à Brutorum Anatome cognouerunt solertissimi naturæ Observatores. Canes (vt plura alia ex omni genere animalia prætereamus) quorum odora vis nulli non cantata, copioso quodam madore nares irrigatas habent, vt inde inferatur necessariam fuisse lympham ad halitusosorum corporum faciliorem in poros membranarum, & nerueorum villorum immissionem; atque si organum odoratus siccitatem requireret, nulla in naribus posita fuissent vasa, cum non modo nulli fuissent vsui, sed & ipsum odoratum impedirent.

Innumeræ in naribus reperiuntur lamellæ,  
quæ

quæ in diuersas circumuolutiones disponuntur, & harum aliquæ in figuram semicirculi recuruantur, aliæ vero bifidæ apparent, & aliæ circa axem instar cylindri circumuoluuntur, vt in Damis, Ceruis, Bobus, Agnis. Ab huiusmodi autem lamellarum immutata conditione, non minus odoratum deprauari conijcimus, ac à mutata cochleæ, & Canaliū semicircularium structura auditum lædi diximus. Lamellæ enim seruiunt extendendæ superficiei narium tunicæ, vt facilius odoriferæ particulæ, vna cum fluido respirationis impulso, sentiantur; vnde quo plura in aeris via existunt lamellarum interstitia, & plures in diuerticulo tubuli, eo amplior tunica omnia hæc ossa inuestiens, quæ hac ratione simul plures odorosas particulas recipit ad perfectiorem sensum efficiendum. Hanc rem à pluribus deducimus. Primò etenim inorganis sensuum nerui semper in plura filamenta, & ramificationes diuiduntur, vt sentiendi potentiam valeant dilatare. Secundo in Auibus, & Piscibus, vbi ossa tantopere extensa non sunt, positæ fuerunt duæ membranaceæ tubulatæ vesicæ, ad quas pertingant duo nerui à cerebri summitate (præter processus mammillares, qui in omnibus animalibus non reperiuntur) vt vesicæ illæ tubulatæ, cochleæ



chleæ instar excavatæ , & tenui membrana inuestitæ , sint Odoratus organum : Tubuli recensiti in Auibus ad pulmones vsque pertingunt , secus tamen in Piscibus ; in quibus sunt rotunda cauitate conclusi ; unde cum per externa istius organi foramina, quæ interueniente exigua membrana aperiantur , & clauduntur , odorosa obiecta recipiant , si tubuli à natiua structura recesserint , olfactum deprauari manifesto probabimus.

Vitiatur etiam odoratus , si halitus foetidi ab aliquo loco scaturientes , incessanter nares feriant , cuius ratione contingit , vt omnia ægrotanti , etiam quæ suauiter olent , foetere videantur , sicut quibus lingua bile suffusa est , omnia amara esse putant ; organum enim , ad rectam sensationem alicuius obiecti , ab omni alio obiecto liberum esse debet.

### *Lesiones Tactus.*

**Q**Via Tactus sensus est cæteris sensibus communis ideo læsiones etiam ipsis communes patitur. Dum enim impeditur principium illud , quod omnes sensus actuat , non solum ij deprauantur , sed omnino abolentur. Impeditur autem dum scinduntur , & corroduntur neruorum filamenta , aut ab

N

aliqua

aliqua materia obstruuntur. Secundo dum à debita tensione relaxantur, vt impressiones organis externis, illatas nequeant nervorum principio communicare, quæ vitia infeliciter experimur, quando membrum aliquod, aut sensu totaliter destituitur, aut stupore tentatur. Quoniam verò exterius obiecta nimia violentia organis non debuerant applicari, ideo ad talem approximationem impediendam natura posuit densa papillarum strata, quæ si quandoque in aliqua parte deficient, obiecta nerveos villos immediatè vrgent, & sensum dolorosum excitant; hinc habetur ratio, cur ad sensum tactus interni moderandum, papillæ non fuerint constitutæ, cum obiecta magis depurata, & mitiora partes internas percellant.

Tactus redditur sæpe inidoneus ad obiecta iustè recipienda, quia spiritus in illius organo ita agitantur, vt etiam si rem calidam attingat, si hæc minorem habeat in eius particulis agitationem, eandem vt frigidam animæ exhibet, & è contra dicti spiritus possunt taliter hebetescere, vt etiam si tactus rei frigidæ occurrat, si huius particulæ maiorem motum habuerint, vt calidam animæ repræsentabit; Propterea cum in sensibilitate debita, tum in eius læsionibus

bus animus attendere debet illas relationes, quas corporibus impartiunt nouæ relationes ad organa sensuum, vt propter congruitatem aut incongruitatem quoad motum, figuram, aut texturam obiectorum ad nostra sensotia possint haberi debitæ, aut indebitæ sensationes; ac vitium præcipuum recenseatur improprio inter primaria obiecti sensibilis accidentia, & peculiarem organi affecti texturam.

### *Remedia.*

**D**Antur Remedia quæ exhibita interius, dum fluidorum indolem alterant, possunt particulas nutrientes organis sensuum externorum adiungere, vt deprauatam texturam immutent, & naturalem post longum tempus constitutionem restituant, puta, si serosis, & liquidioribus particulis sanguis abundet, falsa, china, lignum guaiacum, chalybeata, &c. particulas solidiores intermiscendo sanguini talem consistentiam inferre possunt, quæ effectum dictum valeat præstare. Aliæ etiam particulae possunt per sanguinem extrahi ab euphrasia, chelidonia, & alijs simplicibus, certis organis appropriatis, quæ in partis affectæ poros se insinuantes, eandem ad pristinum tonum restituant. Nisi tamen morbus vitio

fluidorum multum à naturali recedentium fieret, vt in Lue venerea, & Scorbuto contingit; recurrendum potius esset ad localia, scilicet Collyria, Apophlegmatismos, Errhina, Ptarmica &c., quæ partem constringendo, abstergendo, aut diuellendo, vel id, quod eidem impactum est, dimouent, aut villis constrictionem inferunt, & inquinamentorum è fluidis depositionem impediunt, & parti immediatius succurrunt, & læsionem facilius, & citius de medio tollunt.

Thermæ, quas natura è liberali sinu terræ magna summi conditoris prouidentia affatim suppeditat, ad valetudinem quâ tuendam, quâ recuperandam insignem vsum habent in morbis sensuum externorum, etiamsi exterius tantum adhibeantur ad lauandum, aut ad instillandum. Si ad lauandum vsurpentur nonnullæ aquæ Thermæ, quæ aliquam speciem Boli contineant, à fluidioribus, & nimis dissolutis ichoribus laxatam organorum structuram facile ad pristinum tonum restituent, eandem exsiccando, constringendo, & consolidando. Si porro ad vsum reuocentur aliæ calidiores, quæ continua particularum lucta ebulliunt, contumaces istarum partium obstructiones, & impedimenta à viscidiorè materia procreata dimo-

dimouere queant; dum particulæ Therma-  
 lium concitatæ intra arctatos poros adaucto  
 impetu, & violentiori nixu se insinuabunt.  
 Si demum aliæ præscribantur, quæ particulis  
 vitrioli, ferri, aluminis, nitri & aliorum sa-  
 lium saturatæ sunt, utilis instituetur Embro-  
 catio, cum ex hisce particulis maiorem gra-  
 uitatem, & vim stimulantem aquæ Thermo-  
 les nanciscantur, vt quemlibet humorem  
 arctissimè parti impactum validissimè dimo-  
 ueant; & Faloppius testatur obfirmatam  
 surditatem vsu Thermarum stillicidij maiori  
 ex parte fuisse curatam.

---

## CAPVT SECVNDVM.

*De Vitijs Sanguinis ad Thoracem  
confluentis.*

**S**anguis à naturali statu recedens, in  
 Thorace, vbi eius initia sumit, pri-  
 mò suas anomalias manifestat; to-  
 tam pectoris œconomiam peruertit,  
 si circularis eiusdem motus perturbetur;  
 quod fit quando arteriæ, aut venæ exte-  
 riùs comprimuntur, aut interiùs obstruun-  
 tur. In Animalibus obesis, quia vasa à  
 nimia pinguedine coercentur, sanguis

N 3      ad



ad cordis motum continuandum debitè non suppeditatur; proinde in vasis suis, & corde stagnat, & concrefcit; hinc animalia, præsertim fi corde imbecillo fint prædita, repentina morte corripuntur. Lethalia fequuntur fymptomata, quando magna arteria ante diaphragmatis egressum constringitur, nam fanguis toti corpori debitus, & omnibus vasis quantitate proportionatus, in partes tantùm superiores congeritur, cor, imò caput ipfum inundat, quæ cùm sanguinem infimi ventris visceribus destinatum excipere nequeant, opprimuntur, fuffocari videntur, & tanta cordi perturbatio tribuitur, vt animalia mille irrequietis motibus agitata, extremis iactationibus, & conatibus, id, quod sanguinis circulationem impedit, amouere conentur. A Venæ autem caux compressione, ligatura, aut obftructione fluxûs in cor sanguinis impeditur, & animalia in summos languores, & virium defectum incidunt, quia fanguis toti corpori debitus, inferioribus tantùm partibus conceditur, & caput ipsius influxu priuatum, animales fpiritus, ad cordis motum perennandum, gignere nequit; proptercâ, & vires deficere, & vitam breui extingui necesse est; licet finè aliquo corporis cruciatu, & animi contentione tunc animalia morian-

moriantur. At si vinculo venæ intra pectus  
 constringantur, cum ex arterijs in venas  
 continuus effluxus impediatur, totum san-  
 guinis serum à parte fibrosa secedit, ac vni-  
 uersam abdominis cauitatem replet, ita vt  
 singula viscera extrauasatæ lymphæ innatare  
 videantur; Simile quid contingit, si iugu-  
 lares venæ constringantur, cum breui post  
 omnes supra ligaturam partes intumescant,  
 & citò animal extremo fato, quasi Angina  
 suffocatum cedat. Partes autem Sanguinis  
 facîle ab inuicem separantur, quia ipsius  
 elementa sunt particulæ variæ figuræ, mo-  
 lis, & motus, quæ motu circulari, & inte-  
 stino agitatae, lymphæ spolio simul conti-  
 nentur, ac quandiu in debita sunt dosi, so-  
 lidæ cum fluidis, angulares cum explana-  
 tis, & sinuosis, volatiles cum fixioribus,  
 rectè commiscentur, & cruor optimæ est  
 notæ, per vniuersum corpus naturaliter cir-  
 culator, ac in diuersis colatorijs opportu-  
 nitate structuræ varios liquores deponit;  
 quod si variæ huiusmodi particulæ has con-  
 ditiones non seruauerint, diuortium patien-  
 tur, solidæ à liquidis, volatiles à fixiori-  
 bus secedent, tota sanguinis crasis turba-  
 bitur, & ipse, qui antea salutis fons erat,  
 cum naturalem non retinuerit constitutio-  
 nem, & in alienam facefferit naturam, in

morborum scaturiginem mutabitur. Has mutationes observamus in lacte, quod cum sanguine summam habet analogiam, & quod debitè mixtum ad hominis nutritionem summè proficuum est, si debitam mixtionem amiserit, aut per acidi affusionem, aut per alterius incongrui principij ex aere absorptionem aut per sui particularum exaltationem, & fluorem talem mixturam acquisiverit. Hæc sunt quæ diuersorum morborum in nobis fecundissima causa euadunt.

### *Thoracis Inflammationes.*

**N**Vlla est in Pectore læsio frequentior inflammatione, cuius duæ sunt species, Phlegmone, & Erysipelas. Hæc prout diuersas partes occupant, diuersis nominibus dicuntur; si Fauces, & Laryngem, Angina, si Pulmones, Peripneumonia, si Pleuram, Pleuritis, si Diaphragma, Paraphrenitis, & verum est illud Hippocratis in libro de flatibus, morborum vnâ esse speciem, & tantum penes partem affectam differre. Sanguis æquabili impetu, proprijs tamen vasis proportionato, scilicet in diuersis vasis iuxta variam magnitudinem, & consistentiam variò, debet per arterias fluere, & per venas reuehi; quando talis motus perturbatur, quia vasa intorqueantur, constrin-

constringantur, viscidior materia obstruantur, particulæ humoris fluentis, cum vasis in figura non conueniant, fibræ nimis incrispentur, aut laxentur; tunc impetus ad latera vasorum communicabitur, & sanguis consequens in antecedentem violenter impinget, hinc necessariò vasa extendentur, & laxabuntur, ac sanguis extrauasabitur, & stagnabit; atquæ ipsius partes à motu circulari, & intestino non ampliùs agitatz ad inuicem separabuntur, & actiuiores sulphureæ, & salinæ in libertatem positæ auolantes, ruborem, insignem calorem, tensionem, & pulsantem dolorem efficient, modo quo dum digito spina infigitur. Quæ igitur sanguinem crassiores reddunt, ac alio modo ad impetum recipiendum, & conseruandum ineptum faciunt, inflammationes valent procreare; vt etiam, quæ ex aduerso sanguinem mobiliorem pariunt, & disponunt ad validiorem impetum à corde recipiendum, eundem rarefaciendo, canales dilatando, regularem motum impediendo, inflammationem ipsam producere pollent. Fibræ nimis laxæ, aut nimis corrugatz talem effectum præstare possunt, quia primæ, vix inuicem cohærentes, per aliquas particulas humidæ laxatz supra vasa concidunt, & secundæ nimis tensæ, subeuntibus

intra ipsarum poros liquidis particulis, vt contingit in funibus, vasa constringunt, & sanguinis cursus vtroque modo prohibetur. Inflammatio, quæ cum febre coniuncta est, febris semper effectus credatur, cum copia materiæ, quæ febrilem turbationem parit in aliquam partem facile extrauasetur, & ibidem Phlogosim producat. Non autem ex aduerso rationi consonum est, inflammationem febrem efficere posse, cum paucæ particulæ, quæ è phlegmonis, aut erysipelatis materia eleuari deberent, sanguinem saturare nequeant, vt magnam febris ebullitionem, & vniuersalem sanguinis organum gignant.

### *Angina.*

**A** Ngina est Phlegmone circà fauces, cuius Medici plures faciunt species; nam si interiores laryngis musculos occupaerit, Cynanchen, si exteriores, Paracynanchen, si internos Pharyngis musculos, Synanchen, si externos, Parasynanchen dicunt; attamen ob arctissimam harum partium vnionem impossibile est vnâ inflammatione tentari, absque alterius læsione; quinimò dum vna in tumorem attollitur, alterius vasa comprimendo, fluidorum motum impedire, & inflammationem parere debet.



debet. Phlegmone faucium aliquando [ma-  
 iori sanguinis partium dissolutione, & ef-  
 feruescentia easdem in ingentem tumorem  
 extendit, & respirationem, & deglutitio-  
 nem impediendo, suffocationis, & proxi-  
 mæ mortis summum minatur periculum;  
 aliquando minus variata sanguinis textura,  
 mitiora symptomata producit; quæ prout  
 magis, aut minus lethalia sunt, duas An-  
 ginæ species, Vnam exquisitam, & sæuio-  
 rem, quam Cynanchen, alteram spuriam  
 & mitiorem, quam Paracynanchen. distin-  
 guere alij tradiderunt; est autem vasorum  
 tam superiorum quàm inferiorum compres-  
 sio, quæ sæpius huic actioni suffragatur;  
 imò eadem compressio est, quâ fit, vt Pul-  
 monum, Faucium, & aliarum Pectoris par-  
 tium inflammationes plerumque se inuicem  
 consequantur. Huc etiam reuoca prauam  
 in musculis fibrarum conformationem, præ-  
 sertim si hæ laxiores sint, nam tunc nimis  
 solutas, fluidiores, & exaltatas sanguinis  
 particulas intercipiunt, quibus pluribus ibi-  
 dem aggestis, pars in perniciosum tumorem  
 concrefcit.

### *Perypneumonia.*

**Q**uia tria fluida, Chylus scilicèt, Lym-  
 pha, & Sanguis, quæ nondum ad  
 mini-

minima sunt commixta, nec in vnam naturam coaluerunt, per Pulmones circulantur; ideò dùm sibi inuicem improporcionata sunt, debitam non subeunt mixturam, sed agitantur, & varias solutiones, & concrectiones patiuntur; ità præter naturam constituta, dum intra vasa contineri nequeunt, foras irruunt, & stagnando in irrequietas particulas resoluuntur, & Phlegmonem, aut Erisipelas producunt; quæ ratione partis affectæ Peripneumonia appellantur. In Pulmonibus, ex aere separari debet principium summa energia præditum, quod ad sanguinis mixtionem, & ad motum plurimùm conducit, & cuius defectu animal statim emoritur; si autem illius Principij loco, eliciatur sal aliquod coagulans, aut aliud corpus sanguinis compagem destruens, hoc in Vasis, & extra vasa stagnabit, ipsoque sistente nouus iugiter affluens, partem in tumorem attollet; huius rei experimentum habemus, quando per iugulares, aut alias venas, certos liquores ex mineralibus, aut fossilibus, tam fixis, quam volatilibus paratos sanguini infundimus, quibus, aut totalem coagulationem, aut omnimodam dissolutionem momento cruori impertimur. Sanguinis autem quies eo facilius in Pulmonibus sequitur, quia innumera vasa ibidem  
 ad

ad minima diuiduntur, & in reticulares plexus contorquentur, quæ structura maximè circulantis liquidi impetum frangit; ac præsertim, cum membranosa folliculorum conformatio, parum resistendo, affluentem sanguinem facillimè admittat, eundem refluentem modicùm impellat.

Quamuis Veteres, Pulmones sensu carere pluribus in locis edocuerint; his tamen refragatur primò Hippocratis doctrina, qui de internis affectionibus scripsit, *Si Pulmo ab Erysipelate intumuerit, tussis eadem sicca, difficultas respirandi, nec non dolor fortis.* Secundò membranosa Pulmonum structura, & insignes neruorum fasciculi, qui vndequaque per eosdem propagantur. Pungitiuum doloris sensum patiuntur Pulmonia affecti, si materia irritans neruea fila conuulserit, aut stimulauerit, & grauatiuum, si materia stagnans, aeris intra folliculos descensum prohibuerit, qua fiet vt Pulmo grauior reddatur, & æquilibrium cum aere non seruet; vnde etiam respirandi difficultas additur.

### *Pleuritis.*

Sanguinis quies, quæ causis iam dictis sequitur in extremitatibus intercostalium valorum, aut extra ipsa circa Pleuram, & in-

& intercostales musculos, idem inflammationis genus producit, quod à parte affecta Pleuritidem, Morbum costalem, & lateralem appellarunt. Pleuritidem cum Peripneumonia identificari, contra Veteres Medicos solertissimi Recentiores edocuerunt, id præcipue à Cadauerum dissectione derivantes, nam in Pleuritide extinctis Pulmonem inflammatum semper inuenisse testantur; & ab Hippocratis auctoritate, qui de locis in homine scribit *cum ambo latera doluerint, reliqua verò similia, velut in priore fuerint, hæc quidem Peripneumonia est, illa vero Pleuritis, & inferius addidit; si verò alterum tantum Pulmonum latus, Pleuritis sit.* Verum in hac controuersia nos asserimus Pleuritidem cum Peripneumonia non identificari, sed tantum facile connecti, & inflammato Pulmone sæpè Pleuram inflammari, & è conuersò; Primo, quia dùm pars vna in tumorem attollitur, alterius proxima vasa comprimendo, impedit nè vasa discludantur, & necessariam sanguinis in ipsa promouet congestionem; Secundo quia obseruatione nunquam satis laudatæ Bellini, Pulmonum pelliculæ Pleuræ continuantur quod in Auibus, Pulmones costis annexos habentibus, manifestissimum est. Nec dubitari debet sanguinem à turbatione, &

prauo fermento in partes dissolutum, aliquas portiones ad latus, alias in Pulmonibus demittere. Seu autem morbum à parte affecta cum Hippocrate denominetis, manifestò patebit, Pleuritidem à Pulmonia non incongruè distingui; seu nobiscum sentiat, morbum esse concursum accidentium, siue symptomatum, quæ in vnam denominationem concurrunt, & determinatam speciem morbi constituent, quam homines, hoc aut alio nomine, tacito consensu appellare conuenerunt, Pleuritidem cum Peripneumonia adhuc non confundetis; diuersa eni sunt symptomata, potissimum læsam respirationem adspicientia, quæ ad Pleuritidem denominandam, ab ijs, quæ ad Peripneumoniam, congregantur.

*Empyema, Vomica, Phthisis, & Hemoptoe.*

**P**leuritis, & Pulmonia non benè iudicata, in Empyema transeunt, quia quando Tumores isti suppurantur, & Apostema disrumpitur, pus in Pectoris cauitatem decedit. Tumorum enim materia, euaporatis partibus spiritosis, & subtilibus, ex toto mutatur, ac remanens concreti mixtura inspissatur, & paulatim grumescit (vti videre est in extrauasato cruore in grumos abeunte) succed-



ſucceſſiuè corrupta , ſanioſum , & purulentum contrahit acorem , & ſanguis , qui prius coccineus erat , in albam ſubſtantiam mutatur , veluti ſi acidum quoddam liquori ſulfureo aſſunderetur. In Pulmonibus inflammatis aliquando pus circa locum affectum aggeſtum , diutina coctione in fluidum faceſſit craſſum , & flavum , quod internam Pulmonum ſubſtantiam ſenſim corrodens phthiſim parit , inde tunicas lacerando intra Thoracis cauitatem deſluit.

Cum Empyemate ſummam habet analogiam Pulmonum Vomica , quæ eſt abſceſſus in Pulmone factus , cujus materia intra aliquam Pulmonis cellulam colligitur , & taliter augetur , vt vaſa comprimat , & ſanguini circulanti malignum influxum inſpiceret , ac demum materia ad plenitudinem collecta , & concoctione in pus mutata , febrem excitat , folliculum occupatum frangit , & quaquà verſus exundat , quæ dum ſanguini commiſcetur , eundem , quaſi veneno tactum , ſtatim penitus corrumpit , & dum Pulmones replet , aeri ad vitam ſummè neceſſario , aditum præcludit.

Sanguis Phthiſim producit , quando erofivis ſalibus , aut alijs particulis incongruis ſaturatus , Pulmonum ſubſtantiam lacerat , ac diuidit , & in iſdem prava vlcera promit.

mit. Secundò quando in sanguine acida materia inuenitur, quæ, cum ad coagulationem disponat, crudos tuberculos, & abscessus in Pulmone producit, inde materia in tuberculis contenta erofuis falibus aperiendo, & lacerando minimos Pulmonum meatus, per vesiculas in bronchia permeans, sputum malè coloratum, & difficilem anhelum, aucto Pulmonum pondere gignit. Quia à rebus incongruis permixtis, chylus, lymphæ, & sanguis inficiuntur, fit inter ista quædam præternaturalis lucta, è qua febris ortum trahit, quæ in prauum sudorem terminatur, facta præcipitatione serosioris materiæ. In tali porrò constitutione sanguis, balsamicis, & vinctuosis particulis priuatus, partibus nutriendis non apponitur, quin potius ab eisdem, particulas prius hærentes abradit, quâ fit vt brevi totum corpus emarcescat.

Affectiõibus recensitis proxima, & affinis est Hemoptylis, seu Hemoptoe, quia plerumque se inuicem excipiunt. Sanguis naturaliter intra propria vasa contineri debet, & extra ipsa nunquam effluere, cum autem expuitur, necessariò vasa erunt deprauata, cuius deprauationis quinque modos Medici decernunt. Primum dicunt Anastomosem, seu coarctationem vasorum,

O

vel

vel apertionem eorundem osculorum : Secundum Diæresim , seu diuisionem eorundem canalium : Tertium Diapidisim , seu rarefactionem vasorum , quâ sanguis quasi transcolatus exsudat : Quartum Rixim , siuè rupturam : Quintum Diabrosim , siue erosionem. Cùm autem Nuckius obseruauerit arterias cum venis , sicut cum cæteris omnibus vasis , continuari , patet apertionem osculorum Sanguinis canalium nullatenus admittendam esse , sed sanguinem incruentum sputum exeuntem , per aliam ex explicatis vasorum diuisionibus exire , quas producunt quandoque inquinamenta alicubi in corpore genita , præsertim erosiva , quæ in Pectore intercipiuntur , sanguinem minus fluidum reddunt , vias impediunt , & vasa recludunt. Aliquando lymphæ , & chylus acriora sanguini mixta plus iustò minimos Pulmonum meatus aperiant , & lacerant , eodem impetu , quo per arterias excurrunt , per uenas non reuehantur , in pulmonares folliculos , & bronchia ad latera irruendo , statoque tempore cum sanguine tussim excitando , foras erumpunt ; Aliquando sanguis ipse , suorum salium exaltatione , nimis acuitur , aut , volatiliū particularum libertate , nimium impetum acquirit , vt intra vasorum parietes nequeat  
 detri-

detineri. Demum quandoque sanguis in quantitate excedens, veluti à suppressis menstribus, aut alia quavis consueta ipsius euacuatione in pulmones irruens, vasa aperit, & sanguinis sputum promouet. Et si amisso motu sanguis, ante eruptionem stagnet, coccineum colorem amittit, atrum induens, exterius se prodit: imò ponderis sensum in Pulmonibus efficit, quia aer subiens nequit eisdem naturali felicitate dilatare.

### *Pectoris, & Pulmonum Hydrops.*

**H**Ydropica huiusmodi affectio ortum trahit à soluta totius sanguinis compage, & ab alteratione erodentium salium, vnde cruor colliquatur, & inter circulandum labefactato motu constrictivo, & resistentia partium, præsertim venarum, interceptitur, & stagnat notabilis feri pottio. Succedit autem facile in Pulmonibus, in quos tota sanguinis inassa, lymphæ, & chylus confluunt, quæ omnia non debite miscentur, sed inuicem agitantur, ac ab incongruis salibus, præcipue in lymphæ existentibus, colliquantur; quare producti ichores, facta sibi via in Pulmonum poros, & exinde in cavitatem Thoracis, congeruntur. & eandem minuunt, Pulmonum

pondus augment, & difficultatem respirandi pariunt. Imò ex eadem causa aliquando rumor aquosus per totum corporis ambitum manifestatur, nam cruor in Pulmonibus non debite elaboratus, & copiosis colliquantibus salibus saturatus, dum in reliquum corpus transmittitur, inefficax redditur pro transpiratione, & eneruato peristaltico partium motu, non eadem fælicitate reuehitur, qua per arterias propellitur, vnde feri congestio, & successiue tumor.

*Pulsus inæqualis, & intermittens.*

**Q**Uæ Pulsum intermittentem, & inæqualem faciunt multa sunt; primo ex parte cordis; secundo ex parte vasorum; & tertio ex parte sanguinis. Ex parte cordis pulsus vitatur, si à muscularibus fibris cor inæqualiter constringatur, aut alia ratione inæquali momento, seu per inæqualia temporis interualla, cor sanguinem circulariter impellat. Ex parte vasorum sanguinem propulsum traijcientium; nam naturalis pulsus exigit, vt patentibus vijs debita sanguinis quantitas, stata temporis differentia à venarum extremitatibus in aurículas cordis, & ab his in ventriculos, à quibus in hiantes arterias, propellatur; hac  
tamen



tamen lege: vt arteriæ cavitās proportionatam seruet latitudinem, & eiusdem carneæ ambientes fibræ tonico polleant motu, ita ut sælix succedat transmissio ad partes, nec subsistat in præcordijs, sed manifestato impulsu, per continuatas, & appensas arterias pulsus appareat. Vitiatur pulsus, si huiusmodi leges immutentur à materia compimente, aut obstruente, & prout materia huiusmodi maiorem, aut minorem habuerit soliditatem, nunc intumescendo, & se dilatando, ex toto canales obstruet, & pulsus intermittet, aut deficient; nunc detumescendo, & se restringendo pulsus resurgent, & sanguis nunc maiori, nunc minori copia per arterias traiectus, pulsus paruos, magnos, inæquales, aut intermittentes procreabit; imò pro ratione compressionis, aut obstructionis magis, vel minus resistentis, faciliùs, aut difficiliùs dissipabilis, prout est in loco, vbi ad euincendam resistentiam validiores, aut imbecilliores exiguntur vires, pulsus hiscè irregulares, raro, frequenter, aut semper obseruabuntur; siquè impedimentum habeatur circa præcordia in arterijs sanguinem ad partes traicientibus, pulsus tantum lædi poterit, si verò in vasis sanguinem ab organis respirationis reducentibus, respiratio. Ambæ

O 3 harum

harum læsionum permanentes, aut recurrentes erunt, secundum conditionem materiæ impediētis, & potentiæ resistentiam expellētis. Ex parte sanguinis, quando sanguis inæquali mole, aut textura à corde, vel in cor influit, cum quacunque occasionali causa, vel rarefacto, & efferuescente, vel condensato, & coagulato sanguine, vel promotu aliquarum eius partium fluore turgescit, & quasi inflammatur, tunc parum sanguinis è cordis sinu in aortam exprimitur; hinc articularum vibrationes obscuræ, & quasi intermittentes fiunt. Villi cordis ab adaucta infarctus mole stimuli vim acquirente, irritati, densioribus spirituum copijs affluentibus, invalidiores, & crebriores constrictiones coguntur, è quibus cordis anxietates, & tremores suscitantur.

### *Syncope.*

**S**yncope, lipothymia, lipopsychia, differunt secundum diuersos gradus; eadem enim causa plus minus intensa omnes has læsiones efficere poterit. Hæc causa est cessatio sanguinis motus, & propterea quæcumque sanguinis motum impediunt, aut sistunt, siuè immediatè cor afficiendo, siuè mediatè per consensum, neruos ventriculi, intestinorum, vteri, &c. conuellendo,

harum

harum læsionum causæ antecedentes statuuntur; Sanguinis autem motu impedito, sudor frigidus erumpit, facies virescit, fit colli intorsio, qualis in strangulatis, vires derepente labuntur, nulla, aut debilis respiratio, nullus aut debilis pulsus, fiunt & alia symptomata, quæ cum syncope, & alijs affectionibus dictis coniunguntur.

### *Cordis Palpitatio.*

**M**Orbosa hæc affectio obscuram habet Ætiologiam, cum adhuc nos lateat ratio mechanica, qua cor in naturæ statu mouetur. Ex his tamen, quæ ex cadauerum sectionibus habentur, probabiliter concludi posse videtur, nunquam cordis palpitationem sequi, nisi in ipso, aut circa ipsum aliquod impedimentum reperiatur. Procul dubio in naturæ statu constricta venæ cavæ, & pulmonaris extremitate, debita sanguinis quantitas, determinato temporis intervallo auriculis cordis debet subministrari, à quibus eodem ritmo in cordis ventriculos propellatur, & ex his in arterias aortam scilicet, & pulmonarem: Inter hæc omnia proportio exigitur, nam momentum cordis debet longè superare immensam illam resistantiam sanguinis in proprio ventriculo, & continuatis arterijs excurrentis; quæ

propter latitudo canalium pariter proportionari debet, sicut & grauitas sanguinis; hinc est quod vitiata sanguinis suppeditatione à venis, variata arteriæ scyphunculorum capacitate; & grauiori, densiori-que reddito sanguine, contingit cordis Palpitatio. His addere possemus irritationem mouentis principij, siue sit in sanguine, siue in spiritu animali, de quibus solas palpamus tenebras. Insurgit quandoque Palpitatio, licet in Corde nullum adsit obstaculum, puta Polypus, vel aliud consimile fixatum corpus, sed sanguinis irruptio inordinata in Cor promouetur, ex conuulsione facta ab irritantibus particulis in auriculis, & ventriculis ipsius, & quoniam sanguis in aortam ob crassitiem, latiore fortasse in principio canalis cavitatem, & paulo post obstructionem, non debita facilitate fluit, hinc est quod à Corde communicatus impulsus, ad latera deflectitur, & in arteriæ tunica manifestatur, quibus pulsus tensio, renixus respondent. In dissectis etenim Cadaueribus quamplurimis, palpitante defunctis, Recentiores dilatam aortam obseruarunt, lucrosoque sanguine turgidam, quò etiam sinister cordis ventriculus replebatur.

*Polypus Cordis.*

**P**ulsus intermissiones, & Cordis palpi-  
 tationes, quarum superiùs meminimus  
 sæpe producere solet Glomus quidam ex  
 pluribus pelliculis, & filis sibi inuicem con-  
 textis, & suprà positis, qui glomus propter  
 certam similitudinem cum Polypo Pisce,  
 Polypus est nuncupatus, & generari cre-  
 ditur, quando sanguis debito fluore desti-  
 tutus densam, & arctam texturam induens,  
 Cordis, & aliorum vasorum lateribus hæ-  
 ret; talis etenim textura in plura filamenta  
 disponitur, serosioribus particulis separa-  
 tis, & effluentibus, & primam polypo-  
 sam concretionem structurat; Cum autem  
 filamentis, vasorum parietibus hærentibus,  
 nouæ iugiter superaddantur particulæ ana-  
 logæ figuræ, & grauitatis, moles in dies ex-  
 crescit, & solidior euadit, etiam quia à præ-  
 terlabente cruore, instar præli comprimitur.  
 Istius concretionis plura exempla habemus  
 in naturalibus; fluida heterogenea ad aluco-  
 lorum latera, per quæ deuoluuntur, homo-  
 geneas, vel symbolicas particulas deponen-  
 do, dictas concreciones componunt. Turbi-  
 di maris sedimenta in plura testacea genium  
 loci referentia concrescunt. Thermarum a-  
 quæ ductus minerali crusta obducuntur.



Ferreum acum in vesicam intrusam tartarea materia obuolutam viderunt Obseruatores, & hanc materiam à præterfluente vrina deponi probabile existimarunt; imò nonnulli calculorum generationem fieri obseruasse testantur, dum tartarum quotidie nucleo cuidam agglutinatur. Plures solidorum intra solida concretiones Clarissimus manifestauit Stenonius, quæ sola componentium particularum congrua dispositione, ita eleganter fuerunt constituta, vt mirandum opificium à vi aliqua architectonica excogitatum arbitraremini. Polypos in pluribus vasis reperitur, sed sæpius circa præcordia, & arteriam aortam; in Rene tamen celeberrimus Spohnius eundem adinuenit, & nosmetipsi in scemoris, crurisque venis à varice dilatatis vidimus, quidquid sentiat Kerkringius, scribens tales Polypos esse sanguinis post mortem dumtaxat congelati, & coagulati portiones.

### *Difficilis Respiratio.*

**T**Horax est organum ad respirationem institutum Pulmonibus, Musculis, & Membranis, quæ distrahi, & contrahi debent, & fluidis circulantibus structuratum. Respiramus quia aperta Thoracis cauitate  
medijs

medijs musculis , respirationi inferuientibus , externus aer suo pondere , & elatere superans Pulmonum resistantiam eosdem extendit , & angustata iterum Thoracis cavitare , contractisque carneis fibris Pulmonum folliculos circumdantibus , aer extruditur , ad quam actionem sanguinis vasa , & nervos concurrere , clariùs meridiana luce compertum est ; vnde Respirationem lædi cognoscimus , si Pulmones , musculi , & vasa , per quæ fluida excurrunt , depraumentur , & plures difficilis respirationis nasci differentias , quæ inuicem secundum magis , & minus , & secundum diuersa respirationum interualla distinguuntur , & diuersis nominibus appellantur , scilicet Dyspnœæ , Asthmatis , Orthopnœæ , & suffocationis . Quando ichores à toto confluentes incongruis salibus turgidi , glandulas asperæ arteriæ laxant , poros Pulmonum aperiunt , & in eorundem folliculis congestionem pariunt , Pulmonum pondus adaugent , æquilibrium cum aere tollunt , vnde difficilis anhelitus . Retardata sanguinis circulatio in Thorace Pulmones ponderosiores , & difficilem anhelitum reddit , quia non facile illi subintrantem aerem admittunt ; hinc cum sanguis in Cor debita quantitate non exprimatur , difficili huic respi-

respirationi non numquam cordis angustia, & palpitatio coniungitur: imò huiusmodi angustia in faucibus manifestatur à præponderantibus Pulmonibus, & contractione Carnearum fibrarum, quibus interna Tracheæ cavitates conformabatur; atque etiam sanguinis crassamenta, quæ per Vterum, Hæmorrhoides &c. & effluvia, quæ per transpirationem deberent excerni, nervos Pectoris irritando, musculos respirationis conuellendo, vasa coarctando, & cavitatem Pectoris angustando, hanc affectionem excitant, cui etiam suffragantur Sales coagulativi, & alia incongrua principia per Thoracem, & Abdomen dispersa, si nervos subingrediantur, & eos laceffendo spasmodicam conuulsionem suscitent, cuius generis difficilem respirationem Asthma conuulsivum fecerunt Recentiores, & huius insignem observationem tradidit, quidam celeberrimus vir asserens: *In Asthmatico crebra, & per intervalla anhelosa respiratione affecto, ut sæpe erecta cervici sederet in paroxismo, & mortuo nullum in pulmonibus vitium, sed in mesenterio magnam glandularum copiam obstructarum inueni, argumento evidenti non omnia Asthmata ab effluxionibus in Pulmonem oriri.*

*Remedia.*

*Remedia.*

**S**anguinis missione singulis Pectoris inflammationibus, & alijs læsionibus à sanguine intercepto ortum trahentibus, nos debere succurrere, ratio, & experientia apertissimè euincunt; verum hanc circa initia celebrandam esse censemus, antequam sanguis omnimodè coaguletur, dissoluatur, aut alio modo corrumpatur; maiori etenim situ in vasis facto sanguis non ita facilè extrahatur, aut ad capillares radices sistitur, sed particulæ ab inuicem magis diuulsæ minus atteruntur, & minorem calorem, qui à nonnullis refrigeratio dicitur, produçunt; quinimò intra maius vasorum spacium sanguinis particulæ diuerso intestino motu, differentem mixtionem, & texturam acquirantes, præternaturalem sanguinis statum in naturalem commutant.

Rarissimum est, quod sanguis Pectoris læsionum reus non sit; ita vt si sanguinis textura posset corrigi (res quidem in pluribus casibus ardua) etiam si vlcus, aut aliud vitium organicum in Thorace remaneret, adhuc ægrotus ad multos annos vitam protraheret. Lac præstantissimum est præsidium ad sanguinis massam reficiendam, & ad pristinam dulcedinis, & mixturæ naturam resti-

restituendam , vt successiue solidæ partes non lacerentur , & cætera fluida , ac partium succi non peruertantur. A lacte , temporis tamen longitudine , particulæ extrahuntur oleosæ , & pinguedinosæ , quæ labentem nutritionem reparare possunt , acrem sanguinis conditionem corrigere , & partes prauis fermentis inquinatas pristinæ conformationi restituere , dummodo vis fermentorum corruptorum in alienam naturam non transuerit , quæ conditionem remedij immutat , vt sanitas nullatenus sequi possit , nam reliquum sanitatis est , quod facit sanitatem. Hæc sanguinis textura , quam lac reficere debet , non eadem semper est in diuersis morbis , nec in eodem morbo in differenti-  
bus Indiuiduis ; ideo Deus Immortalis pro hominis indigentia , vt tanti Remedij Pro-  
uinciam extenderet , diuersas parauit lactis species , veluti si intra sanguinem diuerso-  
rum Animalium plures herbas , quibus ve-  
fcentur , ad earum virtutem eliciendam , de-  
coqueret , seu diuersorum Animalium suc-  
cis è pluribus plantis sales eliceret , & salutaria  
componeret lixiuia , & aptas concoctiones ,  
& lixiuia ad sanguinem præternaturaliter  
constitutum alterandum , in hominis vale-  
tudinem pararet. Lac Vaccinum habet mul-  
tum Butyri , & Casei , ideo pro nimis solutis ,

&amp; te-



& tenuioribus humoribus incrassandis plurimum valet, idque etiam rationi consonum est, cum distillatione exhibeat quantitatem tartari aliquid salis, & nitri, nihil vero salis armoniaci, de quo sanguis subtilior abundat. Lac Ouile minus de Butyro, & Caseo constat, ideò ad vlcera Renum detergenda valdè conducit. Lac Capri lempertatum est, propterea eodem ad humectanda corpora emaciata cum fructu utimur. Lac Asininum subtile est, & multa aqua præditum, hinc ad detergenda Pectoris vlcera à Medicis quotidie adhibetur. Lac Fœmininum licet subtilissimæ sit consistentiæ, attamen maximam homini præstat nutritionem. Lac Cameli, & Suis, quæ calidioribus particulis constant, ad exsiccandum non inutiliter sæpè vsurpantur.

Decoctiones Testudinum, Carnes &c. in re cibaria, & medicamentaria Phthisicis, & Attenuatis reficiendis valde conducere, earum sanguinem ad Hecticam vtiliter imperari, vt, & crudum, recentem, & exsiccatum ad plures alios morbos cum fructu comparari apud Auctores legimus; cuius rei ratio est, quia Astaci perinde, ac Testudines aquaticæ, aut nemorosæ, nutriendi & humectandi vim habent, atque hinc Asthmaticis, Phthisicis, & Macilentis summam

nam vtilitatem præbent, quòd tenaci sua, & viscida humiditate liquidam partium substantiam euaporantem, retineant, & remorentur; imò frigiditate sua, & humiditate, febribus, ac caloribus igneis sensim Corpus depascentibus, frænum iniiciant, ac contemperent; Aliorum autem opinione Testudines optimi sunt saporis, sed non Eulichimi alimenti, & melius sit ab his abstinere, quàm eisdem frequenter vti, propter lepræ dispositionem, quam inferunt. Diutissimè viuunt, tenacem enim habent humorem vitalem; & paucum calorem natium humorem illum difficillimè consumentem; Ad plures dies ieiunæ sine vllò alimento conseruantur; propterea Hæcticis, & Tabidis congruo esse alimento addiderunt, propter tenacem humorem vitalem, quò turgent, & quem ab aere retrahunt, vt inde multos dies sine alio alimento viuant.

---

## CAPVT TERTIVM.

*De vitijs Sanguinis ad Abdomen  
confluentis.*

**F**Luida ad sanguinis generationem in ventriculo, & primis vijs præparari à natura

natura constitutum fuit, & ex pluribus di-  
 uersorum generum particulis componi  
 (propterea tot varia alimenta Animalibus fuerunt concessa) ut summam sanguini conciliarent heterogeneitatem, qui differentes partes quotidie nutrirer, multiplices glandularum succos pararet, ac differentes operationes secundum variarum partium indigentiam, & structuram præstaret; quare si in prioribus liquidis necessariae particularum species deficient, partium aliquarum proprio nutritionis penuriam constituentur, debitorum succorum in glandulis non obtinebitur separatio, & sanguis ad propria munia exequenda in determinatis partibus, præsertim in quibus validam exposcit energiam, erit inidoneus. Hinc patet illorum erratum, qui ad valetudinem conservandam, aut recuperandam, uno, aut altero tantum cibi genere utuntur, nam sæpius eo priuantur, quod opus fuisset ad aliquam partem reparandam, ad aliquod menstruum debite componendum, aut ad manutenendam moderatam fluidorum agitationem, necessariam ad intestini eorum motus conservationem; Menstrua, ac singula liquida, quæ sanguini, & chylo reaffundi debent, ex necessarijs principijs, non composita, eosdem, nec

perficere, nec alio modo reparare possunt :  
 Attamen materia , ex qua sanguis venit  
 componendus , tantæ heterogeneitatis esse  
 non debet , vt particulæ , quæ ad natura-  
 lem ejus constitutionem non coucernunt ,  
 ipsi intertexantur ; istæ etenim aliarum sy-  
 stalim peruertent , in earum locum se insi-  
 nuantes, partium nutritionem, & peculiaria  
 viscerum liquida vitiabunt , plures in cor-  
 pore turbabunt actiones , imò in toto san-  
 guine , sæpè summam componentium agi-  
 tationem , & efferuescentiam inducentes ,  
 febrilem promouebunt affectionem. Est  
 igitur grauissimus alius error quôtidie epu-  
 lari res innumeras , præsertim calidiores ,  
 aut alterius conditionis nobis insuetas , &  
 nostro temperamento violentiam inferen-  
 tes. Euertetur adhuc præstantissimi istius  
 fluidi crasis ; Etiam si materia, ex qua gene-  
 rari debet conuenientem exhibeat hetero-  
 geneitatem , attamen in singula particula-  
 rum specie præscriptam non obtineat quan-  
 titatem, puta si salinæ, aut aliæ quæuis par-  
 tes cæteras excedant, tunc debita sanguinis  
 mixtio mutabitur , & particularum nonnul-  
 læ, quæ , si cum alijs intercipientur , licèt  
 sint acuminatæ , & stimulantis figuræ , ac  
 motus violenti, & irregularis , nobis insen-  
 sæ non sunt , à fociis liberatæ , innumeras  
 læsio-

læsiones inferunt; Quando chylus statutam quantitatem principiorum singularum specierum sanguini non suppeditat, partes huius in naturalem molem, & grauitatem non disponuntur, medijs quibus læuiores sursum, grauiores deorsum iuxta liquidorum leges collocantur, & diuersis motibus, attendentiis necessarium nostræ vitæ circulationis filum, & debitas in colatorijs fluidorum separationes, prosequuntur. Materia ex qua fit sanguis, aliquando in primis vijs rectè non diuiditur, aliquando nimis dissoluitur, & tunc sanguis viscidior, aut magis solutam constitutionem acquirit, & à naturali textura recedit, ac ad innumeras, & non spernendas læsiones efficiendas disponitur; deficiens, aut excedens liquidorum mensura, quæ in sanguinem facescere debent, eundem producant, qui, vasis continentibus non commensuratus, nostri corporis regimini, non parum officit; A sanguinis etenim excessu ipse nimis densatur, coagulatur, & à continuo motu impeditur, ex quo fit, vt ea celeritate, quæ debet, ad circulationem absoluendam permeare nequeat; insuper nimis Pulmonum, Cerebri, ac Cordis vasa replendo suffocationem, Syncopen, Apoplexiam &c. minatur. A sanguinis defectu, vt in diuturna



fame, obstructionibus &c. experientia edocet. Et nouimus pulsus elanguescere, & vires deficere, quia cum spiritus jugiter separari nequeant, Cor non actuant, quod propria energia priuatum, sanguinem discontiguum impellere non potest, & validum in arterijs ictum manifestare; vnde præcipuum istud viscus à sanguine, è vasis perpendicularibus, ratione propriæ grauitatis facilius descendente obruetur, & sanguinis circulatio certè interrompetur, quò circa mille in fluidorum œconomia excitabuntur subuersiones.

*Ventriculi Imbecillitas, dolor, & alia læsiones.*

**V**entriculi imbecillitas, nisi à relaxato eiusdem tono fiat, ortum trahit à menstruis nimis depauperatis, quæ primam concoctionem non perficiunt, & cum chylus rectè non depuretur, sanguinem impurum gignit, è quo indè debitum in glandulis Ventriculi menstruum non separatur, & prima læsio, veluti factò circulo, manuteneretur. A glandulosa Ventriculi structura ad minima vitiata, quando vniuersale fluidum deprauatum, & necessarijs componentibus priuatum est, loco menstrui ad alimentorum dissolutionem constituti, separatur sal quidam

quidam incongruus, qui nerueam substantiam stimulando, dolorem parit, imo neruorum extremitates intimius vellicando, vique ad cerebrum turbationes communicat; sique menstruum, quod separatur, salibus incongruis, adhuc magis saturetur, & vim summè erosiuam acquirat, & magis chyli coctionem deprauabit, ac vasis intimiùs adhærendo, eadem erodet, & lacerabit, vnde sanguinis vomitus excitabitur. De flatibus autem Ventriculi docuit Hippoc. de inter. affect. *quod quæcumque* (loquitur de alimentis) *quidem Venter superat, & Corpus ipsa suscipit, ea neque flatum exhibent, neque tormina; si verò Venter non superarit, ab his, & flatibus, & tormina, & alia huiusmodi fiunt.* Ex quibus edocemur vitiata prima coctione, & chyli distributione flatus, & Ventris tormina subsequi; probabile namque est labefactatis Ventriculi, & Intestinorum liquidis, enervatoque tono, & tensione fibrarum, cibaria diutiùs in primis vijs immorari, & à naturali indole plurimum aberrare; à tumultuario diuersarum particularum motu nitrosas quasdam particulas exaltari, quæ distensione facta, Ventriculi, & Intestinorum tunicas dilacerant, & eorundem motum ad superiora excitant, & in flatus erumpunt.

*Intestinorum diarrhœa, & dysenteria.*

**V**itriata glandularum intestinalium fermenta, & instar aquæ fortis, aut spiritus nitri reddita, Intestinorum membranas stimulando, peristalticum eorundem motum frequenter excitant, & excretiones contentæ materiæ sollicitant. Ab iisdem pariter cœctio perturbatur, vnde chylus ex communicatis inquinamentis non debite perficitur, & dulcoratur, sed in varias humorum species immutatur, & postremò in excretis observantur: Hinc læssitis nervis, & Falloppiano fasciculo, dolores subsequuntur, & tracto in consensum ob continuitatem membranarum Ventriculo, appetitus deijcitur. Si autem particulæ, quæ à glandulis, alijsque intestinorum vasis exsunt, ita degenerauerint, vt arsenicalem, aut aliam malignam qualitatem acquisuerint, lætales erosiones, & pessima vlcera in intestinis producent, quibus alimentum, per intestina descendens, maiorem corruptionem nanciscetur, & contenta frequentius, ac cum ingenti dolore excreta, alium alui fluxum, Dysenteriam scilicet manifestabunt, in qua mirum non est, si ultra exarata symptomata febris suboriat; hæc enim non

non solum ex irritatione ab excitato vlcere manat, verum etiam ab ichoribus, & acribus inquinamentis cum chylo sanguini affusis, & improporcionatam agitationem excitantibus.

### *Dolor Colicus, & Ileus.*

**C**olicius dolor ita appellatur, eò quia Intestinum Colon sæpè occupare obseruatum est; Vvillis tamen huius affectionis sedem ad mesenterium, & alia singula tertij ventris viscera extendit. Illius plures habentur causæ, flatus, bilis, tartarum dissolutum, succus pancreaticus, &c. relatè ad quas Medicus plures Colici doloris fecit differentias. Quando à bile, lympa, chylo, succo pancreatis, siuè ab alia quauis causa in vasis, aut intestinorum cauitate existente, laceffit nerueis filamentis, spiritus perturbantur, peristalticus intestinorum motus euertitur, sanguinis circulatio præpeditur, & singula annexa viscera consensu quodam concutiuntur, hinc ægri ingenti dolore, horrendis vomitibus, & sæuissimis alijs symptomatis corripuntur. Li- quida autem colicam efficientia passionem, ab incongruis alimentis deprauantur, aut deprauata à lympa, chylo, succo pancreatis, ac sanguine excernuntur,

quæ aut immediatè in intestinis, aut in glandulis deposita, molestum illum sensum dictis visceribus inferunt; vnde mirum non est ægrotantes Colica periodicè laborare, dum incongrua sanguinis diathesis dictas particulas plures congerere potest, & labefactatâ intestinorum structurâ easdem excipere.

Ileus est inuersus intestinorum motus, in quo excrementa, quæ per Aluum excerni debent, retenta, per os eijciuntur. Talem affectum produciunt carneæ fibræ; quæ cum à superioribus ad inferiora contrahi deberent, oppositam patiuntur contractionem. Hanc contractionem causæ superiùs recensitæ in Colica passione promouere valent, quibus non incongruè adderentur Intestinorum contorsiones, & eorundem extrâ Abdominis cauitatem procidentia, vnde lethales excitantur inflammationes, quæ hominem ad certum ducunt interitum.

### *Hepatis Tumor, & aliæ læsiones.*

**A** Vitriolicis salibus sanguinis serum coagulantibus Hepatis tumorem produci censemus, siquidem cruorem experimur concrefcere affuso eidem vitriolo, & consimili fossili. Sanguis enim per portam in Iecur transductus, coagulatiuis salibus saturatus,

& al-



& alkalicis particulis depauperatus, quæ in separata bile obseruari solent, angustia viarum, deficiente expressione, quæ à fibris carneis habetur, de facili remorando concrefcit, & figitur; cum mixturam volatilium particularum non obtineat, generabitur scirrhusus tumor suppurationi, & transpirationi ineptus: Ab huiusmodi autem tumore debita bilis separatio impiedietur; hæc in sanguine restagnando, Ictericiam producit, quæ carnes flauæ coloris, oris amaritiam, alui stipticitatem, paruam nutritionem, Hydropem, ac alias non spernendas inferret læsiones. Non inficiandum tamen nimiam bilis copiam in sanguine existentem, etiam illæso Hepate, per glandulas non posse secerni, & partes inundare, ac symptomata superiùs recensita, eadem infelicitate, procreare.

### *Lienis Scirrhus.*

**E**X remorato, & coagulato sanguine lienis cellulis adhærente huius visceris scirrhus concrefcit. Sanguis enim, naturaliter per arteriam splenicam in amplas lienis cellulas perpetuò eructatur, ibique alterationem, & vim alterantem recipit ab affuso è proprijs glandulis lienari succo, vt refluus in lecur, & inde in vniuersum Corpus,

P 5

bilis,

bilis, & reliquorum fermentorum separationem non parum adiuuet. Contingit autem aliquando, quòd labefactato Lienis fermento, & eiusdem tonico motu deprauato, coagulantes intercipiuntur ichores à toto refluì, ac sanguis non eâdem foelicitate extra propellitur, quâ introductus est, vnde semiconcretus stagnat, & distendit interstitia, & spatia laxati visceris, vnde tumor suas radices agit. Gignitur autem morbosus ichor, vel vitio prauæ cruoris diathesis, vel vitio causæ alicuius externæ, quæ præsertim immodico studio, & meditatione iuuatur, quibus subtiliores, & volatiliores dissipantur particulæ, & ità ichores ad præternaturalem lentorem disponuntur. Vtique quandoque etiam ichores cum chylo sanguini affusi, inter circulandum in liene intercepti hanc læsionem pariunt tartaream pene naturam induentes.

### *Renum Calculus, Diabetes, & Nephritis.*

**A**D naturalem, & præternaturalem Renum statum manifestandum, plures in eisdem fermentum posuerunt, & tale fermentum dari pluribus experimentis suascerunt. Intrâ matulam, in qua prius vrina reposita fuerit, vrinam aliam immiserunt, & citiùs

citiùs corrumpi experti sunt, quàm illa, quæ in matula ad talem vsum nunquam adhibita, posita fuerat, ex quo deduxerunt urinam, quæ matulæ parietibus infigere potuit spiritum, seu fermentum, quod talem turbationem intulit, faciliùs id in Renibus præstare, quàm toties excurrit. Istis tamen non subscribimus cogitantes Renum actiones fieri posse, & deprauari sine alicuius fermenti ope, cuius existentiam experimentum allatum non illustrat, cum urinæ corruptio in vasis obseruata aliunde deriuari possit, quod nos alibi ostendimus.

Lapides in calculosis generari credimus à salibus, & spiritibus, qui dum inuicem implicantur in lapideam consistentiam concreſcunt, idque experientia comprobari asserimus, nam licet à qualibet vrina salis armoniaci copia eliciatur; ab huiusmodi tamen ægrotantium lotio, maior longè satis salium quantitas extrahitur, non tamen acidorum, vt pluribus Medicis placuit. Vtrumque probatur si Vrina luteus pannus inspergatur, vinosi coloris macula inficitur, quæ ab acidorum insperſione salibus præcipitatis euadit, & si Vrina sanorum pannus irroretur croceo colore labefactabitur, & salinorum ope mundabitur. Spiritus, qui salibus irretitus in calculum degenerat, è  
vege-

vegetabilibus , aut Animalibus in escam assumptis in nostro corpore gignitur , aut ex ipsis talis elicitur. Potuit quidem in alimentis præexistere , & talis conseruari sicut in calce spiritus idem acidus , imo minima lapidea fragmenta , quæ in lapide iam erant conseruantur ; ita vt si accipiatur aqua , quæ sæpè per calcem transiuerit , inde per emporeticam chartam percoletur , licèt eadem appareat limpida , naturali non absimilis , præcipitatione tamen exhibet minimas lapidis particulas , & primò absconditum in lapide liquorem.

Aquearum particularum , & salium coluuiæ , in tota humorum massa luxurians , sanguinem colliquatum fluidiorem , & acriorem reddit , vnde nil mirum , si in Renibus copiosius serum percoleretur , indeque Vrina in maiori quantitate erumpens , profluum , & Diabetem gignat , præsertim si ex prægressa aliqua Renum morbosa affectione , structura labefactata , & laxata fuerit , ut particulas fluidiores liberaliùs excipiat , & abundantius dimittat.

Nephriticus dolor , affectus est quidam , Renes maximè affligens , quasi in lumbis , vel ab ipsorum calculo , vel à praua aliqua materia eos dilacerante productus , & talis materia esse potest sabulum , aliquod salis genus ,

alio modo irritans factus liquor, sanguinis grumus, seu huiusmodi, quæ aut nerveam Renum substantiam, aut nervos à vago, & intercostali provenientes, qui emulgentes veluti habenæ circumligant, stimulando, insignem doloris sensum excitant.

*Vrina Cruenta, ac eiusdem suppressio.*

**V**Rina enim cruenta, prout arbitrari licet, plerumque Renum vitio contingit, & si quandoque talis læsionis signa non manifestentur; verisimile namque est humorum massam incongruis salibus saturatam, & in Renes propulsam renalium glandularum meatus plus iusto aperire, & laxare, ita ut non solum serosa sanguinis portio cum salibus vrinosis admittatur, verum etiam feri concrecibilis, & nutritivi insignis pars, cum coccineis particulis, quibus totus sanguis coloratur; & quoniam perseverante copia, & erodentium salium activitate, qui tractu temporis veluti in Erysipelate figuntur, fistulosa Renum caro frequenter abraditur, & minima etiam sanguinis vasa lacerantur, hinc ob læsam compagem, & structuram, sanguinis concreti, & aliorum ramenta ab Urina eluuntur, eidem intermiscuntur, atque cruentam Urinam demonstrant.

Prout



Prout sanguis sero abundat, aut deficit, Vrina copiosa, aut multa apparet: Supprimitur etiam vrina, quando Renum structura, Vretheres, & Vesica viscida, & lenta materia arenulis, aut calculo obstruuntur, nisi fiat ab aliqua irritatione nervos, aut in partibus istis, siue his communicantibus conuelli, & canales ad Vrinæ excretionem paratas constringere, ne prætereamus carnis excrescentiam, tumorem, seu alio modo auctam magnitudinem hanc eandem læsionem procreare posse.

### *Affectio Hypochondriaca.*

**V**Niversalis hæc affectio; quæ tractis in consensum præcipuis visceribus, & nervoso genere, læuissima manifestat symptomata, succedit vitiatis succis, seu fermentis in tertij Ventris glandulis, quibus prima coctio peragitur; illa etenim præternaturaliter constituta digestionem viciant, & aculeatis salibus membranas, & nervorum fines, quibus Ventriculus, & tenuia intestina compaginantur, stimulando primam alimenti elaborationem euertunt; Cibaria namque ità dissoluuntur, vt copiosus factitius extrahatur aer, à quo flatus exoriuntur; labefactato quoque peristaltico fibrarum Carnearum Ventriculi motu, eadem  
plus

plùs iustò detinentur , vnde præternaturalem contrahunt mixtionem ; detrusa tandem in continuata intestina bile , succo pancreatico , & reliquis salibus occurrentia , feruorem suscitant , hinc membranæ quasi aqua forti , aut spiritu nitri lacescitæ , ardoris sensum patiuntur , inductaque conuulsione , & angustatis venarum finibus sanguinis circulatio deturbatur , vnde dolorifica pulsatio subsequitur , manifestatis interdum in exaratis vasis Varicibus , & quasi Aneurismate. Transductus indè cibus sub specie chyli in lactea Vasa , & in Pulmonibus sanguini mixtus , cum expositis salibus saturetur , eidem calchantinam labem communicat , hinc volatilizatio impeditur , & successiuè transpiratio sanguini summè necessaria vitatur ; Secundarij quoque humores inficiuntur , & ex vi circulationis inquinamenta quædam intercipiuntur in partibus , quibus scôrbutica affectio designatur. In Capite inæqualiter tensis , aut laxatis à deprauatis liquidis neruorum filamentis , timoris , & mœstitiæ , aliæque prauæ excitantur idæ ; Oculorum temperanea caligo emergit irritatis neruis opticis , vel ipsorum thalamis ; sæpè etiam in Auribus , in quibus undulationes , & tremores externi multiplicantur , & fiunt sensibiles , tinnitus produ-

producuntur, quos fieri ab ichore per extremas arteriolas ad aurem internam deductas, à qua extremitas auditorij nervi vellicetur, censemus. In Corde obstructis arteriarum extremitatibus, vel saltem non debite absorbentibus venis, palpitatio excitatur. Retardato pariter sanguine in Pulmonibus respirandi difficultas subsequitur: Ex quibus manifestè euincitur cunctas has prauas læsiones sua prima initia sumpsisse à succi vitio, qui perpetuò à glandulosa Ventrìculi substantia extillat, à primarum viarum fermentis, & præcipuè à bile, quæ eius eneruatis salibus debitam chyli dulcificationem, & successiuè excrementorum præcipitationem non complet (quare fiunt improporcionatæ fermentationes, & irritationes) & à vitiata Mesenterij glandularum structura, quibus lymphæ ad lactei humoris volatilizationem, & fluiditatem non subministratur.

### *Cachexia.*

**M**alus hic Corporis habitus vitium est nutritionis musculosæ carnis, & cutis, quando partes hæ à naturali temperamento deficiunt, & tertiam concoctionem, alimentum corrumpendo, deprauant; vnde naturalis color mutatur, ex albo pallescit, virescit, liuidus, seu plumbeus euadit, ac corpus mole

mole laxum, & subtumidum redditur, oculorum palpebræ, & facies inflantur, pedesque intumescunt; hinc patet ad multiformes hæsiões producendas concurrere sanguinem crudiores, & serosiores vitio deprauatorum viscerum reductum, ac nimiam partium laxitatem, quæ alimentum indebitè excipiunt, & vix, ac ne vix quidem retinent.

### *Hydrops.*

**V**iscera in Hydrope, & glandulæ summè vitiantur, ideò nec separationes, nec mixtiones rectè absoluuntur; quare dum ingens salium copia in fluidis detinetur, quia ista cum reliquis principiis vnionem non patiuntur, fluida colliquantur, & funduntur, ac nostras partes inundant, vt notat Hippocr. de loc. in hom. vbi docet serositates per omentum excurrentes, ac in Abdominis cauitatem ruentes, viam sibi parare, & affectum sequi medijs particulis salinis euectis. Incongrui sales reliquis principiis non rectè mixti, colliquationem inducentes, arterias sollicitant, ideo liquida maiori impetu excurrentia novos sibi aperiunt meatus, nec eadem copia, & fœlicitate ab extremis venis absorbentur, sed stagnando turgentiam, variosque œdematosos tumores, præsertim in extremitatibus

Q

tatibus

242 DE PRÆTERNATURALI  
tatibus efficiunt, & tractu temporis in caul-  
tates, ac ventres serositates irruentes Ascit-  
tem, aut huius generis alium morbum pro-  
ducunt. Hydropicus huiusmodi affectus  
etiam contingere solet, dum vas aliquod  
lymphaticum, aut lactea quædam vena ape-  
ritur, & tunc talis Ægritudo citiùs augmen-  
tum suscipit, & vix vnquam remedijs cedit.  
Licet Hydropem epatis vitio, sua frigida  
crasi aquosum sanguinem generantis exci-  
tari Veteres tradiderint, id tamen falsum  
ostendit experientia, nam multos sine Ieco-  
ris læsione hydrope defunctos manifestavit,  
quod idem de Liene verificatur, nam quibus  
Lien abscissus est, nunquam hydrope ten-  
tari obseruamus. Huiusmodi autem viscera  
ad Hydropem indirectè concurrere possunt,  
si obstructa, debita fermenta ad liquidorum  
perfectionem non suppeditent, aut inutilia  
recrementa à sanguine non absorbeant.

### *Arthritis.*

**A**Nimal secundum Parentes nascitur, di-  
cebat Hippocr. 4. de morbis: *Tot hu-*  
*morum species, sanorum, & morbosorum in se*  
*habet.* Id nos docere videtur non solum à  
Parentibus ex traduce propagari morbosas  
ægritudines in filios, & nepotes, verum  
etiam rationem, qua id contingat palam  
mani-



manifestare; id est medijs fluidis, quibus sanguis integratur, & fermenta glandularum, & viscerum componuntur; Hæc etenim sensim vegetando maturitatem quamdam stato tempore sortiuntur, & suam vim manifestant, producto aliquo, quo naturæ operationes læduntur. Quoniam tamen liquida, & fermenta viscerum à Parentibus in fœcundo ouo relicta, & in fœtus propagata perenni transpiratione, & circulatione dissipata noua egent reparatione, ideo ex immixtis mediante cibo, potu, & externis eorum energia non parum obtunditur, ita iam sopita iacet, quæ alias in Parentibus exaltata præualebat. Hanc doctrinam frequentissimè in Arthritico affectu nouimus, nam semen labefactatum primavitiat fermenta, & minimam fœtus structuram, quæ stato tempore Parentum læsiones in actum deducunt, & tale vitium fieri non incongruè arbitraremur, quando sanguis ad particularum tartarearum generationem disponitur, quas easdem à Vinis, alijsque alimentis successiuè excipiendo, vsque ad plenitudinem saturatur, vnde dum per articulos circulationem absoluit, ibidem tartareæ particulæ intercipiuntur; & nervos stimulando, dolorem patiunt, qui eousque perseverat, quò tartarum ab adaucto sanguinis motu extra illos meatus, & angustias

expellitur, aut à lymphâ dissoluitur, & resorbetur. Secundum diuersa loca, in quibus tales sequuntur congestiones, morbus diuersis nominibus appellatur. Chiragra dicitur quando manus articulos infestat; Quando Pedum, Podagra; quando Genu, Gona-gra; quando Coxæ, vel coxendicis, Ischias.

### *Rhachitis.*

**S** Pinalis medullæ dignitatem Diuinus Plato adeo extollebat, vt istâ Animam cum Corpore necti putaret: sensus namque, motus, & secundum aliquos nutritio, quibus Animalium natura manifestatur, ope celebrantur spinæ; hinc nil mirum, si impedito ipsius ministerio, & vitiata compage, situ, & tono, diuersa morborum genera contingant. Vertebrarum etenim cûruatio versus interiora emergit, & localis motus labefactatur, quando totius corporis inquinamenta vertebrarum angustijs intercepta, minimos ipsorum meatus labefactant, earumque nutritionem, & figuram vitiant; Vasa namque sanguinea per ossium porulos circulationem explent, & à musculorum tendinibus, qui in ossium naturam absumuntur, & ferruminantur, non parum ichoris interdum communicatur; vnde remorato humorum motu, & stiptica etiam inducta

natura,

natura, alimenti ipsius qualitas, & dispositio peruertitur, qua propter cartilaginosa, meliorque vertebrarum portio, qua inuicem neſtuntur verſus interiorem regionem morboſum ſortita incrementum difformatur, & ſpina ibidem, quaſi tot ſucceſcentibus cuneis incuruatur, mutato interea ſitu, & compage, continentium vertebrarum concluda, pars nobiliſſima neceſſariò labefactatur, nam ipſius fibræ, & neruorum faſciculi, qui in exortu ampliores ſunt, compreſſi, & diſtorti, non ſœliciter admittunt tranſmiſſum à Cerebri, & ſpinalis medullæ glandulis ſuccum, & eò magis quia in Cerebro non valida eſt, ac in corde propulſio, ſed ita languida, vt debili obſtaculo de facili impedatur, quod aliquando etiam augetur à congeſtione facta in proximis partibus, & neruis communicata; Cum neruorum rami à lumborum vertebris erumpentes nerueo ſucco debite non turgeant, in muſculis natiuam tenſionem excitare nequeunt; imò deficiente ipſorum opera propulſus ab arterijs ſanguis non admittitur, vel ritè non diſponitur, vnde motus, & qualitatſ recensitæ vitium. Hanc affectionem glandularum deprauationes ſouere poſſunt, ſi eiſdem ſanguinis maſſa non expurgetur, quibus reſtistantibus, prona ad excreſcendum euadat.

*Lues Venerea.*

**I**N Venerea lue, id quod factum est ad speciei conseruationem, in eiusdem perniciem commutatur. Labes, ex impuro concubitu contrahitur, deinde infectæ seminis actiuiores particulæ intra Pudendi poros se insinuantes proximarum glandularum structuram vitiant, aut lymphatica, & ductus seminales erodunt, è quibus breui tota sanguinis diathesis euertitur, vnde ferè omnes nostri corporis functiones labefactantur. Deprauatur autem sanguinis massa, nam (assignatas glandulas arbitramur esse concessas ad sanguinem diuidendum, & liquidiorum reddendum, vt facilius in seminalibus vasis seminis particulæ elicerentur) minimæ glandulæ proprium munus amplius nequeunt exequi, sanguis sensim crassescit, & ita densatur, vt in diuersis partibus in plures concretiones, tumores, gummata, tophos stagnet: at si gypseæ materia intus conclusa aliquo ichore soluatur, partem erodendo, ulcera contumacissima procreabit; gypseam eandem consistentiam acquirit, si duobus fluidioribus liquidis semine, & lympa foras per erosam partem effluentibus, sanguis destituatur, quæ ad eundem fluidiorem reddendum instituta esse Recentiorum obseruationes

tiones euincunt; Cruorem semen volatilizat, cum è Vesiculis seminalibus per lymphatica, in sanguinem reuehatur; siquidem nouum non est in Animalibus eundem humorem, respectu diuersarum partium, differentia munia præstare.

*Vteri Rheumatismus, & alie  
læsiones.*

**V**Teri Rheumatismum fieri tradunt, si ab eius glandulis copiosa lymphæ scernatur, quæ diuersis saturata inquinamentis diuersimodè coloratur. In hac affectione primo totum Corpus in vitio esse potest, nam vniuersalis liquidorum massa pluribus scatens recrementis, depositiones in Vtero, prauam nutritionem, & fœdum cutis colorem parit, ideò fuit sensus Hippocr. Cumtim indicare naturam fluidorum Corporis. Secundo Vterus; cuius substantia nimis laxa, vel materiam liquidiorẽ pro fluxu parat, vel eandem paratam facilè excipit; & si affluens humor sulphureus salibus saturati sanguinis imprægnetur, aut eisdem ab erosa Vteri structura abradat, facta præcipitatione in albam substantiam mutatur, & album Vteri fluorem manifestat. Cum sales huiusmodi coagulantem sæpe sortiantur naturam, propterea vis Vterum ad mensum



excretionem stimulans impeditur, hinc coniungitur his symptomatibus Catameniorum suppressio, & in Vtero verificatur illud Hippocr. de loc. in hom. Corporis humani partes ea lege à summo Conditore esse fabrefactas, vt in naturæ statu mutuis officijs, & communicatis fluidis multiplices promant operationes; deficiente verò natura successiuè excitentur læsiones, detrusæ scilicet à parte, in partem morbosâ, & ferrosa colluie.

*Catameniorum suppressio, &  
Hæmorrhagia.*

**S**anguis certis salibus componitur, & repletur, qui à diuersis partibus secundum variam earum dispositionem interceptiuntur, & præsertim ab Vtero mulierum; quoniam innumeris fibris, & plicis conformatur, ne potuerit natura congruam magis structuram parare salinis particulis congerendis, quæ fermentando illam partem, & fibras ita calefaciunt, & stimulant, vt vasa vndequaquè propagata, certis temporibus aperiant, & menstrualis sanguinis fluxum promoucant, qui tandiù durat, quandiù fermentatione sales agitantur; Quod in Mulieribus, & Simijs tantum sequi experientia demonstrauit, quarum peculiaris Vteri structura  
ab

ab alijs valdè differt. Quando autem sanguis vitio Pulmonum, aut aliorum Viscerum præternaturalem acquisiuerit lentorem, sales intra Vterum deponere non poterit, qui ad assignatam irritationem sufficiant, vnde menstruorum euacuatio cessabit; quæ pariter non obtinebitur, si Vteri structura ita solidescat, vt interceptorum salium stimulis nullatenus cedat; vasa Vteri quandoque callosa fiunt, ac à qualibet vi etiam validiori nequeunt aperiri. A Sanguinis copia, & particulis nimis stimulantibus in eo exaltatis, Vteri arteriæ plus iusto aperiuntur, & partes, & vasa magis irritantur, quæ inde conuulsa maiorem sanguini motum communicant, vnde sanguis foras copiosè profilit in Vteri hæmorrhagiam.

### *Sterilitas.*

**H**Ominis generatio obscura est, & sola analogia desumpta ab Animalibus, & Plantis exponi potest. Illud certum est naturam geminum constituisse principium, actiuum scilicet, & passiuum; hoc namque Ouum edit, quod ab altero principio media irroratione feminis foecundum redditur; Vt autem vegetet feminis Plantæ instar, Vtero committi debet, veluti proprio solo, à quo emanante benigno colliquamento Animalis

Qs

partes

partes manifestantur, augentur, & firman-  
 tur. At si hæc, vel vnum tantum secundum  
 naturæ leges non fiant, sterilitas inducitur  
 vtriusque principij, aliquando alterutrius de-  
 prauatione; ex deprauato etenim Viri san-  
 guine semen incongruum separatur, quod  
 aut indebitum, aut minori impetu eiacula-  
 tum, debitam fœcunditatem non præstat.  
 Ex praua itidem Mulieris fluidorum, aut  
 Vteri ipsius constitutione Sterilitas succedit;  
 Ratum est apud Hippocratem ex Naturæ  
 legibus ab Vteri poris humiditatem perpe-  
 tuo eructari, vt interior eiusdem superficies  
 leniatur cum continuata Vagina, eum sci-  
 licet in finem, vt infuso Maris semine tan-  
 quam menstruum occurrat, indè spermaticis,  
 actiuisque spiritibus saturata ipsorum  
 vim à parte, post partem in interiora Vteri  
 propaget, delapsoque ouo communicet pro  
 fœcunditate inducenda; attamen humidi-  
 tas pauca, nulloque inquinamento saturata  
 esse debet, aliàs, si copiosa sit, extra cum  
 feminalibus particulis erumpit, vel ipsas  
 figit, atque adempto motu sufflaminat. Quid  
 simile in Ovis plantarum à Terra incubatis  
 pro vegetatione experimur; vt enim vis  
 ipsorum plastica excitetur, à solo blandus  
 humor extillat, qui Oui corticem subiens  
 læuem suscitatur fermentationem, & ita vege-  
 ratio-

tationem inchoat; at si extillans à terra humor, loco nitri, & volatiliū particularum copioso marino sale, vitriolo, aut alio erodente imprægnetur, non solum fermentationem non excitat, & successiue vegetationem, verum sterilitatem, & corruptionem inducit. Hinc data etiam integritate, & energia in masculino semine, & irrotatione fœminici Oui pro fœcunditate inducenda, erumpens ab Vtero ichor acris texturam minimam delineati corporis in Cicatrice turbare, & soluere, & sterilitatem inferre potest.

*Frequens Abortus, & deprauatus  
Conceptus.*

**F**Requentis Abortus, & falsi Conceptus causa est vitiata glandulosi Vteri structura, quæ Quo intus contento nutritium debitæ quantitatis, & qualitatis non suppeditat Succum, aut saltem incongruis particulis imprægnatum, quæ prima fœtus lineamenta corrumpunt, & hæc sæpè in Molam informem mutantur. Aliquando etiam Placentæ radices, quæ intra Vteri substantiam immisæ sunt, eroduntur, qua fit, vt fœtus separetur, & defectu meatuum, Vterique vaginalium necessaria Vteri insertio auferatur, & Abortus sequatur. Huc reuoca prænaturalē

turalem fluidorum constitutionem, quæ remorata particularum intestina commotione corrumpuntur, & dum à sanguine resorbentur, inde in Vterum transmissa prauum foetui nutrimentum parant, nisi diceres aliquando Vtero tumorem adnasci, dum intra tubulos, & sinus materia stagnat, & Abortum etiam parere, atque foramina ipsa, quibus capillares inferendæ sunt vasorum radices, nimis dilatata tempus statutum partus in foelici nascentis sorte anticipare.

### *Hysterica.*

**I**N Hysterica Passione vitata neruei propagat one; inde inuerso ejusdem motu, inducta que noua particularum compage, conuulsio manifestatur in ramis, præsertim, quibus Pulmones, & præcordia irrigantur, è quibus Thoracis dilatatio impeditur, & vasa angustantur, vnde respirandi difficultas: postea adaucta conuulsione, & constrictis venarum in Cor hiatibus suffocationes, & diuersæ mutationes in pulsu subsequuntur; imo dum irritationes Cerebro communicantur, Cerebrum ipsum, & sensus externi coafficiuntur, nisi excogitaretur inquinamenta quædam succo nerueo mixta, membranas circa caput locatas occupare, vnde tristis sensus, & impotentia ad suum explen-



explendum munus ; quapropter nihil mirum si contractione frontis, palpebrarum, & oculorum hysterice torqueantur : In Neruis pariter irregulares manifestantur laciones, deriuatis per eosdem ad artus salibus, alijsque particulis naturæ infensis, quæ cum debitam tensionem non præstent ; ideo maxima virium imbecillitate corripuntur Mulieres hac passione detentæ. Mala constitutio, & irregularis nerui fluidi motus sæpius ab odorosis particulis excitatur, quandoque ab Animi Pathematis, aliquando à Cœlibatu, quoniam sanguis tunc à quibusdam inquinamentis non repurgatur, ac aliquando demum à peculiaribus succis, & Vteri structura deprauatis.

### *Remedia.*

**C**Halybeata sunt ferri particulæ, quæ ope alicuius menstrui in arte factis, aut ope alicujus succi in animalibus extrahuntur. Hæc agunt vi propriæ gravitatis, & virtute aculeorum, quibus ferreæ particulæ præditæ sunt ; secundum diuersam dispositionem, quam reperiunt in materia, in quam agere debent, nunc deobstruunt, & laxant mox adstringunt, & concreto maiorem inferunt soliditatem ; si etenim viscera obstructa sint, & fluida viscida, & lenta,

lenta, intra densam, & arctam substantiam proprio pondere, & figuris acuminatis se insinuant, particulas viscidas, & obstruentes ab inuicem diuellunt, visceribus, & fluidis naturalem restituunt texturam. Si porò viscera nimis relaxata, nec debite resistentia, & fluida nimis diuisa, & soluta existant, è viscerum poris laxantes, & humidas particulas expellendo, intra earum locum alias solidiores substituunt, & structuram firmiorem, ac pristinam conformationem reparant: Idem efficiunt in fuis, & solutis liquidis, sales, quibus solutio producitur ab inuicem diuidendo, aut particulas intermiscendo crassiores, quibus cum reliquæ facilius adhæreant, quàm salinis & aquosis, densior contextura insurgit. Ex his facile colligi poterit cur tot fugandis diuersarum specierum morbis Chalybeata prosint; si tamen eos excipias, qui per deprauatam vasorum Pulmonis structuram sequuntur, cum tunc fiat, vt per angustas, & complicatas vasorum circumuolutiones ramosæ, & crassiores ferri particulæ permeare nequeant, quin potiùs nouas vias aperiendo, læsiones prioribus magis noxias inferant. Nec absimili ratione loquaris de ijs qui languidam, & eneruatam alicujus visceris, aut alterius partis ex nobilioribus structuram possi-

possident, qui nullatenus, etsi præstantissimo, nimis tamen energetico remedio resistere valent, & perfectiorem sanitatem exquirentes, in totalem perniciem ruunt.

Ad terrii Ventris læsiones Thermalium aquarum vsus maximè conducit; primò quia cum nostris fluidis summam ostendunt analogiam, cum aliud non sint nisi lymphæ particulis diuersorum generum saturata; secundò, quia in Thermalibus, iuxta diversitatem particularum vitrioli, aluminis, ferri, boli &c. quas à terra ebibunt, singulas particulas, quibus sanguis destituitur possunt restituere; Tertiò, quia cum grauioribus particulis sint præditæ, ideo ad obstructions viscerum reserandas Chalybeatorum instar multum valent, atque plures Thermas Chalybeatas experimur; Quartò, quia partes aculeatis salibus stimulando, menstruorum pro alimentis dissoluendis promouent exitum, & alios viscidiores particulas partibus arctissimè hærentes dimouent, vnde ad contumacissimos Ventriculi, & primarum viarum morbos mirè prosunt. Quintò, partes tartarea obstructas materia ad expulsionem excutiant, imò singulos noxios sales imbibendo, & abluendo, quæ dum inuicem agitantur insignem feruorem pariunt, non parum refrigerant, & viscera ab imminetibus, &  
præ-

præsentibus morbis egregiè vindicant, & ad pristinam soliditatem, ac resistendi potentiam recuperant; quò circa nil magis iuuat in Renum, & Vesicæ calculis, Vlceribus, Vrina cruenta, alijsquè harum partium affectionibus, nihil foeliciùs hyppochondriacas læsiones tollit, nihil singula nostra viscera, & vasa melius expurgat.

Parata ex viperis, quia plurimum salis volatilis continent, ideo sanguinem à principijs actiuus depauperatum possunt restituere, & eiusdem concrescendi dispositionem in vasis præsertim minimis, & tortuosis plurimum recuperare: Insuper particulas humiditas diuidendo, easdem in euaporationem, & traspirationem vrgerè, & si cum ipsis vniantur, vti aliquando contingere solet, præcipitationem per aluum, vel per vrinam promouere; istæ tamen virtutes, immò & validiores in alijs animalibus reperiuntur, è quorum partibus congruentia magis remedia pararemus, quæ certæ morbi differentia, seu certæ Corporis intemperiei facilius succurrerent. Salsa parilla dictis analogis abundat particulis, quæ gypseam sanguinis diathesim diuellere valent, & partes eandem componentes, ita à reliquarum consortio separare, vt vel leuiores redditæ per diaphoresim excant, aut ad Renes impulsæ per diuresim;

Talem

Talem autem validam vim diuellendi monstrant concreta alia ex mineralibus, fossilibus, & vegetabilibus, quæ ponderosioribus particulis, aut fugitiuis, totam sanguinis massam non solum laxant, sed ex integro eiusdem structuram destruunt. Vegetabilium decoctiones quæ in febribus, aliisue morbis, inque Prophylaxi ad paucas vncias vulgò exhibentur, nec alterare, nec immutare valent fluida, quare paucae vegetabilis, aut &c. particulae ab innumeris totius massae sanguinis principiis obruuntur, & illarum virtus dissipatur; & licet singulis diebus exhibeantur, quotidie tamen, dum coctio operagitur, idem effectus sequitur; qua de re decoctiones ad plures libras, Thermalium instar, iubendas esse non ineptè fas esset arbitrari. Antimonium, & alia diaphoretica, non semper ad cutaneam excretionem promouendam, sed aliquando ad imbibendos, & irritantes sales retundendos concedenda sunt. Cornu Cerui decoctio ad oleosas, & volatiles particulas sanguini communicandas, vt ipsum dulcem reddat, quandoque non ineptè indicatur.

Omnes candidè fatentur Aerem, Victus rationem, seu alimentorum condiciones, Motum, Quietem, & Animi affectus pro tuenda valetudine plurimum conducere, si rectè

R insti-



instituantur; & ex aduersò si perperam vsurpentur, summam in nobis imbecillitatem parere, & latentes morborum causas excitare, debitas coctiones impedire, & integrè Sanitatem euertere. Ab aere inspirato, & expirato propriæ vitæ alimenta recipimus; si porò aer nimis humidus sit, nocturnus v. g. summè lædimur, quia Pulmonum ope, volatiles, & actiuas particulas non subministrat, sed earum loco fossilium, & mineralium recrementa, quæ fermentationem, & transpirationem impediunt. In pluribus morbis victus tenuis qualitatis, & moderatus instituat, sit tamen morbo, & corporis constitutioni proportionatus, ità vt vinci possit à vi, & viscerum fermentis, ne nimis excrementis scatens, eadem ad partes deponat, sed valde nutriat, & Corpus vegetum reddat, sanguinem depuratum, & neruorum liquidum partibus coagulativis non mixtum producendo; si autem incongruum victum adhibeamus, ægri plura damna patientur, & in nimio potu experientur coctionem impediri, & nisi transpiratione, aut abundanti Urina nimium humidum dissipetur, sanguinis mixtionem euertere, & tonicum fibrarum motum eneruari: Limonum succi, aliaque huius rationis, quæ fixantibus, & erosiuis partibus sanguinem replent, eius volatilitatem

tem turbant ; tartareas materias vehunt ad Vrinæ vias , & ad Calculorum disponunt generationem. Multum localis motus , si moderatè exerceatur , prodest ; fluidorum motum , & tenuitatem promouet , quibus conueniens articulis vigor suppeditatur , tertix coctionis excrementa dissipantur , & in partibus præsertim extimis humorum decubitus prohibentur ; è contrà otium , & longa quies , cum pleraque earum , quæ dissipari transpiratione debent , intra nos detineat , humanæ sanitatis ruinam portendit , quare sanguis hisce recrementis plenus , minimos meatuum poros permeare nequit , hinc partium fit summa imbecillitas , & liquidorum decubitus promouentur ; quamobrem restitancia excrementa sanguinem , qui incessanter per arterias excurrere deberet , inficiunt , ac ipse remoratus facilè concrefcit , & cum sæpè totus à Venis non resorbeatur , in partibus restagnando , easdem maximè deprauat. Animi lætitia debitam sanguinis circulationem , & neruorum liquidi ad Viscera , musculos , & partes seruat influxum ; ex aduerso mœror , neruos insensibiliter conuellendo , naturalem cruoris motum impedit , vasa constringit , fluidorum mixtionem perturbat , ac demùm summè necessariam imminuit transpirationem.

De his autem vltiorem modò non placet sermonem instituere, ne hunc Tractatum præter institutum longiùs protrahamus; non enim integram Medicinam, sed Prodrumum quendam, & nostrarum cogitationum Ideam exhibere volumus, ac medendi indicare Methodum, quæ est: A COGNITIONE NATURALIS, ET PRÆTERNATURALIS SANGVINIS SANORUM, ET AEGROTANTIVM: ET ILLIVS QVOD REMEDIA IN SANGVINEM OPERANTVR: PER RATIONEM CVIVSLIBET AEGRITVDINIS CONVENIENS REMEDIVM DERIVARE. De Remedijs aliàs fusiùs dicturos spondemus: intereà memineritis ipsorum numerum infinitum esse, præsertim apud Auctores Empiricos, sed numerum in re medica nullius esse vtilitatis, cum debeant eligi secundum diuersum eorum operandi modum, & varias ægritudinum conditiones, quod est mentis optimè ratiocinantis opus. Hæc sunt illa semina, quæ Præceptores præstantissimi in nobis excitarunt; si eadē bonus Cultor excepisset, meliorem frugem prodidissent, ut epist. 73. Seneca admonuit, *Semina in Corporibus humanis diuina dispersa sunt, quæ si bonus Cultor excipit, similia origini prodeunt, & paria his, ex quibus orta sunt, surgunt; si mala, non aliter quam humus sterilis, & palustris necat, ac deinde creat purgamenta pro frugibus.*

# DE VENTRICULO, ET EMETICIS.

**I**Ntra nimis angustos limites humana cognitio coercetur, quia sensus ad percipienda plurima obiecta non pertingunt: siue pro certis obiectis, ut nostræ superbiæ resistat Deus immortalis, sensus non concesserit; Si equidem pauciores sensus homini ingenerasset, hominem profectò latuisset omne illud obiecti genus, quod sensibus, quibus destitueretur, proprium existeret, ut surdus dum quis nascitur, sonum, aut aliam eius proprietatem nunquam percipit deficiente organo, quod huiusmodi ideas parare possit; Si autem plures sensus voluisset largiri, uti plures, & perfectiores certis animalibus Creatorem impertitum esse (quia ratione careant) censuit Gassendus, & maximum oculorum numerum insectis testantur concessisse observationes, omnia illa obiecta, quæ huiusmodi sensibus congruerent, & nunc nobis omnino ignota, apertè cognosceremus.

Huius conditionis autem est Pharmacorum inuentio, si omnimodam sensibus fidem

R 3

habea-

habeamus; cum tot dentur in morbis, quæ ut attingantur, aut nullatenus, aut idoneos sensus natura non fecerit, vnde non est mirum, quandoque in cassum cuiusdam remedij inquisitioni toto vitæ cursu Medicum adlaborare; quare optimum existimamus sensus mechanicis instrumentis, potissimum opticis, iuuare, ut partium structuram menti nostræ aperiamus, & mens deductione quadam eandem læsiones, remediauè adinuenire possit: Vti in Geometricis Trigonometria, &c. ad certam mensuram eorum, quæ sensibus non subiiciuntur, infallibili ratiocinio ducimur.

Id verum esse manifestò patet ex mirabili Ventriculi structura, eius læsionibus, & præsidijs, quæ, licet sensibus, nostræque cognitioni maximè abscondantur partium diuersarum multiplicitate, earum minima compage, ac artificiosa ad inuicem vnione, & respectiuitate; si tamen sensus instrumentis muniamus, non amplius ambigimus, quomodò, & quibus medijs Ventriculus alimenta, & Pharmaca excipiat, dissoluat, modifcet, immutet, atquè in alienam naturam actuet: Immodò si in penitiorem illius structuram, & fluidorum, quæ ibi separantur crasim, quantum fieri poterit, cognoscendas, conatus impendamus, clarius inno-

rescent



tescent contentorum alterationes, mutationes, quæcumque potentia, & singulæ conditiones; sin minus, nunquam credas, cœcum Empiricæ casum tutò Pathologia, & Pharmaceutice hominis incolumitati consulere. Quare dixit Henricus Screta capite primo de optima medendi methodo. *Meritò igitur reprehendendi sunt omnes, qui Empiricorum more minus perspectis causis, immò vix animaduersis morborum phenomēis, mox se ad persanandos quosuis affectus accingunt, quo iurata sua remedia secreta sat caro pretio miserè afflictis Ægrotis venundare possint.*

Nec nos toto falli iudicio, & rem temerè omninò agere vnquàm iustè adiudicabitis, si postquam breui compendio Ventriculi historiam perstrinxerimus ab ea integram deriuabimus Emetiologiam, cuius nunc grato Academicorum iussu pro viribus satagimus. Qua de re perpendimus, partium Ventriculi alias alimentis recipiendis datas, alias elaborandis, alias distribuendis, quæ æquissimo iure, quod cuique suum est opportuna liberalitate dispensant. Propterea vnus idemquè ductus est, qui per corporis medium ducitur, & licèt in pluribus locis variè sinuetur, vbi diuersis appellatur nominibus; non ideò naturam mutat, sed vsu; vndè Blasius Clarissimus Oesophagum,

Ventriculum, & intestina, infundibulo, molæ, & incerniculo comparauit.

Oesophagus à faucibus incipit, ac inter colli, dorsi vertebrae, & Tracheam descendens infra diaphragma, circa vndecimam thoracis Vertebrae stomacho continuatur. Eidem in parte superiori duæ adnascuntur glandulae, quæ breui collo in illius cavitatem hiant. Totus iste tubus quatuor membranis componitur; prima neruea est, quæ in tendineum tubum incuruatur; secunda est Musculus simili modo conuolutus, cuius duospirales fibrarum ordines existunt, vnus ascendens, alius descendens, qui duarum ad instar oppositarum cochlearum mutuam pariuntur decussationem, vt oportunè deglutioni, & vomitioni famulentur.

Animalia Voracia Gulam amplam, crassam, & rubram sortiuntur, cui insunt ligamenta quatuor, quæ istam in plures, & angustiores cellulas contrahunt. Animalibus Graminuoris gula ex quinque tunicis congeritur; glandulosa, cuticulari, neruea ex Fibris rectis, & transuersis; duabusquè muscularibus, quibus Fibræ, in senticæ formam, mixtæ conspiciuntur.

In Ventriculum dilatatur Oesophagus, cuius duo sunt orificia, superius in parte sinistra, quod alimenta recipit, alterum in dextra, quod

quod eadem depellit : hoc parum flectitur, intusquè refertur rugis, quas membrana interior, cæteris minus expansis contenta, efformat; eæ enim valuulæ vsu chyli velocem descensum, & regressum impediunt, nisi imaginemini inter rugarum maiorem ambitum, describendas copiosiores locari fistulas.

*Tasne* exteriùs habet fibrarum stratum superiùs incipiens, quod totum itidem Ventrículum succingendo in se ipsum reuertitur; alterum interiùs, quod à sinistro foramine, vsque ad dextrum percurrit, ac tales fibræ hoc modo in tota Ventriculi area disponuntur, & circulariter nonnullæ, quæ peculiari distributione pyloro insunt. Si autem fibrarum vsum exquiratis, censendum diuersis Ventriculi motibus ad introitum, & contentorum exitum suffragari.

Homini, & Animalibus vtriùsque maxillæ dentatæ vnus conceditur Ventrículus: Alterius tantum dentatæ sunt quinque; scilicet Venter, reticulum, omasus, abomasus & glandulosus. Ex opposito pylori Porcellini situatur rotunda caruncula, ceu eiusdem obstaculum. Ipsius lateri sinistro muscolari ligamento in formam intestini cœci, alter minimæ molis superadditur Ventrículus. Sique adhuc nostræ cognitioni studeamus, plures inueniemus Pisces Ventrículo carere.

Ventriculus dum ad orificium inferius constringitur intestina efformat, quæ usque ad anum pluribus circumuolutionibus pertingunt, & cum alibi angusta sint, alibi lata, ideo non incongruè in has duas differentias diuidentur.

Primum angustorum intestinorum segmentum duodenum appellatur, quod incipit à Ventriculo, & per longitudinem duodecim digitorum circa centrum Mesenterij definit: Habet duo foramina pro ductibus pancreatico, & choledocho, quæ in Canibus valdè distant, licet in hominibus plerumquæ vniantur. Secundum intestinorum segmentum leiuum dicitur, quòd in sectionibus vacuum reperiatur, quia ingens lactearum copia citò contentum humorem recipit. Tertium Ileon, quod omnium est longissimum, sic dictum à suis circumuolutionibus.

Quartum segmentum, & maiorum huiusmodi viscerum primum, Cæcum intestinum vocatur, quod extrà mesenterium porrigitur: Istud quamuis in homine arctissimum, & semper inane existat; in foetu tamen insignem habet magnitudinem: In nonnullis Brutis præcæteris in magnam molem excrescit, ac quò ad plures aliàs conditiones variat. Hoc viscere Torquilla caret: Idem intestinum Porcellus, & Equus pecu-

uari conformatione adipiscuntur. Auibus huiusmodi intestinum mirabilis rerum ordo ingeminavit, quod obtusos cum recto angulos componit, & in Gallo aperitur in rectum; & si rem miram sentire vos non piget; referamus maximum cæcorum numerum, quæ in Piscibus, vsque ad 80. peringunt, ac velut iuba collo equino, crassis intestinis hærent, & multiplex Pancreas videntur. Mirabili verò cæco Cuniculi, valvula quædam præsidet, quæ linea spirali ab uno ad aliud extremum distenditur. Quintum est Colon amplissimum omnium, constat pluribus cellulis, quibus ambientes musculi compressionem efficiunt, vnde turgent intestini portiones: In his fœces contineri, & morari possunt: Circumdat quasi totum Abdomen, tangit fundum Ventriculi, vesiculam Fellis &c. Huius initio Valuulam nonnulli posuerunt, quæ excrementorum prohiberet retrocedentiam. In cellulas medio crasso ligamento vnitur, & duobus alijs ligamentis, proximis iungitur partibus. Multa animalia, puta Canem, Vulpem hoc intestino deficere, facile poterimus observare, sicuti in alijs Equo, Cuniculo, Lepore, Asino, Porcellino, natura defectum compensante, geminum Colon fabrefieri. Vltimum Rectum est longum sexdecim digitos, latum tres,



tres, atque carnosissimæ substantiæ; Insuper tres obtinet musculos, quorum duo elevatores, tertius verò constrictorius, seu sphincter appellatur; & voluntariæ excretioni inserviunt. In Pluribus Animalibus rectum, amplum, & pyriforme prope anum conspicitur. Canis, Vulpes, Felis, Putorius, & fere omnia animalia carniuora duos prope anum folliculos tenent, qui foetidum liquorem animalis proprium servant, & certo analogismo cum cystulis, quibus Felis odoraria cibetum continet, conveniunt. Mustela hos folliculos sphinctere comprimit, ut eos, & anum in simultaneam urgeat euacuationem. Horum occasione non prætereundum, in Carniuoris recensitorum folliculorum inuentionem non modicum Anatomicorum Speculationes excitauisse.

Donantur intestina duobus fibrarum carnearum ordinibus, quorum externus rectus est, internus circularis, quibus partes intestinorum successiue contrahuntur, & peristalticus efficitur motus: Musculares porro fibræ densissimum musculum componentes in interiorem structuram concurrunt, & certam cavitatem efformant, quæ innumeris fistulis repletur, quæ sursum perpendiculariter erectæ totam ipsius aream replent; amplissima dictorum siphunculorum area  
propa-

propagatum inferiùs orificiorum rete effor-  
mat; superiùs verò rete fibrarum orificia  
inuicem colligantur, ita vt hæc duo retia  
duplicis membranæ rationem possint mœ-  
reri. Ad fistularum extremitates excurrunt  
vasa omnis generis, ne quid desit, vt hanc  
internam membranam Glandulam existi-  
metis. Fistulæ tamen non in toto ductu  
perpendiculares, nam in intestinis quæ-  
dam sternuntur, & aliæ diuersis modis se  
disponunt. Infra hanc membranam ad os  
superiùs ventriculi, & in intestinis aliæ ob-  
seruantur glandulæ. Fistularum extremi-  
tati adhæret quarta membrana, cui Villis  
crustæ nomen dedit; Verùm est ingens  
numerus sanguineorum vasorum ramos in-  
teriùs emittentium adeò confertim sitorum,  
vt spatium vnus pili non remaneat va-  
cuum; ista in arcum flectuntur, & rami  
introrsum iacent: Vasis huiusmodi limus  
adhæret, qui inter vasa sanguinea compo-  
nitur ex fasciculis fibrarum, quibus externa  
extremitate quidam globuli imponuntur;  
altera verò parte fistulosæ membranæ con-  
iunguntur: Fibræ musculum internum in-  
testinorum gignunt, ac intestinis vacuis,  
& corrugatis interfunduntur liquore, dum  
verò intestina replentur, & distenduntur,  
abbreviantur fibræ, & abinuicem recedunt,  
vnde

vndè succi in lacteas venas, aliaquè vasa propelluntur.

Si quasdam intestinorum differentias velimus animaduvertere, in Voracibus Animalibus eadem in octo diuidi ostendet experientia; Mustelæ intestina simplicissima intuebimur; Monedulæ omninò muscularia, sinuosa, suè laciniata; Canis, Vulpis, Felis, Putorij intestina pluribus glandularum racemis in communem ductum hiantibus prædita, ceu intestinale Pancreas ex opposito vasorum insertionis positum. Et Vitulos ibidem plures nancisci glandulas adhuc alij inspexerunt Anatomici.

Oesophagus, Ventriculus, & Intestina arterias à carotidibus, intercostalibus, celiaca, mesentericis; venas ab azygo, intercostali; à porta pyloricam gastricam, & gastroepiploides; ac à mesentericis &c.

Intestinum rectum habet hæmorrhoidales internas, quæ oriuntur à ramo splenico venæ portæ, externas, quæ à ramo hypogastrico venæ cauæ, & per musculos circa ani motores propagantur; neruos ab intercostalibus, octauo pari, stomachicis, & spinalibus; lymphatica, & innumeras lacteas venas, quas præcipue obtinent intestina tenuia. Has venas inter villosos ductus hiare est probabile, licet hoc neget

Leue-

Leuenoch, qui credit chylum à raritate tunicarum excipi. Tales candidæ venæ frequentissimis coniuventibus gaudent valvulis, quas fluidi ascensum iuuare creditur; Sunt tamen totidem transversi muscoli chymi motum ad mixtionem moderantes. Lactæ triplicis sunt speciei: Prima species intra intestinorum tunicas tortuosè incipit, & definit ad glandulas peripheriæ mesenterij: Secunda species hinc ad Pancreas centri mesenterij attingit: Tertia ab huiusmodi insigni glandula vsque ad receptaculum ducitur, in quod has lacteas dilatarı inspicı potest, & componere Receptaculum, quod ad primas lumborum vertebrae situm est; Vbi res habet valvulas sensim constringitur, & Diaphragma pertransiens ductus thoracici nomen acquirit, qui quandoque vno, sæpè duplici tubulo, quorum vnus alteri parietes porrigit, & propè vertebrae ascendens in axillarem sinistram, vbi externa iugularis vena se infundit, aperitur: Locatur valvula ad axillaris initium, sanguinis ingressum, & chyli regressum prohibens. Tales ductus chylum vehunt, & lympham. Receptaculum, & Thoracicus ductus innumera lymphatica recipiunt, ab intestinis, & alijs pluribus partibus.

Oesophagus alimenta ad Ventriculum deducit,

deducit, qui cibum in ore trituratam concoquit, & immutat in cremorem quemdam, qui dicitur chylus, & immutatio concoctio vocatur, quæ nihil aliud est, quàm maceratio, seù diuisio, ac dissolutio separatione partium: Ad hoc officium descriptæ fistulæ, & glandulæ suppeditant liquorem quemdam non acidum, non salsum, non &c. sed indefinitum, & quia præditus est maxima actiuitate, motu continuo cibos peruadit, eorum partes dissoluit, & diuidit; inde non comparandus aquæ forti, etsi ille recludat, vt hæc argentum penetrat, & in puluerem ducit. Mutatis iam cibis in cremorem, ventriculus se constringendo laxatis fibris pylori, chylum in intestina propellit, per quæ fertur mediante motu peristaltico, hic acquirit maiorem perfectionem, nam cum pancreatico succo, & bile vltèriùs fermentatur, quæ optima, & subtilior eius pars, quæ deinde fit sanguis, intrat lacteas venas in intestina hiantes, & quod reliquum remanet fœces sunt, quæ per anum extraduntur.

Quoniam à minùs dubijs ad omninò incerta, progrediendum; ideò nunc ad intestini cœci officium reflectimus, quod ita abditum, & densis tenebris obuolutum est, vt omnes Anatomicorum conatus inanes  
vsque



vsque adhuc reddiderit: Dixerunt equidem ventriculo suffragari vlteriùs alimenta concoquens: Secundò excrementa recipere, & figurare: Tertiò excretionem contento fluido per inferiora promouere: Sed demum conijcimus nos innumeris glandulis, quibus præditum est, oleosam materiam parare, quæ in fœtu, in quo insignem habet capacitatem, humidiores alimenti partes, & foeces viscidiores redderet, vt illæ faciliùs ad hærendo nutrent, hæ segniùs descendendo minùs incommodam præstarent excretionem: Sed semper in obscuris sumus. Aliorum verò intestinorum vsus est, vt per ea Chylus circumferatur; perfectiùs elaboretur, & in lacteas distribuatur: Secundo Excrementa colligere, continere, & foras euacuare: Ac non solum excrementa, quæ à chylo, sed etiam quæ à sanguine in glandulis intestinorum excernuntur; cum infinitus numerus vasorum sanguineorum in nerueam intestinorum tunicam propagetur, quàm densissimam siluam æmulans. Vasa talia autem pleaque sunt venæ portæ radices, quæ omnes in hanc tanquam in truncum coeunt, & sanguinem reuehunt, non verò chylum, vt quidam nulla fida experientia tradiderunt.

Vt hanc historiam nostris aptemus rebus, & argumentum clariùs meridiana luce illu-

S

stremus,

stremus, nihil est congruentius Emetico-  
rum examine, cui eo libentius mox incum-  
bemus; Quia omne aliud remedij genus  
excellunt, ac præceteris difficiliore læsio-  
nes, nisi maturius exhibita prius impediue-  
rint, statim in limine exortus extinguunt: &  
quoniam huiusmodi Emeticorum historia ne-  
cessarium ostendet alterum Neotericæ scho-  
læ studium, scilicet Anatomen Comparatam,  
ut ubique solertissimi medicinæ in-  
dagatores suas posuerint cogitationes, si  
mentem præiudicijs exuerint iuxta consilium  
magni Verulamij, innumera in rebus medi-  
cis inuenient argumenta, quibus euidentissi-  
mè demonstrabunt huiusmodi comparatam  
Anatomen aperire, & illustrare non solum  
partem medicinæ Physiologicam, sed & The-  
rapeuticam, ut sanitatem hominis, & præsen-  
tem conseruent, & perditam restituant.

Huius veritatis signo statim occurrimus,  
nam si structuram, & modum palam intelli-  
gere desideramus, quæ vomitum causant,  
spectemus ea, quæ ruminationi in diuersis  
Animalium ruminantium speciebus infer-  
uiunt, quæ integram naturæ, & artis indu-  
striam in vomitu retegunt; nisi velimus in-  
ter causas eodem modo operantes, & eodem  
parturientes effectus ideali quadam præcisi-  
one essentielles differentias considerare.

Istud,

Istud , quod rei Anatomicæ candidis cultoribus plena fide pronunciamus , nemo inficiabitur , si ingenuè perpenderit ad cognitiones partium humani corporis assequendas , similitudines rerum , atquè imagines non modicum conferre : Quid enim magis vomiturientis actioni assimilatur , quam ruminatio ? in vtraque contenta in os reaffunduntur impellente in vno pabuli ruditate , seu asperitate , duritie , crassitudine , & cruditate , in altero impellente emeticæ materiæ ruditate , asperitate , duritie , & crassitie. Seruiunt vtrisque partes aliæ principales , aliæ ministræ : Principalium sunt os , gula , ventriculus ; sociarum operis diaphragma , pectoris , & abdominis muscoli , & auxiliares Animalium Spirituum copię : Seruiunt vtrisque fibræ Oesophagi , ventriculi spirales , & obliquæ , quæ motu contrario , & pabulum ad Ventrem impellere , & inter ruminandum , & vomendum in os repellere valent.

Si autem organorum asperitatem in vomitu quæratís , eam necessariam non esse omnino existimamus , vt nec necessariam in ruminatione , cum tot dentur ruminantia , quæ leuem gulam habent ; plura insecta , plura aquatilia , & homines ipsi , quos aliquando machinæ corporeæ deprauatione

ruminaſſe ( vt eadem deprauatione vomunt )  
 apud Obſeruatores legimus, atque vero A-  
 nimalia iſta euincunt ruminationem nec exi-  
 gere alteram tantum maxillam dentatam,  
 nec ventriculorum pluralitatem, vt non  
 nulli crediderunt: Immo cum Doctiores  
 eſſentiam ruminationis in motu certorum  
 organorum inuerſo collocent, in motu in-  
 uerſo eorundem nos vomitionis eſſentiam  
 ponimus, & hunc motum ita alteri affimi-  
 lari decernimus, vt ſicut vnus conuulſiuus,  
 & intermittens obſeruatur, alter & conuul-  
 ſiuus, & intermittens exiſtat; quin & con-  
 uulſionem huiusmodi violentius corrugan-  
 do fibras, & membranas, quaſdam alperi-  
 tates veluti totidem ſcalæ gradus ad mate-  
 riam aſcendentem parare poſſe, nemo infi-  
 cias ibit. His adeo firmum remanet quod  
 ſuperius recenſuimus, vt idem omnes no-  
 biſcum debeant fateri; niſi alicui placeret  
 Διωμοſία, vt alterius ſententiæ fama depereat  
 bonos ſenſus Δολερώς irridere.

Vomitorium eſt illud quod Ventriculi,  
 & inteſtinorum Villos violenter irritando  
 contentorum per ſuperiora promouet ex-  
 cretionem. Tale primo poteſt ſeparari in  
 glandulis à ſanguine minus debite volatili-  
 zato, aut alio modo vitriato; Secundo po-  
 teſt produci à ſuccis ibidem confluentibus,  
 dum

dum diutius, aut breuius detenti peruertuntur; Tertio à chylo, qui aut citius, aut tardius expellatur, siue minus, siue nimis coquatur, vt in alienam abeat dyathesim; Quarto à Medicamentis, siue suapte natura emeticis, siue talibus in primis vijs euadentibus; Quinto dum vniuersali conuulsione Venter ipse coarctatur, vt violenter contractus, quæ interiùs tenet, exteriùs repellat.

Substantia emetica non rarò à glandulis intestinorum, & Ventriculi ea abundantia scaturit, vt magnos vomitus excitet, cum innumeræ sint glandulæ, quæ partibus istis conceduntur, & circa orificia, & secundum alios pluribus racemis circa partes inferiores, & aliorum etiam Saniorum opinione vndeque, vt vnum integrum stratum totam ventriculi & intestinorum concauitatem occupans, & quasi aliam tunicam constituens, compleant.

Comunem porro glandularum structuram quidam spongiosam substantiam; nonnulli vasorum glomum; Alij Folliculorum, & fistularum compagem affirmant. His tamen potest concedi; primos apparentem oculis glandularum superficiem designasse, alteros vnam glandulæ partem indicasse; ac postremos glandularum figuram, & similitudinem exhibuisse.



Nos pro certò habemus Glandulas tenues musculos esse in formam tenuissimæ tunicæ extensos, nec quidquam officit, & tenuitatem, & colorem plerumquè album hocce musculos nancisci, cum vni tantùm fibræ candidissimæ, & tenuissimæ in pluribus partibus musculi concesserit priuilegium Suammerdammius. Ita verum est glandulas musculi structuram præferre, vt glandulas omninò carneas in inguine, sub axillis, & artubus apertissime possimus ostendere, & non alia ratione plures glandulas, carunculas celebres Anatomici dixerunt; & præ foribus Ventriculi Gallinarum extat bulbus quidam glandulosus, qui innumeris glandulis compingitur carneis.

Huc spectant primò obseruationes Actorum Angliæ Anni 1688., in quibus traditur renes quosdam fuisse inuentos, qui aliud non continebant nisi sacculos carneæ substantiæ: Secundo quod Thyson in Anatome Viperae Caudiffonæ viderit renes, qui erant 12. Fistulæ excretoriæ sanguineæ, id est, fibris carneis præditæ: Tertiò legimus Celeberrimum Malpighium inuenisse interiorem testium tunicam carnearum fibrarum mirabili compage, quæ per medium intesticulorum seminis producebantur, vt ex his rectè conijciamus talem structuram totis testibus; & reliquis

reliquis glandulis inesse: Quid ni illæ carneæ fibræ propè vesiculas seminales si vsum consideres, fortasse aliud non sunt, nisi glandulosæ portiones; vti carneæ fibræ, & extrorsum, & per medium Prostatarum transductæ magnam, ni totam ipsarum organizationem, componunt.

Nec vbiq̃ue hos musculos eodem modo figurari credas; siquidem alicubi in speciem simplicis cystis efformari videbis, vt in palato, gutture, pullorum ingluvie, alibi vltra cystum breui collo elongari in similitudinem cucurbitulæ, ita in peritoneo, pericardio; alibi in certos racemos vuarum sarmenta æmulantes, ita in epate, liene, & alibi in fistularum formam v. gr. in ventriculo, in renibus, in luteis corporibus Ouarij mulierum, quibus oua includuntur, exprimuntur, & in tubas proijciuntur: Fistulæ verò, aut directè, aut obliquè, aut transuersè intestinulorum instar disponuntur.

Siquè oculis etiam fidem quis denegaue-  
rit, rem clariùs confirmat glandularum vsus. Musculi recensiti dum contrahuntur, vasa intus complicata, & flexa constringuntur, fluidiorem liquidi excurrentis partem exprimunt, & separationem promouent succi, vel in aliquam cauitatem effluentis, vel ab aliquo excretorio excepti, cum hoc in

glandulæ contractionē aperiat. Partibus, quibus abundantissimæ separationes fiunt, & plura vasa destinata sunt, e quorum fluidis diuersi succi copiosè excernerentur, viz. intestinis, ventriculo, palato, maxillis, Natura suffragata est ad validiorem compressionem præter musculares cuiuscunque ordinis fibras, alios validissimos musculos. Inest musculus Maxillaribus glandulis digastricus, qui in comestione, dum maxilla deprimitur, inflatus comprimendo glandulas, ipsarum succum exprimit, pariter cum maxilla eleuatur, temporalis, masseter, & reliqui faciei muscoli tumefacti conglomeratas parotides glandulas urgendo propriam earum lympham eliciunt, eadem mechanica, qua buccinator interiorem buccarum tunicam premendo peculiari liquore glandulas exonerat.

Nec quis credat linguam solum ad vocem fuisse institutam, licet necessariam tantopere in Animalium commercium, sed in alium usum magis etiam indiuidui conseruationi conducentem. Proprijs, & multiplicibus musculis debet palatum, & vicinas partes in masticatione comprimere, vt tali compressionē copiosè extillans succus alimenta dissoluat. In ventriculo, & intestinis plures non debemus inficiari musculos; & si

& si vsum spectemus aptè quidem Ventriculum, & intestina appellanda, ac si partes componentes, musculos, dicenda esse, sine iniuria licet arbitrari. - Vnus est idemque musculus fibrarum circularium, & rectarum, vtrinque in tunicam externam, & internam, ceu geminum tendinem desinentium; nisi etiam musculum alium, quem Leuenoch obseruauit, consideraues. Si què Anatomen comparatam adhuc in nostros vsus adhibere velimus. Greuius in Porcellino ostendit ventriculum muscularem, figuratum, & magnum instar Carniuorum; ostendit in Gallo gallinaceo ultra musculos à Peiero relatos, scilicet quatuor molares; alios duos deductores, & reductores. Si ergo consuetudo est naturæ, musculosa carne vti ad expressiones, & separationes succorum, certè inferamus glandulas, quibus huiusmodi separationes, & expressiones aguntur, musculos esse; Interea vterius intelligemus, cur tantus neruorum numerus in glandulis distribuatur; cur tot fibræ carneæ folliculis pinguedinis subijciantur, vt nonnulli integrum carnosum panniculum componere adiudicauerint; cur capsula, quæ etiam ipsa musculosa apparet, & non incongruè glandula diceretur, stipentur vasa epatis, & lineis: Immo huius vesicularem

substantiam, si structuram, & proprium munus inspiciamus, eiusdem conditionis cum glandulis esse aptè fateremur; non diuerso modo de pulmonibus possumus loqui, licet vesiculæ, & ad exprimendum humorem lenientem aeris asperitatem, & ad aerem constringendum, & expellendum musculari substantia conformentur.

Habetur in glandulis fluidorum distillantium diuersitas per debiles, aut validiores musculos, validas, aut debiles expressiones promouentes. Musculorum tamen vires quandoque etiam adaugent partium superincumbentium pondera, & coadiuvant valorum cum corde distantia, eorundem diametri dimensio, & fluidorum circulantium velocitas. Propterea cum viscidius menstruum exegimus, viz. in glandulis primarum viarum, positi fuerunt plures muscoli, & addita partium superpositarum momenta, quibus glandulæ subijcerentur; in cute vbi tenuis tantum vapor exire debuerat tenuium filamentorum folliculi facti sunt, nec alicui alteri validiori musculo substrati; quare si quandoque crassiores sudorem expetimus, ponderosioribus stragulis oportet nos operire.

Idcirco admonemus non tam diuersam esse succorum è glandulis exeuntium indolem,



lem, vt vulgò cenſetur, nec debere cogitari in determinatis glandulis, conformitate pororum determinatas tantum particulas exemplo cribrorum cribrandas eſſe. Sed liquores huiusmodi ſecretos potiffimum diſſerre, quia per minores compreſſiones exeunt tantum fluidiores, à reliquis magis ſciundæ, & præcæteris ſubtiliores particule; per validiores vero compreſſiones, quæ ſuam latitudinem habent, exeunt ſolidiores, craſſiores, reliquis arctiùs detentæ, quæ in fluidi excreti tamen textura, colore, & reliquis proprietatibus non mediocrem differentiam ſtatuerè valent: Addimus, ideò poſſe particulas omnis generis per quamlibet glandulam deriuari, cum experiamur glandularum liquores ſequi conditiones alimentorum, & diuerſarum conditionum ſanguinis circulantis; nam pro iſtorum omnium varietate, & diuerſæ moleculæ ſecernuntur, quæ diuerſam dictis liquoribus diatheſim conciliant; particulas autem iſtas, licet non ſemper eiufdem ſpeciei, immò etiam aliquando nutritiuas, & magis neceſſarias inutilibus commixtas compendio quodam ſemper eodem nomine appellamus; dummodo à certa glandula exeant. Aſt hunc tractatum, ne hîc nimis digredi incongruè videamur, pleniorẽ, & abſolutum peculiari de

de glandulis disquisitione aliàs facturos candidè promittimus.

Si autem liquore aliquo viscido villi glandularum Ventriculi affecti segniùs operantes minùs vasa comprimant, succus naturali tenuior separabitur, qui inæquali impetu, ventriculi filamentorum extrema impellendo motum inuertet, & concitatos vomitus producet. Vt eosdem etiam vomitus excitare potest succus, qui maiori villorum contractione facta ab aliquo magis energetico principio excurrente, copiosior, densior, & solidior deriuatur, vt idem non ea, qua debet, velocitate è ventriculo effluens, diutiùs intra tenuia huius filamenta detineatur, altius subeat, ipsa irretet, & ab huiusmodi fine actionis principium excitans vsque per totam Oesophagi fibrarum cochleam continuet, ac contenta retrogado motu per os depellat; Eo maxime cum carneæ fibræ vtrinque indifferenter contractionem incipiant, vti videre est, si manu rem immobilem prehensam dimouere conaberis, tunc os cubiti rei immobilis detentione terminus immobilis euadit, & fibræ ab earum initio versus finem, contractionem ducunt.

Insuper fluida è vasis secreta, alimenta, & pharmaca in primis vijs fiunt emetica, si propter

propter aliquorum incongruitatem indebitè inuicem commilceantur: Secundò, propter variatam in quantitate, aut qualitate, improprietatem: Tertiò, si tonicus fibrarum lædatur motus, cum tunc à præscripto in stomacho commorandi tempore, aut deficiant, aut excedant. Certum enim interuallum statutum est respondens naturæ cuiuslibet, quo fluida alimenta, & pharmaca in ventriculo morentur, quod si excefferint nimis coquuntur, ad inuicem subiguntur, & in alienam à naturali abeuntia indolem, iusto magis fibras urgendo, vomitui valent occasionem esse. Si autem debitum tempus non atigerint, minùs cocti possunt, aut ex solis intestina ad motum retrogradum sollicitare, aut bili commixti in tertiam tincturam emeticam facessere; licet etiam ipsa bilis non debitè glandulis epatis secreta, & sine alterius admixtione, & alteri commixta, chylum, aut succum glandulis secretum pervertere, intestina incongruè vellicare, & vomitum actuare potest.

Emetici irritatio non solum fibras membranarum ventriculi dimouere valet diuidendo, sed quoque inflectendo; utroque enim modo cum particulas fibras componentes magis ad inuicem coerceat, exprimit id, quod liquidius in ipsis continetur: Cum partes  
fluidio.

fluidiores minùs cœteris cohæreant, ideò faciliùs separantur, & deriuantur. Exagitando Vomitorium qua liquida, qua solida, mutuam actionem promouet, nam fluida dum fortiùs comprimuntur validiore momento solida impellunt, & solida impulsæ maiori nisu in fluida nituntur, & ambo mutuo compressa, & restituta laxitatem, dissolutionem, & diuersam mixtionem fluidis inferunt, quorum particulæ cæterarum cohæsionem deferentes in ventriculo separatæ vomitu eijciuntur, ac via, his modis, & à partibus solidis, & ab humoribus poterimus euacuare.

Ita censemus ab irritatione facta in ventriculo è toto corpore, etiam è partibus distantibus exprimi quoduis magis fluidum, ac per pressionem membranarum, & musculorum in venas impelli, hinc ad cor, postea circulando per arterias, cum structuram, & modum apta ipsius separationi in glandulis tantùm ventriculi reperiatur, ibidem separari, & per vomitum excerni. Tali modo cogitamus materiam è partibus longinquis concussione, nisu, & expressione in ventriculum deriuari, & per vomitum exire; & quoniam ab ipsius glandulis faciliùs, quam aut ab epatis, aut saliuæ, aut &c. determinato compressionis gradu elicitur: Hiscæ condi-

tioni-

tionibus sequi leges, quibus lotium secernitur in renibus, & certa irritatione, & contractione fibrarum vesicæ foras extruditur.

Ad vos Sapientissimi Iudices, appello, si rem Medicam, quæ dilucidari possit, promoveant nonnulli; Dum dubitant an ea pharmaca, v. gr. infusio Croci metallorum; Antimonii, Mercurius præcipitatus, Mercurius solaris, Aurum vitæ, Hercules Boij, Turbith minerale, quæ ad vomitum stimulandum exhibentur, eadem adæquate vomitoria appellentur, cum post eorum omnimodam reiectionem vomitum pluries recurrere observamus, an maius vomitorium dicendum sit certa tinctura occasione illius exhibiti genita, & à ventriculi glandulis erumpens, aut certa filamentorum introducta dispositio ad motus vomitum causantes exhibendos.

Adhuc sub Iudice lis est, quibus principiis debeat vis illa, quæ in tinctura emetica reperitur, siue talis parari dicatur ex pluribus mineralibus, vegetabilibus, Animalibus, quorum insignem catalogum fecerunt Pharmaciæ Cultores, siue occasione ipsorum generetur in ventriculo: & licet alij salibus, alij sulphuri, alij diversis principiis, dum incongruè, aut nullatenus à ventriculo subiguntur, vim tribuant: Erratum tamen



tamen non excogitamus asserere emeticæ virtutis determinata principia esse vsque in hanc diem omnino ignota, immò non posse aliqua verisimilitudine determinari, nec ad acida, tamquam ad sacram anchoram recurrendum; Vomitus poterit fortasse causare quodlibet principium, & sanè etiam aliquod, cui adhuc nomen non fecerimus; dâmodo fibras ventriculi certo, & determinato modo; etsi vario pro diuersitate structuræ ventriculi, & intestinorum in diuersis Animalibus fibras impellat, cuius tamen vis præcisum momentum est inter illa plura, ad quæ nostra cognitio non sufficit.

Quandoque ablato humido in fibris stomachi experimur istas infelicitè vehementissimè contrahi, & ablente materia emetica nauseam parere, & conatus vomitorios, Propterea non sine ratione hîc etiam alij ancipites sunt, an sensus quo admonemur huius necessitatis vomendi, ab aliquo emetico ventriculo hærente dependeat, an emeticum in re præsentis nullas habeat partes, sed aliquid aliud sit, quod in vomitum contentam materiam agat.

Cur tantopere emetica Tinctura in ventriculo detenta cerebrum lædat, & vsque sensus internos, & animales functiones vi-  
tiet, res est summis vorticibus abscondita,

& quæ Delio Natatore indigeret. Vertigines parit, ( quantum humanæ coniecturæ permittunt, ) duobus modis: Primo materia huiusmodi deprimendo, aut alio modo incongruè vrgendo nervos vagi paris, intercostalis, & stomatici, cerebri substantiam deprimit, siuè aliter afficit; hinc certo consensu perturbato spirituum animalium transfursu Scotomia succedit: Secundo si Chylum peruertat, qui malam sanguini diathesim conciliabit, & materiam aptam pro animalium spirituum genesi non exhibebit, inde spiritus geniti in irregulares motiones, ataxias, & vertiginosos insultus adigentur, ideò & ipsum in hypochondriacis plurimum contigisse obseruamus.

Mœstitia, Timore, Irrequieta animi agitatione, alijsque Scorbuticis, hysteriis, & hypochondriacis affectibus detinentur nonnulli, qui humores in primis vijs continent, mox vomitu exeuntes: Quam rem ita explicare studemus, etsi cerebrum actus phantasie, & aliorum internorum sensuum exerceat legibus adhuc nobis ignotis, & mechanica admodum mirabiles functiones in latebris omnino abscondita. Cerebri structura est filamentorum, siue maius tenuium fistularum aggregatum, quæ spiritu replentur ad eorum radices exillante. Fila huiusmodi dum per

T

conti-

continuationem organorum externorum mouentur ab obiectis externis, fit certa vibratio, quæ animæ communicata, occationat in ipsa passionēs; quia verò iidem tremores quandoque sine obiectis externis communicantur per motum, aut qualitatem animalium spirituum, aut aliorum corporum dictos villos impellentium; hinc est, quod anima independenter ab externis motionibus sentire potest, & in nobis excitare easdem omnino passionēs, quæ medijs sensibus obtinentur. Si ergo emeticus liquor in ventriculo aliquem ex his tremoribus producat, & harum passionum aliquam promouebit, vt eidem occationi erit, si deprauato chylo, & sanguine, incongruam spirituum materiam suppeditabit.

Aliquam autem febrem (vtinam impune) Vomitoriam appellamus. Cum ipsa bilis insignem acredinis, & volatilitatis gradum acquirat, & infra ventriculum tali stimulo operatur, vt intestini peristalticum motum inuertat, quo bilis in stomachum deriuata eiusdem fibras in motus conuulsuos sollicitat, quibus omnia contenta flauo colore saturata quasi è librata machina euomantur; Hæc autem species Empiricos ita fefellit, quod aliquarum febrium causam bilem nimis tutò crediderint, quæ sæpius tamen illius

illius effectus potius habenda esset. Eundem etiam effectum bilem parere posse haud pauci indicarunt, si acidi vellicantes, crudi, & serosi humores in copia eidem coniunguntur; immò illi non raro ex se tragœdiam incipiunt, & motu ventriculi inuerso intestinis communicato, insons bilis sui continentis infortunium coactè sequitur.

Si vomitus certos limites transgrediatur, compescendus est præsijs internis, & externis linteo, aut corio exceptis, & cordis Scrobiculo impositis: Non autem id circa initia peragendum, nam sæpiùs felicissima crisi deleteria materies singularis secretionis ope è toto corpore ad ventriculum per minimas fistulas extillans ad superiora, ceu propinquos magis limites largiori imbre profilit. Interiùs, vt imbibitæ in ventriculi tunicis particulæ eluantur congruit vsus feri Caprilis cum gelatina Cornu Cerui; Ad firmandas fibras poterunt exhiberi boli ex terra sigillata, & oculis cancrorum, in quem scopum etiam rectè adhibentur succi boriginis, lupulorum, cichorij, & plantaginis quibus addi potest Crocus martis adstringens; si defectu, & deprauatione totius sanguinis tinctura emetica habeatur in ventriculo tunc ad lac aliquod coctum cum aqua plantaginis, aut alteratum silicibus arden-

T 2

tibus

tibus erit optimum deuenire. Ast alijs pluribus huius symptomatis sæuissimi remedijs supersedemus, quia eadem apud Auctores nullo labore poteritis legere, & quoniam tempus, quod nobis ad dicendum præscriptis V. Academici fini accesserit.

Multos quidem morbos gignere possunt emetici liquores, & plures satis depellere, ita ut in re medica Vomitorijs præstantiùs remedium nunquam quis inueniat, tutiùs enim & congruentiùs, quam per sanguinis missionem, & aliud pharmacum ægris succurrimus, cum facilius per fibrarum agitationem extraneum abripiant, liquent, & promptè ad fluxum ducant, euacuent per emissaria, siue naturalia, siue ab ipsis facta, & quod ab humoribus, & quod à fibrosa substantia exprimitur, ita etiam, vt quod e vasis elicitur per membranas, & quod a membranarum fibris per vasa duci possit.

Si autem succi in ventriculo separabiles, aut in id quod exhibitum est, vt vomitum promoveant, occurrant, aut supra ipsum excurrant, possunt ita à proprijs ordinibus dimoueri, & in texturis modificari, vt etiam absque eo quod aliquam sui portionem communificent, acquirant validas potentias vomitum excitandi, ac singulorum humorum constitutiones immutandi.

Ener.



Energeticum istud præsidium in aliquo magis non proficit, quàm vt è vasis Ventriculi, materia euacuata, sanguinis imminuat quantitatem, inde eiusdem velocitatem adaugeat, & per hanc sanguinem disponat ad insignes mutationes, præsertim in contumacibus cohæsionibus, & obstructionibus; hinc fortasse est, quod emetica, lue venerea, & podagricis affectibus detentis prodesse experimur.

Vomitória fermentationes promouere, & idem omninò præstare, ac sanguinis missio, facilè cuilibet patebit. si serio perpende- rit contractione fibrarum ventriculi fluida in arctius spatium comprimi, consequenter in necessitatem augendi quemlibet motum, & validiores particularum ad inuicem allisiones; sic humores mille modis, & compingere, & soluere.

Si autem periculum non adsit nimij materiæ effluxus ad partem ab emeticis irritatam, v. gr. dum cerebrum, aut alia pars distans à ventriculo afficitur; tunc in huiusmodi læsionibus tutò emetica ad usum reuocamus; Secus si talem copiosum effluxum proximæ partes minitarentur ab eisdem esset penitus abstinendum. Pariter consensu valido inter cerebrum, & ventriculum, si materia aut paralylin efficiat, aut homines veluti

fulmine ictos apoplexia corripit, poterit dimoueri ab emetico, quod ventriculum afficiendo contrahit, concutit per nervos fere uniuersum corpus, & hac via nerueum systema ab iniurijs vindicat, nam id, quod molestè nervis adhæret, prouidè diuellit, & influxum agit.

In Hypochondriaca affectione, vbi potissimum capitis gravitate, & mentis torpore vexatur æger, laudandus vomitus excitatus eo tempore, quo phlegmata concepto organismo turgent, apparente nausea, vel acido ructu: Licet Hippocrates in corporibus gracilibus vomitum imperet à cibo; quoniam tractu temporis crebro ipsius usu deturbatur coctio, nos potius laudaremus ieiuno ventriculo, non tamen proximè ante cibum, quia excernitur menstruum, quo ciborum trituration perficitur, sed per horas quatuor ante cibum. In ipso quoque euomendi actu cauendum, ne post eiectionem aquosæ materiæ, & acidi phlegmatis, falsum, vel subdulce, vel acre, postremò amarum erumpat, tunc enim sistendus est motus, ne ventriculus proprio fermento destituatur, & bilis motus inuertatur.

Damnanda est summè illorum praxis, qui in cholæræ morbo intempestiuè vomitum impedire tentant, nam vitiiati liquores repulsi,

repulsi, dum sanguini reaffunduntur, talem  
ei diathesim conciliant, vt febris maligna  
mæltissimis sociata symptomatis suscitetur,  
cuius radici vix falcem immittas, nisi oppor-  
tunè conueniens emeticum præscripseris.

In febribus ad vomitorium statim recur-  
rendum est. Ita prauos ventriculi, & vici-  
narum partium humores euacuantes, ægro-  
tantem à Diarrhœa, Inflammatione, & alijs  
mortalibus affectionibus præmunemus;  
hoc remedij genere emergentem morbum  
præcidimus, qui secus augeretur, & diutius  
protraheretur prauis ventriculi succis serua-  
tus, qui in penitiores corporis partes trans-  
missi cum sanguine commiscentur, vel diu  
alicubi detenti, veneficum characterem adipi-  
cuntur, & circulantibus fluidis malignam  
auram afflant.

Emeticorum vsum dubium facere pos-  
sunt aliquando sanguinis, & aliorum ani-  
malis fluidorum intima dimotio, quatenus  
ab huiusmodi agitatione potest talis in hu-  
moribus promoueri mutatio, quæ ad na-  
turalem statum aut arte, aut natura redigi  
non possit: Secundo infractum virium ro-  
bur: Tertio humorum extraneorum diræ  
congeriei anceps commotio: Quarto im-  
minens nimix vomitionis periculum, qua  
nimis euacuatur serum, illud dulce lixiuium,

& nimis exsiccat, fluida deprauantur, quæ leucophlegmariam, & plures alios huius rationis morbos expergefaciunt.

Nonnullos mirabiles effectus data opera in disquisitionis finem retraximus, qui pro eorum dignitate primum locum sibi vendicarent; ut postremò vestræ perspicacissimæ menti hærentes ad ipsorum examen sedula studia promoueat, nisi existimaueritis ex illis esse, ad quorum cognitionem inidoneos, aut nullos sensus obtinuerimus.

Famigeratissimum est à multis agitatam Problema de nausea, & vomitione, quæ nauigantes ferè omnes excipit, cum mare fluctibus commouetur, & delicatulos, licet vnda præter morem non tumeat: Cuius rei solutionem ex prædictis inquirentes cogitamus ambientem aerem *Æquoris vnda agitatam*, salinatumque particularum copia scatentem, dum exterius maiori pondere, ac stimulo nauibus decurrentes comprimere, ac per fauces transit lenissima quamuis vellicatione vberius, & maiori impetu impellere in ventriculi partes spiritus in nervis degentes; hinc tali spirituum copia, & motu fortiùs glandularum fibræ contrahantur, & succus naturali densior exprimitur, quin etiam latentes particulæ intra ventri.

ventriculi rugas in impetum adigantur, quæ si certo quodam modo ventriculi fibras stimulauerint, motum inuersum eiûsdem producent, & contenta impetuoso vomitu reijcientur.

Eo magis huic Cogitato vos assensuros esse speramus, si serio perpenderitis externam nostri corporis superficiem cum trachea, & pulmonum bronchijs, œsophago, ventriculo, & intestinis communicare, vt ab externi ambientis pressione eodem modo affici, & stimulari valeant, quod Stenonius egregiè de solido intra solidum edocuit.

Illud sequi fateamur, si penna, aut digito fauces leuissimè proritemus, qua tunc quoque maiori spirituum concursu, & validiori irruptione corrugatio, & contractio neruæ faucium tunicæ, adaucta stomachi membranis, quæ cum ipsa communes sunt, continuetur, & superius recensitos effectus exhibeat; Immo tales vomitionis conatus est probabile vomituriens validiores reddere certa spontanei motus actione; ea lege qua Ruminantia inter ruminandum contractiones ab alimentorum asperitate inceptas actione eadem vsque ad vltimas oris regiones prosequuntur.

Si autem super re tam difficili, aliam repositis congruentem exquisitis cogitationem:

T 5 opina-



opinamur ex reciproca fluctuum depressione, & elatione motus itidem consimiles sicut naui, ita neruorum corporibus eorum, qui vias maris tentant, successiuè imprimi; cumque istorum impressiones præcipuè circa stomachum confluant, vtpotè in centro grauitatis, quod in Hypogastrica regione constituit Borellus, necesse est, vt ea, quæ in stomacho sunt, siue cibaria, siue à toto confluentes humores, agitentur; & supra ventriculi membranas excurrento sensum in eis excitent illi similem, quem penna oleo illita, & Oesophago immissa suscitatur; cum omninò molestus sit æquè, ac inadsuetus, ad auertendam molestiam in vomitionis contractiones stomachi fibræ concitantur; Fieri etiam potest, vt à naui motu immediatè stomachi tunicis agitationes tales communicentur, quæ percipiantur, vt prouenientes ab obiecto intra ventriculum existente, quod idcirco per vomitum iuxta consuetum naturæ ordinem veniret eliminandum; Hinc constrictis circularibus fibris, quæ circa pylorum locantur, laxatisque Superioribus circa cardion; aut vomitus, aut nausea succedit pro modulo eorum, quæ ventriculi cavitatem tunc temporis occupant. In causa ob quam ad nauseosæ rei conspectum stomachus frequenter subuer-

ubuertitur ; non enim , vt remur , motus , quos in hoc casu ventriculus exerit præter causam occasionalem , vllam aliam extrinsecus recognoscunt : scilicet quod phantasia obiectum , vt ingratum palato , exhorrescit , & retractis nervis per œsophagi tunicas excurrentibus motum inuersum spiralibus eius fibris conciliat , quo mediante ingrata à stomacho arcere consuevit : Neque nouum est naturales motus , quales supponuntur ij , qui in primis vijs exeruntur voluntarijs saltem obscurioribus implicari ; etenim præter ea , quæ de ruminatione superius diximus , vt eisdem semper innitamur , & palam fiat quantum physicæ , & medicæ cognitioni Anatomie comparata augmentum dederit , eisdem dicimus obseruari in pennatis , quæ ab ingluvie semicoctum cibum retrahunt , quibus proprios pullos lactis vice nutrant ; quin immò non ita pridem Circumforaceum quendam vidimus , qui magnam vim quæ puræ ingestam pro libitu alijs , atque alijs , etiam coloribus , & odoribus imbutam euomebat. Si tamen nauseoso obiecto grauis odor copulatur , quid ni à foetidis fluuijs pharingis musculos , œsophagi tunicas proritari concipiamus , vnde motus sollicitentur , quibus ea , quæ imaginarij facultati , aut noxia , aut ingrata quomodo-

modocunque repræsentantur, natura voluit auerti, & arceri.

Hæ sunt nostræ Cogitationes de Ventriculo, & Emeticis, quas, & clariùs, & perfectiùs potuisse exponi, & scimus, & candidè fatemur; At si Academici Præstantissimi, Lectores quicunque humanissimi parum animo reuoluatis materiæ amplitudinem, temporis ad inueniendum, & dicendum dati angustiam, easdem, qualescunque sint, benigna clementia excipieris, & Vos solertissimi Censores vestro in omnibus scientijs felicissimo ingenio hos informes Mentis partes projicite in tenebras obscuriores, in perpetuam noctem, ne furtim in publicam lucem effugiant, fortasse illorum infelici facto, vt verum sit illud Magni Angliæ Cancellarij huius seculi insignis scientiarum Restauratoris: Quod primæ Cogitationes, & Iuuenum Consilia suum esse habent à Numine.





# INDEX CAPITVM PRIMÆ PARTIS.

## *De Naturali Sanguinis Statu.*

### CAP. I.

**D**E partibus continentibus. pag. 1

### CAP. II.

*De Fluidorum natura.* 27

### CAP. III.

*De Sanguinis generatione.* 64

### CAP. IV.

*De Sanguinis motibus, & mutationibus in aliâ  
fluida.* 104

## SECVNDÆ PARTIS.

## *De Præternaturali Sanguinis Statu.*

### CAP. I.

**D**E vitijs sanguinis ad cerebrum confluentis,  
& primo de eiusdem vitijs in genere. p. 155  
De

# INDEX CAPITVM.

<i>De Vigilia , &amp; dolore.</i>	pag. 167
<i>De Delirio , &amp; mania.</i>	168
<i>De Conuulsione.</i>	170
<i>De Somno , &amp; impotentia vigilandi.</i>	ibid.
<i>De Vertigine.</i>	172
<i>De Apoplexia , &amp; Paralyfi.</i>	ibid.
<i>De Incubo , &amp; Epilepsia.</i>	173
<i>De Remedijs hæc sanguinis vitia corrigenti-</i> <i>bus.</i>	175
<i>De Læſionibus visionis.</i>	178
<i>De Læſionibus auditus.</i>	184
<i>De Læſionibus gustus.</i>	188
<i>De Læſionibus odoratus.</i>	191
<i>De Læſionibus tactus.</i>	193
<i>De Remedijs hæc sanguinis vitia corrigenti-</i> <i>bus.</i>	195

## CAP. II.

<i>De vitijs sanguinis ad Thoracem confluentis,</i> <i>&amp; primò de eiusdem vitijs in genere.</i>	197
<i>De Thoracis inflammationibus.</i>	200
<i>De Angina , &amp; eius speciebus.</i>	202
<i>De Peripneumonia , seu inflammatione pulmo-</i> <i>nis.</i>	203
<i>De Pleuritide , seu inflammatione pleura.</i>	205
<i>De Empyemate , Vomica , Phthiſi , &amp; Hemo-</i> <i>ptoe , &amp;c.</i>	207
<i>De Pectoris , &amp; Pulmonum Hydrope.</i>	211
	<i>De</i>



# INDEX CAPITVM.

<i>De Pulsu inaequali, &amp; intermittente.</i>	p. 212
<i>De Syncope, Lipothymia, Lipopsychia, Eclysi &amp;c.</i>	214
<i>De Cordis Palpitatione.</i>	215
<i>De Polypo Cordis.</i>	217
<i>De Difficili respiratione.</i>	216
<i>De Remedijs hac sanguinis vitia corrigentibus.</i>	228

## CAP. III.

<i>De Vitijs sanguinis ad abdomen confluentis, &amp; primò de eiusdem vitijs in genere.</i>	p. 224
<i>De Ventriculi Imbecillitate, dolore, &amp; alijs laesionibus.</i>	228
<i>De Intestinorum Diarrhoea, &amp; Dysenteria.</i>	230
<i>De Dolore colico, &amp; iliaco.</i>	231
<i>De Epatis tumore, &amp; alijs laesionibus.</i>	232
<i>De Lienis scirrhus.</i>	233
<i>De Rhenum Calculis, Diabete, &amp; Nephritide.</i>	234
<i>De Urina cruenta, &amp; eiusdem suppressione.</i>	237
<i>De Affectione hypochondriaca.</i>	238
<i>De Cachexia.</i>	240
<i>De Hydrope.</i>	241
<i>De Artritide.</i>	242
<i>De Rachidite.</i>	244
<i>De Lue Venerea.</i>	246
<i>De Vteri Rheumatismo, &amp; alijs laesionibus.</i>	247
<i>De</i>	

# INDEX CAPITVM.

<i>De Catameniorum suppressione, &amp; Hemorrhagia.</i>	pag. 248
<i>De Sterilitate.</i>	249
<i>De Frequenti Abortu, &amp; deprauato Conceptione.</i>	251
<i>De Hysterica passione.</i>	252
<i>De Remedijs hac sanguinis vitia corrigentibus.</i>	253

## TRACTATVS

<i>De Ventriculo &amp; Emeticis.</i>	261
--------------------------------------	-----

F I N I S.











